



p. germ. 16648

Zeller



D'r Aetser aus d'r Holz.





J. P. Schell

Gedruckt v. S. Böhler in Mannheim

D'r Vetter aus d'r Palz.

Dichtungen in pfälzischer Mundart

von

J. Philipp Beller,

genannt Vetter.



Mit dem Bildnisse des Dichters.

Mannheim.

Verlag von Tobias Löffler.

1863.

358-H.



Vorwort.

Da erscheinen nun die längst erwarteten Gedichte unseres guten B e t t e r s. Daß er diese Freude nicht erlebt, bleibt tief zu beklagen; für manche Entbehrung, manche Stunde gedrückter Stimmung hätte ihm dies reichliche Genugthuung gewährt.

Der im Leben bei seiner bedächtigen, zögernden Weise so Manches verspätete, hat uns durch sein plötzliches Hinscheiden schmerzlich überrascht, und statt der launigen Vorrede des Verfassers, welche diese Stelle des vorliegenden Werkes zieren würde, muß der geneigte Leser einige magere Notizen des Freundes hinnehmen, der nur mit Mühe seine Wehmuth unterdrücken kann, um also fortzufahren:

Das Leben und die Thaten des am 5. März 1824 dem ehren-

festen, geschäftspunktliehen Rheinbrückenmeister Melchior Zeller von seiner gemüthvollen, heitern und emsigen Gattin geborenen Söhnchens Philipp, nach Würde zu beschreiben, kann hier nicht die Absicht sein. Wie er mit gleichgesinnten Kameraden vom Lyceum zu Mannheim für die alten Deutschen und Herrmann den Cherusker schwärmte, wie er die Zeiten der Ritter pries und im Spiele vergegenwärtigte, wie er, nur mit Schwimmhosen angethan, den Speer in der Hand, den Neckarauer Wald durchzog, Laubhütten baute und kühn in den Rhein hinausschwamm; wie er später den Schläger handhabte — er schlug auch links! — und als erwählter Kaiser beim edlen Gerstensaft dem Reiche präsidirte, das Alles, muß einem besondern Gesange vorbehalten bleiben! Hier sei nur erwähnt, daß diese Spiele des Knaben, dieser Scherz des Jünglings, Symptome eines Gefühls waren, das sich bei dem Manne in eine klarbewußte Liebe zum großen Vaterlande geläutert hatte, dessen Einheit und Macht der heißeste Wunsch seines Herzens war.

Als aber die Zeit sich erfüllt hatte, zog er, unter dem Namen „Bettler“ allbekannt und geehrt in seinem zwanzigsten Lenze und im Herbst des Jahres 1844 mit seinen Alters- und Studiengenossen gen Heidelberg, wo er sich aus unbekannten Gründen

als Mediciner immatriculiren ließ und in der That auch bei dem berühmten Tiedemann Anatomie hörte. Was er da gesehen, gehört und durchdacht, das hat ihm sein ausgezeichnetes Gedächtniß treu aufbewahrt — leider aber konnte er sich nicht überwinden, noch weitere medicinische Kollegien zu besuchen. Ebenjowenig, und zu noch größerem Erstaunen der Freunde, trat der renommirte Schläger in eine Studentenverbindung, sondern verblieb in zwanglosem Bunde mit seinen alten, intimen Kameraden. Gleichgültig gegen Bachus, widmete er sich einem geordneten, regelmäßigen Dienste des ächt germanischen Gambrinus, dessen Fahne er mit neugewonnenen Freunden wie früher mit den alten, für und für in Ehren hoch hielt. In heiterer, beschaulicher Lebensweise, die ihm auch der Sturm der Jahre 1848 und 1849 nicht wesentlich trüben konnte, hing er seinen Träumen und Ideen nach, nahm zu an Menschenkenntniß und allgemeiner Bildung, reinigte als geübter Taucher den Grund der Bootsischen Schwimmschule von lästigen und gefährlichen Felsen, und machte den Studentenauszug nach Neustadt mit, woselbst er die berühmten plastischen Vorstellungen in der höheren Schwimmkunst gab und schließlich durch unzeitig explodirendes Pulver bedenklich im Gesichte verletzt wurde. Nach mehrwöchentlichem Krankenlager kehrte er aber guten Humors nach Heidelberg zurück. Und

VIII

als die Zeit wieder abgelaufen war, und noch Etlliches darüber, kehrte er von der Universität zurück ins Vaterhaus, vergrub sich des Tags hinter alten Büchern, Schriften und Landkarten, und überließ es Freunden und Bekannten, sowie dem verehrlichen Publikum, zu errathen, was er eigentlich studire, und ob und wann er das medicinische Examen machen werde. Denn zu schweigen verstand Better trotz Napoleon III.! Des Abends aber erschien er regelmäßig in gewohntem Freundeskreise und würzte die gesellige Unterhaltung mit den Einfällen seiner unverwüßlichen, stets gutmüthigen, öfters originellen Laune.

Und als die Zeit abermals abgelaufen war, machte Better das medicinische Examen nicht, sondern ein Gedicht in Pfälzer Mundart auf seinen alten Freund „Hannes“, bei welchem das Examenmachen damals, dem Anscheine nach, ebenfalls zweifelhaft geworden war. Und damit war Better, anno domini 1852, an dem Wendepunkte seines Geschickes angelangt, d. h. er wurde sich über seine eigentliche Bestimmung klar. Der Beifall, den dieses Gedicht im Freundeskreise gefunden, regte ihn an, nach dem Vorgange Naders, eine ganze Reihe Gedichte in Pfälzer Mundart zu fertigen. Gründlich aber, wie Better's Wesen war, machte er sich nun das Studium des Pfälzer Dialekts zur ernstesten, angelegent-

lichsten Aufgabe. Er rief sich die körnigen Redensarten seiner alten verehrten Vase zurück, belauschte die naturwüchsigcn Ausdrücke der aufgeweckten Kinder seiner Hausfrau, horchte auf die verben Unterhaltungen der Spanner und Sackträger, verkehrte mit den Schiffen, wie mit den Nachtwächtern, und durch leutseligcs Benehmen überall im Volke beliebt, sammelte er allenthalben in munterem Verkehre charakteristische Ausdrücke und Redewendungen, die er dann nicht nur in seinen poetischen Erzeugnissen mit Geschick zur Anwendung brachte, sondern auch, Dank seinen erworbenen sprachlichen Kenntnissen, mit Scharfsinn in ihrer Grundbedeutung nachwies, und aus ihren Sprachwurzeln herleitete. Leider hat Better an einem unglückseligen Abende mit seinen Werken auch das kostbare Wörterverzeichnis verloren, und seitdem nur die ersten aus seinem vorzüglichen Gedächtnisse mit rühmlicher Beharrlichkeit wieder hergestellt!

Allmählig trat er jetzt mit einzelnen seiner poetischen Erzeugnisse vor ein größeres kompetentes Publikum, indem er bei festlichen Anlässen in dem zahlreichen, jovialen Kreise des „Mannheimer Sängerbundes“, zu dessen beliebtesten Mitgliedern er zählte, theils ältere, theils eigens für diese Unterhaltungen verfaßte Gedichte vortrug. Der schallende, allgemeine Beifall, den er hier er-

rang, wirkte wie Frühlingsregen und Sonnenschein auf sein Gemüth, er lebte neu auf in dem Gedanken, daß er nun seinen eigentlichen Beruf gefunden habe, und hegte wohl die stille Hoffnung, der „Hebel“ seiner geliebten Pfälzer zu werden. — Und, wie selten ein Glück allein kommen soll, so öffnete sich unserm trefflichen Vetter in den letzten Jahren noch ein zweites Feld zu verdienstlicher Thätigkeit aus Neigung.

Anläßlich der Auffindung einiger, ungewöhnlich gemobelter Echerben beim Brande eines Nachbarhauses hatte sich scherzweise in der mit gutem Humor gesegneten Stamm-Gesellschaft am runden Tische des Gasthauses „Zum silbernen Anker“ ein Verein gebildet, der neben einigen eilig beigebrachten Antiquitäten auch verschiedene Raritäten, wie z. B. einen großen Frosch u. dgl. als Alterthümer vorzeigte und die staunenden Gäste zu Beiträgen aufforderte, die dann auch unter Anderm in alten Münzen, Gefäßen und Waffen geliefert wurden. Vetter, der selbst früher alte Münzen gesammelt und sich Kenntnisse in der Münzkunde und Heraldik erworben hatte, machte nun den gründlichen Ansleger der beigebrachten Gegenstände und — durch Mischung von Ernst und Humor erregte er bald ein solches Interesse für die Sache, brachte einen solchen Schwung in das Unternehmen, einen solchen Eifer in

die Leute, daß richtig unter seiner Präsidenschaft ein förmlicher Alterthumsverein im „silbernen Anker“ sich bildete, der nicht nur Zimmer und Glasschränke sich beschaffte und mit interessanten Alterthümern anfüllte, sondern auch auf eigene Kosten Grabungen nach römischen und fränkischen Alterthümern mit schönstem Erfolg anstellen ließ, und sich nun sogar die Anerkennung und Theilnahme hervorragender Gelehrter und Männer von Fach errungen hat. Auf Better, so zu sagen einen geborenen Alterthümer, mußte dieser Erfolg einen erhebenden Eindruck hervorbringen. Zeuge deß ist die Geduld und Ausdauer, mit welcher er aus den gefundenen Bruchtheilen in oft viel Stunden langer Arbeit das betreffende Gefäß mit kundiger Hand zusammensetzte, die Münzen entzifferte und bestimmte, die Waffen erklärte und die Grabungen leitete. Da zeigte sich, welcher Thätigkeit er fähig war und welcher Beharrlichkeit.

So hatte sich nun aus dem früheren räthselhaften Thun und Träumen der Dialektödichter und der Alterthümer entpuppt, und wer kann bemessen, welche Zukunft dem einen oder dem andern, oder beiden noch geblüht hätte! Leider freilich war über diesem Entwicklungsprozeß Betters Vermögen aufgezehrt worden, und was noch schlimmer war, was tragisch geworden ist, in seinem kräftigen Körper hatte sich in letzter Zeit ein todbringendes Herzübel

entwickelt. Gleichwohl bewahrte Better eine sokratische Ruhe und Heiterkeit, und scherzte über sein Leiden bis in die letzte Stunde, die ihm unerwartet frühe schlagen sollte.

Am 19. Sept. d. J., als er das altgewohnte Rheinbad genommen, setzte ein Hirnschlag seinen Tagen ein Ziel, zwei Schweflern und zahlreiche Freunde in theilnahmevolle Trauer!

Better war ein Original, ein guter, begabter Mensch, ein treuer, bewährter Freund! Vielen hat er Freude bereitet, Keinem hat er wehe gethan! Ehre seinem Andenken, besonders in seiner Vaterstadt Mannheim, der er mit wahrer Pietät zugethan war.

Betters ausgesprochene Absicht war, das Buch seiner gesammelten Gedichte den Mauen seiner geliebten, schon im Jahre 1840 durch den Tod ihm entriffenen Mutter zu widmen. Ihr Name war:

Magdalena Zeller geb. van Seil.

Diese Widmung sei im Namen des dankbaren, nun bereits wieder mit ihr vereinigten Sohnes hiermit vollzogen!

Mannheim, im Dezember 1862.

Die Herausgeber.

Inhalt.

	Seite.
1. 's Fröhjor	1
2. D'r Fröhjorsmorge	6
3. D'r Fröhjorsmiddag	9
4. D'r Fröhjorsowend	13
5. Die Fröhjorsnacht	17
6. D'r Summer	21
7. 's Schbätjor	27
8. D'r Winter	32
9. 's Chrifstinnel	36
10. D'r Neujorsmorge	39
11. Gedanke över die Fasenacht	46
12. D'r Appelbaam	52
13. Aller Anfang isch schwer	63
14. Wie's Chrifstbeddhum zu de Deutsche kumme is	73
15. Die Pflicht	85
16. 's Schicksal	92
17. D'r Zappe	98

	Seite.
18. D'r Verliebde	101
19. D'r Maimark	105
20. D'r große Kumeet 1858	110
21. D'r Junggsell	115
22. Aschtronomische Betrachtunge durch's Schoppeglas	120
23. Die Schdorke im Frühjor 1860	126
24. D'r Dorfschel	134
25. Bleib im Land unn nähr Dich redlich	137
26. D'r lustige Duwadsraacher	142
27. 's is kee' U'glück so groß, 's is immer widder e Glück d'rbei	145
28. 'n Schatz in d'r Hand is besser wie e Daub uf'm Dach	152
29. D'r Glaawe macht seelig	154
30. Mit Schbed fangt m'r d'Mäus	157
31. Ehrlich währt am längschde	161
32. Untreu schlächt ihren eegene Herr	165
33. Wäsch m'r de Belz unn mach m'r 'n nit naß	170
34. Wie m'r in de Wald nei'kreischt, so schallt's aa wid- der raus	174
35. Wenn Zwee minnander prozesse, gibts for de Dritte e Fresse	176
36. Gedanke sinn zollfrei	180
37. Was recht is muß recht bleiwe	183
38. D'r Mensch denkt unn Gott lenkt	193

Seite.

39. Wer nit höre will muß fühle	203
40. Prowire geht ünwir schubire	215
41. Wie gewunne so zerrunne	218
42. Gleich unn gleich gefellt sich gern	222
43. Er unn Sie; e Rähsel	226
44. Ebbes Mdes was immer neu is; desgl.	230
45. D'r Schbaziengang;	232
46. D'r Batter;	237
47. 's Schäpel;	241
48. Ebbes for Jedermann;	244
49. Die Kraniche des Piffitus	246



Vorbemerkung.

Der „Vorredner“ hat des bedauerlichen Verlustes erwähnt, welcher Zsellern begegnete, als ihm ein Theil seiner Gedichts-Manuscripte und das Wörterverzeichnis abhanden kam; der Mangel des letztern ließ es dem Schreiber dieser Zeilen, welcher die Vorbereitung zum Drucke der Zeller'schen Dichtungen übernommen hatte, als zweckmäßig und sogar theilweise als nothwendig zum bessern Verständniß derselben erscheinen, einzelne wenige Aenderungen in der vom Dichter beobachteten Orthographie vorzunehmen. Mehr als prosaische Aufsätze verlangt das Gedicht, deutlich und fließend gelesen zu werden, ohne Störung für den Rhythmus, mit schnellem Erkenntniß der leitenden Idee; dieß ist, insbesondere bei Hervorbringungen in einer Mundart, nur zu erreichen, wenn von der üblichen Schreibweise möglichst wenig abgewichen wird.

Wäre es dem Dichter vergönnt gewesen, die Herausgabe dieses Werkes selbst zu leiten, so würde er ohne Zweifel durch seine Erläuterungen dem Leser das Verständniß seiner Orthographie in einem Grade zu erleichtern gewußt haben, worauf der nunmehrige Herausgeber zum Voraus verzichten mußte. Es sei nur noch bemerkt, daß sowohl dem Originale entsprechend als in Uebereinstimmung mit Nadler die mit einem Circumflex bedeckten „ñ“ niemals ausgesprochen werden, sondern lediglich zur Bezeichnung des Anklangs vorhanden sind; daß ferner „feññ“ etwas gebehnt, dagegen „feññ“ ganz kurz lauten soll.

's Frühjor.

Vetscht haww ich schunn for mich gedenk:
Dr Winter is jek ganz v'rschprengt
— nooch sellem Schdurm; 's war hell unn flor —
unn bin glei naus emol vor's Dhor.

Noß — sag ich — du hochst alls d'rheem,
unn 's blie schunn schier alle Vääm
unn friche Blätter. 's war e Pracht,
's hot Alles eem norr angelacht.

Der himmelvile Schnee war hiñ;
was weiß war, war jek alles grün.
Die Kinner hawwe do, im Gras,
schung gsucht alls nooch em Dschderhas.

Ja, haww ich gsacht, s'is noch zu früh;
vor Dschdere kummt der jo nie! —
Wann amwer so deß Wetter halt't,
schlächt Alles aus jek, mit Gewalt.

In zwee, drei Dag, do wett ich druff,
sinn schunn die Märzeveilcher uff. —
Was hatwe dann die Kinner do?
Da! alleweil, do sag ich's jo!

Warrhaftig: ganze schöne Schträus
vunn Märzeveilcher bloo unn weiß; —
Guck! Schmetterling sinn aa schunn do,
die sinn so wuß'lig unn so froh!

Dhut narr em Gude nit zu vil;
wie gschwind werd's Dwend, noht is's küel.
Die Sunn bleibt zwar schunn länger do,
• 's schön Wetter — sag ich — gfallt 'r so,

unn Dag unn Nacht war aa schunn gleich,
jetz is se widder Herr im Reich;
d'r Winter der hot aus jetz gherrscht. —
Gebb Acht, wie du glei gschdützwert werst!

Do guck emol een Mensch jetz um!
Wann ich narr trucke heem noch kumm!
Sunstcht laast's alls one Rege ab,
wann ich mein Barplee bei m'r habb. —

Unn so hot's ewe, Dag unn Nacht,
bei verrzeh Däg schier, fortgemacht.
Ball Schdurm, ball Rege'n odder Wind,
unn Blik unn Dunner grad so gschwind.

Unn meent m'r mol, die Sunn scheint heut, --
goowebdelt's widder wie nit gschiet.
Gusch! werd's nachts hell unn gibt 'n Froscht,
wo manchem Blümmche 's Lewe koscht.

Dann: „D'r Aprill is nit zu gut,“
„er schneicht em Bauer uf de Hut!“
Die Sunn macht sich zwar wenig draus,
die lacht so zu de Wolke raus:

vor schdrenge Herrn haww ich kei'n Bäng,
dann die regire jo nit lang.
Unn richtig! 's is heut widder schön;
die Sunn scheint 's Wetter zu v'rschdeh'n. —

's is wie v'rzaumert jetz do haus.
Wie schön sicht so e Herd nit aus
mit junge Lämmcher! Guck narr! Ei!
do sinn zwee schwarze gar d'rbei.

Die dhun sich Guts uf ihrer Wiß. —
Die Äppel blü'e'n, unn die Rüß,
unn aach die Bire. 's is e Schdaat;
's gibt lang im Freie schunn Salat.

Do guck nor's Feld: 's is jo e Freed,
was Alles schunn so prächtig schdeht.
Do tricht m'r widder neue Muth,
unn, hilst uns Gott, werd's Jor aa gut.

Die Biene hawwe schunnt e Gsumm
unn schwärme'n an de Blütthe rum;
unn wenn 's an Rässer mangle sollt:
do sinn, so vil d'hr hawwe wollt! —

Ich geh mol nüwwer jetz an 'n Rhein;
do werd's e Bisel lustig seyn.
Guck ija! do is 's prächting küll,
die Buwe mache do ihr Schbiel.

Ihr hatt 'n gude Platz gewählt,
— Wie der sich mit sein Drache quält! —
Jetz hot 'r doch Gen ufgetroßt,
der wo des Uüdhier schdeige löst. —

Wie Mancher hot's als Buh gedhañ
unn dhuts als Mann — unn denkt nit drañ!
Die Bleech, die isch schunn voller Wäsch;
im freische nit aa schunn die Frösch?

Macht narr so fort mit demm Gequack,
do hot euch ball d'r Schdork am Frack;
er kummt schunnt an de Benne dort:
He! guter Freund — mol uf e Wort!

Bringscht meiner Hausfraa des Jor nicks?
Wann d's nit kannscht selwer bsorge, schicks!
Du Närrle. An was habert's dann;
du förkscht dich doch nit vor em Mann?

Als wann d' nit wilscht, daß der nicks sächt!
 Du nuckst mit mim Kopp? Noñ, des is recht.
 Leb wol! Ich wünsch gutt'n Appedit!
 Josch ghört du? — Unn vergeß m'r 's nit! —

Die Schwatke siinn jo aa schunn do
 unn zwittsere unn siinn jo froh.
 Gott's, do schlächt aach e Nachtigall;
 jek hamm'r se dann widder all!

's Frühjor bringt all die Böchel mit,
 norr die gebrot'ne Dautwe nit. —
 Wie gsacht: heut war en Frühlingsdag
 so schön m'r 'n sich norr wünsche mag.

Unn Mancher hoct d'rheem am Buch,
 unn macht 'm liebe Gott kenn B'such;
 unn's wär kein Gang umsunscht gedhan:
 m'r trifft 'n jo doch immer an. —

D'r Fröhjorsmorge.

Die Sunn is aa schunnt widder do!
 Noñ, noñ, for die bin ich dann froh;
 halt Gens mit dere gleiche Schritt
 im Uffschdehñ, die verschloft sich nit:

Je schbäder die in's Bett dhut gehñ,
 je früher is se auf de Been.
 Sie guckt durch's Naschtloch in de Schdall
 unn weckt de Han; noht is es all.

Der kräht unn kräht unn hot keññ Ruh,
 als hätt 'r 's gröschde Recht d'rzu,
 unn weckt, waß norr im Haus driinn wohnt;
 sogar d'r Hausherr werd nit gschont.

's is aa — genau genumme — Zeit;
 's gibt freilich widder anner' Lent,
 die denke: Neen! jez schlof ich erscht, —
 Wann d', Gockl, nor gebrote wärscht!

Unn sinn se awwer endlich haus,
 weess Keens vor Langweil recht wonaus:
 ball Deß, ball Sell, deß is e Qual,
 's fehlt nergends als wie ümweras.

Neeñ, neeñ, do halt e'n Aunrer mit!
Die Arme sinn die Ärmische nit:
die schaffe schunn zeit zwee drei Schdund
unn sinn v'rgnügt d'rbei unn gsund.

M'r därf nar naus in's Freie gehn. —
Die Böchel schlage gar zu schön;
sie singe halt for Schweis unn Trant
glei unserm Herrgott ihren Dank.

Wann 's Unseereens aa nit v'rschdeht,
bei demm gilt's for e Dankgebet.
Do hot keen Dhierle mehr jetz Ruh
unn macht sein Musik aa d'zu;

eß denkt: 's dhut Jeder was 'r kann,
Gott is jo so en guder Mann! —
Do schafft sich 's noch e Mol so leicht,
's werd Manchem zwar sein Hemm alls feucht;

wann 's atwer aa an's Frühschbildt geht,
braucht Nimand Willbert unn Baschdeet.
So eenfach 's is, 's schmeckt! Jedem doch:
d'r Hunger is d'r beschde Koch!

So morgens geht e gsundi Lust;
was schärkt eem narr der Blüthedust!
Die Biene schwärme um den Baam,
m'r meent jo grad sie wäre zahm,

so surrt's unn purrt's in alle Nscht. —
 Guet, wie sich unser Morle wäscht!
 heut regn'ts noch. — Do hamn'r 's jo:
 drum kräht aach unser Hahn e so.

Sich, wie se uf die Schwalwe schbannt!
 Ja lievi Albie, vord'rhand
 guet du alls nor uf deß, waß kriecht:
 — fang Mäus — unn loß in Ruh, waß fliegt.

Der Schdork hot keen so Plän im Kopp,
 der fangt die Frösch wech im Kalopp.
 Die denke: Mir sün grün wie Gras;
 vor seiner eelange Nas

sicht der uns uf d'r Wiß doch nit, —
 unn uze-n enn alls gar noch mit.
 Die, wo deß dhune, kriecht 'r all:
 Hochmuth kummt immer vor em Fall! —

„Do is 'r, Vatter!“ — Sey doch schdill
 unn hör 'mol, waß die Mutter will!
 Hörscht! „Ob d'r Fritz sein Sach schunn kam?“ —
 Noß ja! Ei wivel Uhr is 's dann? —

Poß Höllewetter! 's isch schunn schbäd!
 Gelt wann m'r dir nicks sage dhät,
 gingscht nit in d' Schul? du böses Kind!
 Runum, kumum! ich üwerhör dich gschwind.

Wie oft haww ich d'r nit schung gfaht:
 „Glei morgens an deist Sach gemacht!“
 „do geht's wie gschmiert;“ dann: „Morgeschdind“ —
 wie 's Schprüchwort fäht — „hot Gold im Mund!“

D'r Fröhjorsmiddag.

Komm Herzele! geh aus d'r Sunn;
 du frickscht jo Koppweh sunscht d'r vunn.
 Komm, komm; heut is es so so heef.
 Non, in Getts Name! Wamm'r weef:

's kann ohne Sunn nit warem sehn,
 do nimmt m'r geern die Hit noch dreiß;
 vorab wann's doch nit annerscht geht.
 Wann nor der Herr so denke dhät,

sickscht? mit demm grose Schtroohüt dort.
 Der knottert jo aach ewig fort
 unn macht sich mit sein Deckel Wind.
 Des is waß, wo m'r häufig find't,

Windmache könne se schier all,
 der gar fricht mit d'r Sunn Kravall:
 die gingt noch nooch em alde Schdil
 emol zu wenig, 'mol zu vil.

's dhät's aa die Hälft vunn dere Gluth,
unn 's Annre kânt eem winters gut.
Deß gäbt noch so e Hitz, am End,
daß Nimand meh'n do rausgeh'n könn't,

so — sächt 'r, — nimmt die Sunn eem mit.
Unn deß wär Gottes Wille nit,
dann 's dhät nicks in d'r Witwel schdeh'n
vum Schwiße beim Schbakiregeh'n!

Mein — sächt die Sunn — loß mich in Ruh!
du alder Weltverbesser, du.
's ganz Jor een Wetter — ei bewahr!
deß wär nit haltwer unn nit gar.

Do giengt's am End — Gott sey d'r vor! —
als wie im sienwezehder Jor.
Sickscht do die Mäer? hoscht noch ghört,
daß sich vunn denne eener bschwert?

's is wohr, sie hot ganz Recht die Sunn;
deß wisse halt die Mäer schunn,
daß 's warem seyn muß — deß wär schön —
der Dollbatsch soll in 'n Schatte geh'n.

Betracht een Mensch nor 'mol die Frucht,
ob die nit ihres Gleiche sucht!
Die schöne Ahre, wo die hot.
Unn die Kardoffle do, weß's Gott!

so schön, ich wollt, sie wäre mein,
 deß müße Frühkardoffel seyn.
 Uun aa die Trauwe blühe ball;
 wann 's anwer kalt wär, do wär 's all.

Guck Vewes; sickscht die Mäer do
 im Schatte liche? die seyn froh,
 unu kenne klagt mehr ünwer Hix. —
 D'r Michel bußt sein Peiseschbis

unnu schdobbt sein' Ulmer unnu denkt: Halt!
 bis schbäder; sunscht werd's Eße kalt. —
 Ach was e Hutschele! wie schön
 dhut's newer seiner Mutter gehn.

's is narr en unvernünstigs Dhier
 unnu folgt doch besser, wie du mir.
 Weescht, wer heut morgent nit hot ghört,
 wie ich 'm habb so oft gewehrt,

unnu hot deß Mädele so gschdumpt?
 waart, wann d'r Schornschdeseger kummt,
 heut middag nimmt 'r dich 'mol mit;
 sunscht sollscht du sein Lebtag eem nit.

Gell, jeh willst brav sehn? — Noß, geh her!
 unnu dhu m'r 's anwer jo nimmehr.
 Wer werd d'nn greine! Was e Schand!
 Do jag die Hinkle aus 'm Sand.

Sag: Geht 'r aus meim Gürdel fort! —
 unn sickschde jek die Schdorde dort,
 wie hoch die fliege im 'me Krees
 unn gucke'u ob nicks fehlt? Wer weesß!

Die bringe jo de Kinner oft
 e Bobbele ganz unv'rhosst,
 unn, wann se brav unn orntlich sinn,
 aach noch e Dutt mit Gutsel drinn! —

Sickscht dort! des werd d'r Batter sehn.
 Gebb Acht; fall nit in 'n Randel nein.
 Dhu langsam unn sag hübsch: „Gunn Dach!“ —
 So, Fränz, richt an jek, allgemach. —

Dr Frühjorsowend.

So! mach emol die Läden uf,
 sunscht geht m'r jo vor Hitz noch druf.
 Unn gies hernoht die Gass aa; hörscht?
 daß 's kenn so Schdaab gibt wann de kerscht.

Deß bräucht m'r aa noch; gell lieb Kind?
 Gott Lob! 's gibt scheint's e bissel Wind,
 dann 's Raab bewegt sich, wie ich seh.
 Wie gut deß Hai riecht, — grad wie Thee!

Gotts neen! deß Lindeblüth riecht so;
 's is gar e gsunder Trank deß do.
 Dr Raffee amwer — Gott sey Dank! —
 deß is doch noch e gsündrer Trank.

Raffee mein Vewe! — bring enn rein!
 ich rief's Fränz, er muß ferdig seyn.
 Wann 's 'mol im Himmel kenne hot —
 do mag ich nit nein; bhält mich Gott! —

Die Eva hätt die Welt gerett't,
 wann 's selwigsmol schunn gewwe hätt,
 unn hätt den Appel nit gschdwißt —
 unn hinneuooh vor Angscht so gschwißt,

wie schbäder Gott gerufe hot:
 „wu schdeckt 'r dann, ihr Sabberlott?“
 Die hätt die Schlang gejagt unn gsacht:
 „Fort Paschder! Kaffee werd gemacht!

„Mein Adam der trinkt Äppelwein,
 „der werd 'm nit v'rbotte seyn?!
 „Enn Äppel atwer — nit for Geld! . . .
 Do schdünds jetz annerscht mit d'r Welt. —

Ei Fränz, ei Fränz! Was denksch de dann?
 Mach doch nor fort; sunscht kummt mein Mann,
 eb d' fertig bischt. Du Schneegans du!
 Schberrt alls es Maul uf unn horcht zu.

Do schaff! geww Acht, ich mach d'r Füß;
 m'r sin nimmehr im Paredies!
 For 's Nicksbhuß halt ich mir kei Maad. —
 Wann d' noht gekehrt hoscht, butscht Salat,

unn wann d' 'n schön gewäsche hoscht,
 daß d' m'r 'n do nit im Küwvel loscht;
 sunscht werd 'r hart. Schdell Wäßer bei
 unn mach zwee Njer odder drei

for Jeds vunn uns, unn Millichsupp
 for's Kind, vunn demm sein Kuchelupp.
 Er werd zu trucke sunscht. Was schad't 's,
 wann er 'n nit all ist, frichts die Rag. —

Komm Kind! m'r gehn e Bissel naus;
's is jeh gegosse vor em Haus.
Komm, ob m'r nicks vum Vatter sicht,
's werd ennder doch nit angericht't.

Gell wie schön küll is 's uf d'r Gaß!
Do ge 'mol her, ich zeig d'r wasß.
Sickscht do die Wölkelin so schön,
wie Hämmelcher, am Himmel gehn?

Sickscht wie se laafe; gell wie hoch?
's Neschtquäckel troddelt hinnenooh,
's hot schunn nimmehr de rechde Schritt.
Geww Achtung, Kleens, v'rlier dich nit!

Do guck emol die Schwälbcher do,
die sinn so puscher unn so froh.
Sie rollse noch e Bißel. Mein!
Wer soll dann do nit luschdig seyn

an so 'me schöne Frühlingsdag!
's schön Wetter freet so Dhierlin aach.
Die Schbaze freische immer frisch
ihr „Zwillich“, „Zwillich“ im Gebüsch.

Die Hämmelin sinn awwer all,
so vil m'r sicht, jeh schunnt im Schdall.
Die Sunn denkt aa: sie sinn d'rheem,
unn duckt sich hinner fellie Bääm;

dann nooch unn nooch geht Alles jo;
ich denk, mir mache 's aach e so. —
Ja, grammel norr unn mach e Gficht!
Wann dich d'r Nachtkrabb anwer fricht,

noht hofcht's. — D'r Batter bleibt zu lang. —
Hörscht do die Schwälwelin, im Gang,
noch püschbere im Nescht drinn; hörscht?
Wann du norr aa schunn soweit wärscht! —

Sickscht do die Bibie jey im Hof?
die hawwe'n aach allmählich Schlof. —
Ba Leib! — nit schlage! — Do geh her! —
Sunnscht legt d'r 's jo kei'n Backai mehr. —

Fränz, bring em Kind sei'n Supp jey mit!
der Brote ruht m'r doch sunscht nit.
's Wäschwaßer bring m'r aa glei rein. —
So! jey werd's ballvoll gschehe jey'n.

Ich sag's jo! glei wie ich en habb,
so schloft 'r aa. — Deck's Bettche ab. —
Plumpsack do licht 'r! — Bhüt dich Gott! —
Was der for e Paar Backe hot!

Die Fröhjorsnacht.

He Jakob! nimm mich aa noch mit.
 So arg presirt deß Ding doch nit.
 Du raackscht jo aa dein Peif noch aus? —
 Noñ ja, do geh ich mit do naus.

Deß frische Lüftel dhut eem gut.
 M'r hätt sic's nit am Dag v'rmuth't,
 wo's heut so schmodig war. Nit wor?
 Drum kummt's eem aa so küll jetz vor.

So Alder; guck do simm'r jetz.
 Ich hätt noch geern e Bißel gschwäzt,
 weil's so e schönie Nacht is heut.
 Wann d'awwer uffschdehñ muscht bei Zeit,

do leggsch' dich rechder glei uf's Ohr. —
 Gutt Nacht, schlof wol! — dann 's Gschäft geht vor. —
 Jetz geh'n ich noch do hinne rum,
 wann ich aa schbät in's Bett heut kumm;

deß Schlofe deß is keñn Profit:
 waß m'r v'rschloft erlebt m'r nit.
 Die Schdern sinn jo all aa noch mach;
 deß Gschäft schlächt freilich in ihr Fach.

Gott's Wetter! wasß gibt's amwer dort?
 's schleicht eener nooch em annre fort.
 Die denke, scheint's: for hent is 's aus,
 dann jetz kummt jo d'r Mond ball raus.

Unn die Laderne brenne'n aach! —
 Do wär's jo heller, wie beim Dag!! —
 Neññ, neññ! Do löst uns nor mit Fried,
 dann deß gingt iwwer's Bonelied; —

unn mache richdig sich d'rünn.
 Guck 's is aa wor, do kummt 'r schunn!
 unn batsch! empfelt sich een Lader
 alls nooch d'r annre, wie die Schdern.

Jetz wehr dich Mond, jetz sickscht, wie 's geht,
 wann Mondschein im Kalenner schdeht. —
 Schdill, schdill! Wer kummt do? — So, sinn Sie's?
 Noñ! aach so schbät noch uf de Füß?

Was dausend! Sie sinn aa d'rbei?
 Deß guñ ich Ihne, meiner Tren!
 Nachtwächter? Ei deß sag ich aach!
 Ihr schafft keen Schtreech de ganze Dag,

v'rfürt e Pewe wie bei Hof,
 unn 's Geld v'rdient 'r aa im Schloß;
 unn bei d'r Nacht schbagire gehñ, —
 bei dere Nrweit kamm'r bschdehñ.

Wasß geht e frische gundie Luft,
m'r meent 's wär lauder Blütheduft.
Die Nachtigalle schlage aach
Nachts noch vil schöner, wie am Dag . . .

So? 's is nit alle Dag wie hent?
Deß glaumw ich; ihr wärt gar zu gscheit.
Js 's euch nit Angscht, daß 's regne dhät,
weil do der Hahn e Bißel fräht?

Ich sag's jo. — Seyn Se do nar schdill;
der schickt eem doch nor in 'n April!
Dann freische nit die Frösch jo aach
in eem Schdick fort schunn zeit zwee Dag?

Do gibt's kunn Rege, 's werd nicks draus;
die mache's schunn minnanner aus.
Der Bäcker aach? — deß seh ich wol,
der errt sich awer aa manchmol.

Hör narr 'mol Gens die Schdorken hent!
die klapp're jo als wie nit gscheit.
Die Schnoke geige, 's is e Freed;
m'r kann druf danze, wer's v'rschdeht.

Unn regnts ganz, do habt 'r doch
zum Zeitv'rtreib alls Gschbenster noch!
Nachteule, Schbeckmäus, 's wilde Heer;
d'r Ruckuf weep, wasß alls noch mehr.

Ich hätt gut redde — meene Sie?
 Noñ, narr Geduld, bis morge früh,
 do lös ich Ihne ab bei Zeit —
 verschdanne? — wann's mein Aldie leid't.

Ja, waarte Se e Bißel do,
 ich frog se glei; do won ich jo. —
 Wart Fränz! Ich hab m'r 's doch gedenkt:
 hot die de Lade nit einghenkt.

Jetzt werd m'r 's ańfangs doch zu bunt;
 dann wann die nooch d'r Feierschdund
 bei ihrem Herr Drachhoner schdeht,
 v'rgißt se 's ewe früh unn schbät.

's licht schunn, scheint's, in d'r Art so drinn,
 dann: „Lange Röß unn forzer Sinn“
 hot als mein Vatter seelig gsacht.
 Er hot ganz Recht ghatt. — Noñ, gutt Nacht!

D'r Summer.

I.

Die Sunn schdeht jek in voller Kraft.
's is nöthig aa, dann jek heest's nu: g'schafft,
vunn morgens früh bis owends schbät.
Weeß Gott! sie dhut eem orntlich leed.

Sie hot doch aach e rechdie Plog:
geht Mensch unn Vieh em Schatte nooch,
do därf, 's ganz For, die Sunn eleen
aach nit en'n Schritt im Schatte gehn!

Sie hot 'n harte Dinscht, 's is wor,
sie licht nit lang mehr uf em Dr,
unn wie se sich aach dummle mag,
's wär nöthig schier, sie kämt vor Dag.

Is nit, eb norr d'r Dag recht graut,
waß grünt unn blüt, schunt ümwer-dhaut?
Unn bis du aus de Fedd're bischt,
is Alles saunver abgewischt,

unn nit v'rdorne, wie im Herbst
du alls die Quetsche glei v'rfärbischt,
wann d' füllscht unn denkscht sie sinn ball gut.
Sickscht, wie die Sunn so sachte dhut?

unn nit nooch Kellermädelkart,
hufsch! mit em Lumpe drüüwerfahrt!
Ja fell mich! deß geht nit e so;
menscht? 's is e scharfie Uffsicht do.

D'r Sunn ihr Duch is zart unn feiñ;
's werd wol vunn Sunneschtrale seyn. —
's is freilich wor, sie hot im Schiff,
uf Gras unn Kräuter manchie Hilf.

Wie manches Dhierle fliegt nit rum,
vunn Halm zu Halm, vunn Blumm zu Blumm,
unn trinkt seiñ Schälche Morgedhan
unn wäscht sich mit, unn 's dhut 'm glau.

Unn weefß aa 's Dhierle nicks d'r vunn,
do hilft's halt doch d'r lieue Sunn;
drum denkt se: Ihr kricht aa was bscheert,
dann een Ehr is die anner werth,

unn schtärkt e jeds mit gsunder Lust,
mit Sunneschein unn Blütheduft;
unn bis mar eeñ Sach recht betracht't,
sinn dausend annre schunn gemacht.

Sie haucht ihr Licht nar drüüwer hiñ,
unn alle Planze werre grüñ;
unn denkt m'r, deß war ball gedhañ,
do schtreicht se schunn die Blumme-n an,

Unn macht nit Alles uf d'r Schdell
vull Schpritzer, wie en Dünchersgfell.
Sie färbt se, durch die Bank, wees Gott!
mit alle Farwe, wo m'r hot,

die Rose unn Vergißmeinnicht,
unn alle Blumme, wo m'r sicht.
Wer meent, die Sunn hätt's nit gedha'n,
der guck e Planz im Keller an! —

Nee'n, nee'n, die Hix! no'n 's is nar gut,
daß m'r jetz widder hade dhut;
sunscht wär d'r Summer jo e Plog. —
Wer geht d'm dort d'r Sunn so nooch?

Demm dhut se wol; der isch, scheint's, krank.
So, Alder! setz dich uf die Bank
unn wärm dich an d'r liebe Sunn.
Wann 's geht, die hilft d'r geern d'r vunn.

Da Fritz! brings demm aarme Mann,
der wo jetz nicks mehr schaffe kann;
's is — lieber Gott — en Invelidd:
er war in Schleswig-Holstein mit. —

Wie geht's mim Aarem? noch so schlecht? —
So, macht sich's widder? deß is recht. —
No'n, bhüt Euch Gott! — Fritz, kumm, 's is Zeit;
du weescht, m'r esse Welschbeis heut! —

II.

Schad', daß mein Fritz kenn Schbielbag hot,
der wär geern mit m'r heut; weß's Gott!
Ja, 's Wetter is aa gar zu schön;
ei, 's juckt eem orntlich in de Been.

Deß kille Lüftel dhut eem wol;
's isch schöner wie am Ietschdemol. —
So, Wolke! macht euch narr d'rvaun:
Platz for en'n Mann! do kummt die Sunn!

Sich! wie se mit de Äppel lacht
unn wie se 'n' rothe Backe macht;
ich glaab, daß sich e Manchie schminkt,
die wo 's nit halb so ferdig bringt.

So Backe sinn nit roth wie Krapp
unn färwe, wann'r schwitzt, nit ab. —
Ja, ja; 's sieht Alles prächtig aus;
m'r sinn en'n Monat schunn voraus.

Deß For hot sich die Sunn geregt.
Sie hot schunnt all die Frucht gebleecht;
sie hot ihr Schuldigkeit gedha'n;
's sinn schöne, volle Äre dra'n.

M'r merkt's 'r an: se scheint recht müd;
 drum peift jeds Böschelche sein Lied
 unn denkt: Ich mach se widder froh,
 die Sunn, die gut, ernährt uns jo.

Unn, wie die Verch nuf zu er schdeigt,
 do werd's der Sunn uf eemol leicht;
 die sächt 'r heemlich waß in's Dr,
 unn glei geht's widder, wie zuvor.

Sie schmunzelt mit d'r Verch, ich wett,
 die hot 'r recht in's Herz geredd't. —
 So dankbar sinn die Mensche nit;
 die nemme üngfrogt Alles mit.

Die Sunn schafft denne in d'r Fron,
 unn doch is Ündank noch ihr Lon.
 Sie hot jek nor noch wenig Zeit
 unn soll aa bleechen noch for heut.

Die Wäschfraa dort, die schäumt unn bäsft:
 als Gott'sprich: Deß is dein Gschäft!
 Sie giese alls drufflos, wie blind;
 da! sächt die Maad, jek trüekels gschwind!

Ja, schpricht die Sunn, deß sag ich aa,
 meensch, 's gingt wie bei d'r Äppelfraa?
 M'r nimmt's nor, wie m'r 's grad geern hätt!
 wann's Zeit is, will ich aach in's Bett.

Do laaft die Maad noht rum, unn knorrt
vor Ungebuld, unn wär geern fort.
Unn wann dann gar ihr Dammboor kummt,
werd Alles feucht in 'n Korb neingfchdumpt,

unn glei, bis in die finkend Nacht,
e Schdänderle mit demm gemacht.
Werd immer so e Wäsch noht gschännt,
fricht die Madamm waß ufgebrennt.

Wer fricht die Schuld? ich weef eß schunn:
kein Mensch, als wie die aarem Sunn! —
— Jez bischt erlöst! Noht schloß recht wol,
du liewie Sunn. — Do guck emol!

Waß werd's uf eemol doch so trüb!
Ei! 's tröpselt schunn. Deß is m'r lieb;
do fricht doch unser Herrgott Ruh:
sie muthe's 'm jo lang schunn zu.

Die Baure sage: In d'r Ärnd
hot 'r sunscht 's Regne nie v'rlernt.
Der immer hot gedenkt: Waart't 's ab! —
Ich weef wann ich zu regne habb!

's Schbättjor.

I.

Wo bleibt die Sunn dann widder heut?
 Ich meen emol, 's wär hochie Zeit;
 sie is doch sunscht früh bei d'r Hand.
 Am End is die heut gar im Schdand

unn fährt im Dummel, grad unn frumm,
 alls mit d'r Schdang im Newwel rum!
 Bei dere Jorszeit geht's 'r schlecht,
 do find't se alls de Weg nit recht. —

Do kummt se jo, der aarme Tropp
 unn hot en'n rizerothe Kopp.
 Sie is in eener Hitz unn Wuth
 unn blost unn schafft unn macht unn dhut,

mit Händ unn Füß; 's sicht gfärlisch aus:
 sie kummt nit aus 'm Newwel raus.
 Wann heut d'r Wind nit helpe dhät,
 sie kämt e ganzie Schdund zu schbät.

Der jagt de Newwel vor sich her;
 do fallt's 'r nochher nimmer schwer.
 M'r sicht 'r vunn demm Schtreit nicks an,
 unn wer 's nit wees, der denkt nit dran.

Schdünd Baam unn Acker nit so leer,
do wüßt m'r nit, daß 's Schbätjor wär:
dann 's Wetter — ich muß 's offe gschdeh'n —
is oft im Summer nit so schön.

's glaabt's Mancher nit wann ick's v'rzäl;
dann 's Raab is ünweral schung geel,
die wilde Kewe feuerroth,
unn mit 'm Wein hot's aa feñ'n Noth.

En guder wolf'ler Wein wär recht,
narr daß 'mol widder 's Bier abschlächt.
Do hot die Sunn jek vil zu dhuf'n,
unn doch nicks wie die Ehr d'ruf'n.

Do guck narr, wie se widder eilt
unn nergends e Minutt v'rweist!
Die Däg die nemme halt so ab,
drum laaft se jek im helle Trapp

unn redd't feñ'n Wort unn guckt nit um; —
's kämt manchie Schdadtsrabas nit rum.
Sie hot e hardes Gschäft mim Wein,
bei Allem muß se selwer seh'n.

Vil hunnert Meile, do unn dort,
am selwe Dag — deß is e Wort!
unn ganz alleen's — feñ'n Maad, feñ'n Knecht —
nicks hilft 'r, unn — 's werd Alles recht!

Sie färbt e jedie Art — ich glaab,
 sie kennt se durch die Bank am Raab —
 unn scheut kei'n Arweit unn kei'n Müß.
 Sie kocht vunn aller Herrgottsfrüh

de ganze Dag narr an demm Wein,
 unn dhut Gewerz unn Zucker nei'n.
 Do guck — die Trauwe! Awwer gell,
 die sinn schunn wie Kryschtall so hell!

In verrzeh Däg, do glaaw ich alls,
 sie herbschde drüwwe'n in d'r Palz. —
 So Fränz, jetz wäre m'r so weit!
 Mach, 's is ball Mibbageffeszeit.

Trag norr denn Korb Gemüs do heem!
 „Die Äppel?“ — Waß dann? ganz bequem,
 mit zsamt de Quetsche — schwätz doch nit —
 nimm ich im Rückweg selwer mit.

Unn Trauwe bring ich aa noht nei'n.
 Sag meiner Fraa, ich gingt an 'n Rhei'n,
 mim Frik, e Bißel noch vorher,
 bis daß eß Esse ferdig wär. —

II.

Ui! wie sieht unser Badplatz aus!
 's is gar nit lang, war ich noch haus;
 d'r Herbst, der hot uns awwer gschwind
 v'rtrawe mit seim kalte Wind.

Die Sunn, die hot's 'm nit gedankt
 unn orntlich mit 'm rungezankt.
 „Ei! Better! — sächt se — sey er gscheit;
 „was hinnere dann ihn die Leut!

„Er schickt in seiner Wolk do drinn,
 „do kummt ihm 's Bade nit in 'n Sinn. —
 „Mein, halt 'r 's Maul — 's is jo nit wor —
 „so macht 'r m'r 's jo alle Jor.

„Er is en rechder wüschder Ding!
 „Vertreibt m'r all mein Schmetterling,
 „schie alle Vöchel jagt er fort;
 „enn Growwjan is er, mit eem Wort!

„Er haust druf nein, wie blind unn daub;
 „vunn alle Bääm do reißt 'r 's Laab — —
 „'s is jo nit wor! — Loß 'r m'r Ruh —
 „do hot 'r gar nit 's Recht d'rzu!

„Mach er d'r heem e sauer Gesicht,
 „wann ihn sein Atzelaag alls schickt. —
 „Ach, mach er m'r keenn Raach in d' Schdubb;
 „schunscht gewo 'r Acht, wie ich ihn dupp!

„Er ünverschämter alter Mann —
 „weil Er 's nit mehr vertrage kann,
 „do solle 's Annre aach nit dhun;
 „deß is d'r ganze Wiß d'rvun.

„Er weesß eß jek, jek sey 'r schdill!
 „geht's ihn an, wann Gens bade will?
 „Ich bad noch alle Dag im Meer;
 „mir hawwe halt mehr Hiß wie Er.

„Gutt' Nacht, Herr Herbst! ich geh in's Bett.
 „Geh Er jek aach; Er hot sein Bett! —
 „Wann nor der ünwerzwerche Mann
 „Die Leut recht kujenire kann!“ —

Noû — denkt se — denn hoscht orntlich gschännt;
 du hoscht e gudes Plauderment.
 Bei dir heest's aa scheint's: Wie du mir,
 mein lieber Better, so ich dir!

Was hoscht jek awwer ganz d'rvunn?
 Du bischt unn bleibst jo doch die Sunn.
 's Gscheitscht is: m'r macht sich gar nicks draus,
 demm Herr sein Zeit is doch ball aus.

Dann wann m'r recht am Neue'n is
 bei Käschde'n odder gschälde Nüß,
 unn meent, m'r hätt 'n jek in Ruh,
 do geht's schunnt uf de Winter zu.

's dhut Noth aa for die Sunn, weß's Gott!
 daß die e Bißel Ferie hot. —
 D'r Wechsel macht die Welt grad schön,
 's schwächt Mancher unn dhut nicks v'rschbehû;

ich kenn hier selwer so en'n Mann,
 wo Alles besser weeiß unn kann,
 unn doch nicks hinbräacht, — gilsts die Wett? —
 wann er e Welt zu mache hätt!

D'r Winter.

D'r Winter is e schönie Zeit;
 gar wann d'r erschde Schnee 'mol leit,
 dann is de Butwe so ihr Freed:
 Schneeballe mache wo's narr geht;
 Jo nooch d'r Kält, do kräht keîn Han,
 's laaft Alles uf die Glittschuhban,
 unn fart do Glittschuh oder glennt
 unn holt sich kalde Füß unn Händ. —
 Sich Frig! so waß macht frisches Blut;
 Was schmedt 'n Appel do so gut
 unn Brod d'rzû; du Pienz! deß merk:
 's is gsünder wie deîn Zuckerwerk.

D'r Winter is e schöne Zeit
 — wie glagt — aach for die grose Leut,
 unn wann er norr am Schnee nit schbart,
 gibs manchie schöne Schlidesahrt.
 Unn daß die Sunn schbät usgehñ dhut,
 is widder for die Schadtleut gut:
 im Summer sehe die 's jo nie,
 do is eß denne vil zu früh.
 Je schbäter als je kummt, die Sunn,
 je ehnder macht sie sich d'rummy;
 unn waß m'r an de Däg v'rliert
 werd an de Owend profedirt.

De Kardeşbieler is deß recht,
 do werd druf los gschbielt unn gezech,
 unn wann's am End alls heemgehñ soll,
 do sinn se oftmols froddevoll.

Unn waart't die Fraa mit Ungeduld,
 do fricht d'r Winter noch die Schuld.
 „Ja“ sächt so Gener, „liewes Kind!
 „beim Glatteis do geht's nit so gschwind;
 „noch glaaw ich, daß eß Alles braucht,
 „daß ich m'r nit hab 's Beeß v'r'schdaucht,
 „wie ich am Eck nätschd gfallē wär;
 „'s is gar zu glatt am Haus do her.“

„Schämst dich dann gar nit vor de Leut?“
 — sächt Sie — „Ja, guck narr, gfallst m'r heut!“
 „Nor heut?“ sächt Er, „ei ei, is 's wöhr?
 „unn du, du gfallst mir doch 's ganz For!“

„Seh froh“ — sächt Sie — „du Sabbermoſcht,
 „daß d' heut keiñ Beeñ gebroche hoſcht!“ —
 Noñ — do lacht Er, unn Sie — lacht mit;
 ſo waß gingt all im Summer nit.

Wann ich die Sach ſo iimwerleg,
 haßt grad die Kält ſor forze Däg:
 wär ſo en Winterdag recht lang,
 wär's Manchem vorr em Schaffe bang.
 Deß weeiß jo jeder Luſtiggus,
 daß 's grad im Winter kalt ſein muß.
 D'r allerdeutlichſche Beweis
 is der: 's gäbt ſchunſcht jo gar keiñ Eis!
 Unn gäbt's keiñ Eis, hätt Keens getraut:
 Eiskeller hätt keiñ Menſch gebaut,
 unn Summers — ich ſag nit zu vil —
 wär's Lagerbier nit halb ſo kühl!

W'r weeiß aach, wie's mim Wetter ſchdeht
 im Winter. Hier is en Prophet,
 wann's kalt is, fült der's an d'r Naſ
 unn braucht noch gar keiñ Wetterglas!
 Unn wann die Summ, mit knapper Noth,
 am Achte morgens feuerroth,
 großmächtig am Gebirg ufgeht
 unn ſo im Dannewald drinn ſchdeht:
 deß is e Pracht; do fliegt d'r Duſt
 unn's flimmert in d'r ganze Luſt!

Unn durch die Schdämm durch glüt die Sunn,
 die Wolke sinn v'rgold't d'rvaun,
 die Lage dhun eem orntlich weh,
 so blinkt unn glitzert do d'r Schnee.
 Noñ heut is 's aa gehörig kalt:
 D'r Schnee, der graunzt jo mit Gewalt.
 Gott Lob! daß der die Früchte deckt,
 bis daß se 's Frühjor widder weckt!
 Ja ja, der Schnee is gar zu gut
 for Alles, waß im Boddem ruht,
 for Kässer, Puppe'n, unn so Zeug, —
 unn aa 's Geplänz v'rfriert schumscht gleich.

De Hase gfallt 'r freilich nit
 dann denne schbielt 'r ümwel mit:
 e Glück, daß Mancher uf d'r Jacht
 de Hase nicks wie Aengschde macht! —
 Guck, guck! do laaft 'n Has ganz frei
 demm Jäger an d'r Nas v'rbei!
 Er kummt noch immer näher her —
 gell, Jäger! wann 's so kalt nit wär,
 daß m'r de Hane schbanne könnt,
 do häsch 'm schunt eens hingebrennt?
 Ja freilich! — Jez is 's vil zu schbät:
 do guck narr, wie der pleede geht! . . .
 For desmol hoscht 'n nit v'rwischt.
 Meenscht, wann d'n selwer fange müsch?
 Noñ bleib narr do, dein Hund laaft nooch,
 ob der 'n fricht is aa die Frog. —

Die Kält war heut demm Has sein Glück,
dann do kummt schunn d'r Hund zurück,
unn — hot 'n nit. Ich habb's jo gsacht,
daß der dem Dhier nor Ängschde macht!

's Chrishtkinnel.

Hör uff mit deinem Gegeig! — Ja jo!
's gibt doch sunscht noch e Scheib.
Buz Gens 'mol 's Fenschder ab jetz do;
unn Joseph, ruh! Ba Leib!
du Unart! Wann 's Chrishtkinnel hört,
daß d' böß warscht, do trickscht gar nicks bicheert.

Gelt? jetz bischt du uf eenmol brav
unn frohscht, wann's kumme dhut,
unn meensch, wann ich 'naus zu em laaf
unn rus 'm, noht wär's gut. —
Was säckscht? „Wann's nor ball kumme dhät!“
Warum? Hoscht Bang, daß sich's verschbät't? —

Ja noñ, 's muß aa zu anner Leut.
— Gell? do bischt schbill d'rvuñ —
unn 's hot doch jetz nonnit d'r Zeit. — —
So? „Was hot's dann zu dhun?“
Guck nar an 'n Himmel! sickst, wie roth?
Lebbkuuche backt's unn Zuckerbrod.

Dann wann's 'mol gege Chriſchtſdag geht,
weeſcht, wie die Sunn do ſchpringt?
die hilſt 'm — wann ſe deß nit dhät,
ich wüßt nit, wie 's 'm gingt; —
drum geht ſe däglich früher fort
unn all ihr Hiß verbaßt ſe dort.

Sie hilſt 'm backe druff unn druff,
unn baßt Neujorsweck aach
for's Neujorsmännel; noht hört's uff:
dann am Dreikönigsdag
do ſcheint ſe länger ſchunn, gewiß,
unn wärmer — wann's nit kälter is.

Wann's fertig is, mit vieler Müß
mim Backe'n, unn 's is kalt,
daß Schdeen unn Been gfriert, felts doch nie
unn kummt durch Feld unn Wald,
vum Himmel nachts, — unn hot ſo ſchwer,
unn 's Geſele laaft newe her.

's Schutzengele vunn jedem Kind,
deß fliegt voraus als Bott,
unn ſächt 'm allemol noch gſchwind,
wie's jed's getroffe hot:
wer böß is, der kriecht nar e Ruth,
mit gold'ne Nüß: Du weeſcht wie's dhut . . . —

„Wie's reinkummt?“ ja, deß sich m'r nit;
's is halt uf eemol do,
unn bringt eem schöne Sache mit:
grün, goldig, roth unn bloo.
Guck jo nit zu deinem Bettche raus!
schunscht bloß d'r 's glei die Lage'n aus.

Wann d' also brav bischt wie sich's g'hört,
do kummt's ganz sachte, wupp!
mim Eselche do h'rein, unn leert
sein'n Sack aus in die Schubb;
unn bringt en'n Baam, mit Lichter dran,
unn schbedt se all uf eemol an. —

Hoscht was zu bschdelle noch? do dhu's;
nor schreib dein Brief jetz ball;
's is Zeit. Em Julius schreib en'n Grus
in 'n Himmel vunn uns all.
„Christkinnel,“ schreib, „ich bitt dich sein:
„darf 's Brüderle mein Engel sein?“ — —

„Geh, Mutter! greiß doch nit e so. —
„Komm! seh mich nar 'mol an:
„Was Gott dhut,“ sacht d'r Vatter jo,
„weescht? „deß is wol gedha'n.“ —
„Ei! 's Brüderle hot's doch so gut,
„wo's jetz, beim lieve Herrgott ruht!“ —

Ja! merf nor, waß d'r Vätter fächt,
unn denf an's Jესuskind,
unn werr 'm änlich, deß is recht,
do fehlt d'r 's nit so gschwind:
dann, wo d' noht bißcht, bei Dag unn Nacht,
's Schutzegele gibt uf dich Acht.

Dr Neujörmorge.

Ach, gutt Morge! wie geht's? — Gut, fächt de?
do sag ich: Prost Neujor! —
Jo! ich bin aa noch zufriede; do loße m'r's, denf ich,
beim Alde.
Awwer, deß heeßt, nit e so wie du v'rleicht ainnimmst:
m'r fahre
fort, wo m'r vorremjor schdeh'n sinn gebliw'e'n unn
gehue'n in's Werthshaus!
So is deß Ding nig gemeent, weestcht? gschtert war ewe
Schweschter.
Wamm'r do aach e Mol ganz, e Bißel als, awwer die
Schnur haut,
— eenmol is keenmol, verschdehcht? — keen Regel is
jo one Ausnahm'. —

Wo ich noch hinwill? Donaus; 's is lang Zeit
noch in d' Eufuhrmeß.
Mach m'r kenn Krom doher, mein! m'r gehne jetz noch
um die Schbadt rum;
's Wetter is heut e so schön, umm d'r Dheewald kann
aa nonnit dort seyn.
— Wann ich d'r 's dann e Mol sag! — grad wie ich
jo alleweil bei 'm war,
war er jo doch nonnit uf. — Do loß d'r 'mol ebbes
verzähle! —
Mach denn Schbatziergang nor mit, 's is doch jo deini
erschder for des Jor,
wamm'r denn Zickzack heut Nacht nig grad for de erschde
will nemme.
Guck narr! jetz will er's nit seyn! Mein, Peter, jetz
mach m'r kein Boffe!
Weescht, wie mar sacht als: en Kausch is gsiinder doch
noch wie e Fiewer.
Geschtert war halt so 'n Dag; do dhut m'r d'r Zeit als
die Ger an. —
Ja! wie d'r Dheewald! 's is wor, do hoscht Recht;
awwer deiner war nit so.
Demm seiner langt noch forr heut, dann wann er 'n e
kleen Bisel ufwärmt,
schbart er forr heut schunt e Müh: er braucht sich kenn
neue zu trinke. — —
Guck 's is aa wor! ja so! die Gschicht do vum Dhee-
wald, die hätt ich

schändlich vergesse; 's is güt, daß d' mich alleweil grad
draß erinnert. —

Heilig! do kumme se jo schunt angerückt! sickscht se die
Zappe?

Peter, wahrhaftig'en Gott, deß fehlt noch; gutt Nacht jek
Elsuhrmeß! — —

Noñ, wo wollt 'r dann hin, ihr Zappe, ihr alte?
Proßt Neujor! —

So, ihr wüßt narre woher, nit awwer wohin? Noñ ich
weeß eß.

Wollt 'r nit in die „Alt Palz?“ — Da Peter! do
hamm'r 's! ich sak's jo! —

So! ich soll selwer noch mit? Noñ waart't nor, ich
gehn' e Schdück mit üch.

Halt't norr. Wie war dann die Gschicht vum geschtert?
Wu is d'nn d'r Dheewald?

Hot 'n der noch an demm Brand vum geschtert Owend
zu faue? — —

Wo er, den Summer, 'n Frack vum Auchuscht emol hot
gelehnt ghatt,

domols war's arg, wie 'r denn noht in alle Werth's-
häuser gsucht hot;

awwer 's war als nit so arg, als wie sein Umschdand
heut morgent.

Meent ihr, deß wüßt m'r nonnit? Ihr habt euch 'mol
widder verewigt!

Ja, ich habb' Alles schung ghört; unn d'r Urfschde war
widder d'r Morig.

Schdill norr! dich kenn ich jo doch so gut wie mein
Hosjesack, weescht de?

Hoscht de nit gschtert noch gsacht: „Hein, Oheewald!
m'r machen e Bego

„dent ich, zum Schluß vunn demm Jor unn zum würdige
Anfang vum nächschde?“

Freilich, wann Tener gern dantz, do is 'm gut
geige, nadiürlich.

Deß war demm Wasser noch grad uf sein Mül, dann
der hot vun jeher

mehr in d'r Terrockskart jo geblättert, als wie im Gebetbuch.

Deß war d'r haßendschde Mann „for e Schbiel, noch
mit ere Grundlag“,

— wie de dich ausgedrückt hoscht — „vunn Lummel unn
gschnittene Rudele“.

Noñ, unn an so eme Dag, do schbielt m'r zu sechst, deß
verschdeht sich,

daß m'r sein Peif schdoppe kann unn trinke d'rzu, waß es
Zeug halt't. —

Gell de, m'r meent schier, ich wüß't's? Noñ, hoscht dann
dein Dormel jetzt ausgschwigt?

Ei! du hoscht gschtert nicks gschbürt? weil's halt e reins
Bier is! waß dausend!

Waß de nit sätscht? — Ja, ja! „D'r Mächer“ *)
nimmt ewe nicks Unrechts,

*) „D'r Mächer“ wurde der frühere Braumeister in der Branerei
„zur alten Pfalz“ in Mannheim von seinen Bekannten geheissen. A. d. G.

meenscht de, zum Bier; ich glaab's, nar nimmt er halt
aach als nicks Rechtes.

Awwer wann Gens emol so e Gwandum vertilgt, daß 'n
Floherr

Gott dhät danke, wie oft! wann er narr so viel Wasser
zum Flöße

mannichmal hätt, als wie ihr widder geschtert Bier hatt
getrunke —

meen ich, do freecht m'r 'n Bopp, wann nicks Rechts
unn nicks Unrechts im Bier is.

Drum hot „d'r Mächer“ gelacht, als Gottersprich:
heut awwer hot's euch!

wann d'r als naus in de Hof seyhd gedorchelt — sag
selbscht, obs nit wor is —

dann ihr habt als fort am Glas jo ghonke, beinoh wie
die Becke.

Nicks als wie Karde'n unn Bier, unn wann's nit am
Zwölfe: „Proßt Neujor!“

nein hätt geruse'n in d' Schdubb, bei euch do wär's hent
noch Schlbeshder.

's Neujorsmänniel sogar unn Alles des habt 'r
verterrocht.

Ich hab's gsehe desmol. Ein doppelde schöne Neujorswed
hot m'r 's jo gewwe'n unn gsacht: „Ich wünsch d'r e
glückseliks Neujor!“

Ich haww 'n jetz noch d'rheem, wann 'n nit schunn
d'r Schanile verschbeist hot.

So wasß deß is nicks forr euch. Gell, wann's die dick
 Köchin gweßt wär?
 die habt 'r gsehe. — Ja, ja! seh schbill nor; m'r
 kenne dein Raube —
 wie de denn Häringsalat entdeckt hoscht, den Gumppe
 voll, weescht noch?
 denn, wo d' mim Karel hernohht, so mir nicks dir nicks
 gepickt hoscht?

Wie m'r gemeent hot, 's is aus unn Alles geht
 ruhig in's Bett jetz,
 dorkelt mein Borzdammer do noch niuwer, mim Dhee-
 wald in d' Rheinshanz.
 Noñ, unn wasß habt 'r noch fricht? Nicks, sag ich, wie
 dreckete Schdissel!

So jetz wißt 'r, wie's war. Do simm'r jo an d'r
 „alt Balz“ jetz.
 Geht m'r narr erscht emol nein; ich wett druf, ihr hatt
 Unnerhaltung.
 Jetz is „d'r Mächer“ d'rheem, geht nein unn gewinnt
 'm 's Neujor ab;
 niuwer e Weil kumm ich aa. — Ich hab jo mein Sack-
 buch vergesse —
 losst mich jetz narr emol heem — noñ ruht unn macht
 m'r kein Sache!
 Losst mich iam Mantel nor gehn — ihr macht m'r 's
 jo — wie hot se gheesse? —

wie's die Potiphar — glaaw ich — emm Joseph gemacht hot. Ich antwer
 loß 'n so gschwind nit im Schdich; do will ich jo lieber
 mit neingehn. —
 Jo! ich verzäl jo die Gschicht vum Dheewald; narr do,
 uf d'r Gäß nit. — —

Peter! m'r gucke'n emol, kumm, ob m'r nit in d'r
 „alt Palz“ sinn!
 Alles is möglich bei Gott, deß wisse m'r; vorab uf Neujor.
 Do kummt d'r Dheewald am End jo aa, wann er nit
 schunn lang drinn is.
 Guck! deß wär erscht noch am Platz; do könnt 'r die
 Gschicht glei verzäle
 unn widderhole vielleicht, dann hent gibt's e kloorie El-
 uhrmeß.

Peter! d'r Klüggschde gibt nooch. Weescht? wamm'r
 'mol unner de Wölfe is, —
 — haww ich mein Lewetach ghört — do muß mr halt
 aa mit 'n heule.

Gedanke ümmer die Fasnacht, zum Narreschbandpunkt aus betrach't.

M'r schickt sich doch in Alles nein,
's hot mich schunt oft gewunnert,
dann 's is e schwer Schdick, Mensch zu seyn
in unserem Forhunnert.
Ja freilich! wann alle Dag Fasnacht wär,
wär enuder noch ebbes zu mache;
noht wär unser Schicksal nit haltwer so schwer;
do könnte mir Narre noch lache.

Die Welt is selwer schuld do draß;
dann fange nit die Gscheitschde
grad Alles hinnerchtschödderscht an
unn sefe oft am Weitschde?
Unn sächt m'r waß, mache se glei mit eem rum
unn sage, deß wüßte sie besser;
unn wann's aus unn aus is, do sinn se so dumm,
so dumm — als wie mancher Professer!

So dhune die dann 's ganze For
ihr Dummheit redlich zeige;
sicht's Unfereens aa sumneklor,
m'r muß halt ewe schweige.
Dann do is eß Wort zu vil, 'is jo bekannt,
dovunn hot m'r allerlee Gschichte.
Ja, heest's do, nooch euerem bschränkte Br'schband,
do könne doch mir uns nit richte!

Ich denk mir ewe deß e so:
 Die Rinner unn die Narre
 die sage'n eem die Worheit jo,
 oft besser wie d'r Parre.
 Unn weil's aa bei gscheite Leut manichmol geht,
 als wie wann se Dollbatsche wäre,
 do is eß for so Leut nadürlich kei'n Freed,
 um Narre die Worheit zu höre.

Drum sehn mir anwer aa v'rdrängt
 vunn unsre Grepeschde,
 unn wann die Menschheit do draß denkt,
 werd's Manchen Thräne kofschde.
 Dann fröhers war's annerscht, wie iwweral noch
 die Hofnarre aigsehe ware:
 do hawwe die Ferschde, wie's recht is, alls doch
 die Worheit noch ghörig erfare!

Dreihunnertvierefeschzig Dag
 licht jetz die Welt im Dunkle;
 is so waß nit 'n harder Schlag?!
 do hawwe die gut munkle.
 Unn Unfereens sitzt uf 'me glüthige Nooscht;
 muß blind sehn mit sehende Lage; —
 die Fassenacht is unser eenziger Troscht:
 do därf m'r die Worheit doch sage!

Drum gfallt auch jedem Narr sein Rapp,
 unn des is gar keinummer:
 die dhut m'r aa vor Nimand ab,
 dann do schdeckt Manches drunner.
 An Fasenacht atwer kummt Alles an 'n Dag,
 do müße 's die Annere füle,
 was mit 'n d'r Mär is, do könne mir aach
 emol unser Trümp widder schbiele.

An Fasenacht macht Alles mit,
 der Dag werd Nimand sauer,
 do kennt kein Mensch kenn Unnerschidd;
 d'r Graf is wie d'r Bauer.
 An Fasenacht — neen! do is Alles v'rsönt,
 unn Nimand hot Kummer unn Schmerze;
 unn was Gens do gsacht fricht, is erlich gemeent,
 dann Grobbheit, heest's jo, geht vunn Herze.

Uf Fasenacht fricht Mancher oft
 die Worheit dick zu höre,
 unn Sache, wo er nit hätt ghofft,
 unn kann's doch Nimand weere.
 So was is de Mehrschde recht nützlich unn gut
 unn kann se zur Besserung füre;
 bei Manche gäb'ts atwer aa widder böß Blut,
 drum dhut m'r sich gscheiter maßgire.

Do kummt e Mahd als Sarazen,
'n Düncher als 'n Mohler,
e Nähdern macht de Prinz Euchen,
'n Schneider enn Tyroler.
For heut do v'rgibt aa d'r Schduzer sein Frack
unn kummt als en schwäwischer Schnitter;
d'r Herr vunn Dingskirche der kummt als Roßak,
Sein Gutscher herngege'n als Ritter.

'n Koch schdolziert als Amor her
als so 'n blondgelockter,
die gnädig Fraa als Zottelbär,
ihr Mann als Wunnerdokter.
Der macht sich, wie noch eener kummt, aus 'm Schdaab,
— sein Albie, die macht 'm kenn Kummer —
noht kummt 'r als Zuckerhut gar, unn ich glaab, —
die Köchin kummt mit als Gugummer!

Als Suldan kummt d'r Herr Baron,
sein Tochter macht 'n Jäger,
sein lietwer hoffnungsvoller Son
der kummt als Schornschdeseger.
Sein Fraa unn sein Schwägern masgire sich aa,
ganz prächtig als junge Matrose.
Mein Nocher, der Bäcker, als bucklige Fraa,
sein Schiefer als Karel d'r Grose.

Gleich hinnenooch do kummt e Hex,
die dhut die Karde schlage;
wer wisse will, wer's is, der schmecks,
ich därf nit Alles sage.
Ich nenn aa de Rätsche nit, weil ich nit kann —
dodrüüwer is Alles im Zweifel —
dann der is masgirt als 'n erlicher Mann,
drum kennt 'n nadürlich kein Deufel.

'n Schustersjung als Babbegai,
'n Vord als Markedenter,
unn mit zwee Bolle odder drei,
's Profitche als Wrschwender.
'n Hageschdolz, wo 'n Wrliebde achirt,
so 'n alder krummbeeniger Schefer.
'n Weinwerth kummt als d'r Münchhausen masgirt,
'n Braumeeschder als Abbedhefer.

Uf Fasenacht — deß weeiß m'r schunn —
hot Jedermann sein Schbarre:
Do kummt e Venus als e Nunn,
En Bacchus als 'n Parre.
'n Hollassischdent der kummt als Tartar,
'n Kaufmann als englischer Reiter,
sein Haushälbern awwer die macht 'n Hufar;
unn so geht's noch ewiglang weider.

So waß is prächtig, one Frog,
 die Männer unn die Weiver
 so eenig; unn ich hinnenooch
 masgirt als — Eselstreiver.
 So treiw ich denn Ufzug gemach vor m'r her
 unn dhu üwver Allerlee grüwle
 unn denf aach: wann's alledag Fasenacht wär,
 do könnt eem feññ Mensch waß v'rüwle.

Do kämt aach sicher die Vernunft,
 wie's recht is, hall zu Ehre,
 unn unser edlie Narrezunft,
 die dhät sich schdard v'rmehre.
 Drum, heiliger Gregor! deß leucht't m'r nit eññ,
 ich kann d'r 's nit länger v'rhele:
 waß mag d'nn bei dir nor d'r Grund geweßt sehn,
 so ungleich die Zeit zu v'rdheele?!

Mir Narre sinn vum ganze Reich
 schunn jetz beinoh es Drittel,
 drum schdell uns doch de Annre gleich.
 Ich wüßt e gudes Mittel
 die Welt zu v'rbeßre, wo nit viel loscht't,
 — vier Monat werd's ungfär betrage —
 wann d' mol de Kalenner friisch durchsehe loscht,
 do loß die zur Fasenacht schlage!

Wann d' awwer meensch, deß gíngt nit gut,
do will ich nit druf treíwe:
wie's mit d'r Menschheit jetz schdeh'n dhut,
kann's doch nit ewig bleíwe.
Die Mensche — deß weeschst du so gut als wie ich —
die hawwe schier all ihren Schbarre,
unn wann deß so fortgeht, werd sicherlich
noch Alles vunn selwer zu Narre!

D'r Äppelbaam.

„Hurrigodel! Batter! do guck — waß Äppel! Betracht
nar denn Baam do!“
„Alles geruddeldevoll! unn heilig! waß leie do hunne!“ —
Gehschd de m'r glei aus 'm Gras, du Unart, unn loscht
m'r se liche!
Sickscht de die Biene? Aha! Geww Achtíng, wie die
dich verschdeche.
Gebb m'r deín Hand; do kumm her unn frog m'r nit
lang noch: warum dann?
Haww ick's nit oft gsacht d'rheem, so lang als deín
Bäämche geblüt hot?
Awwer du kümmerst dich mehr um die Äppel, als wie
um die Blütthe.

Wann d' m'r vunn jesañ nit lernscht unn folkscht nit, do
 muscht de m'r, heilig,
 baarfüßig schlofe gehñ, Kerl! unn frickscht m'r kalt Waßer
 zu trinke
 unn dārffscht nimmehr mit schbakire. — — Ich glaaw aa?
 Ge schäm dich!
 Guck norr denn dabbige Buh! Waß greinscht dann schunn
 widder? du Pienz, du.
 Da! buß dein Nas unn sey schdill: do will ich d'r 's
 noch emol sage;
 Waß awwer besser jek uf, daß d' 's noht kamscht d'r
 Mutter verzäle.
 Weescht de? wann so im Aprill die Kersche'n unn Blaume
 verblüe,
 noht werd's uf eenmol als grüñ — die Sunn die locht
 Alles, unn 's kummt aa —
 hot m'r de Winterroß noch, m'r schbürt uff 'm Buckel
 schunn 's Frühjor;
 nachts awwer is eß noch kalt unn dhut sogar mannich-
 mol reise,
 weil halt d'r Winter — verschdehst? — em Frühjor
 nig gern aus 'm Weg geht.
 Awwer so 'n Appelbaam schdeht, als köant 'r keññ Drei
 zäle, als noch
 ruhig am nämliche Plat, unn rührt sich unn regt sich
 noch lang nit.
 Freilich, bunn inne do juckt's, do drücke die Knosbe'n
 unn schiewe;

hawwe kenne Nageblick Ruh unn wolle'n unn's Lewe halt
aa naus.

Awwer d'r Alde der sächt: Ich meen, ihr bräucht't nit
so zu eile;
bleibt ihr nor ruhig unn schdill; ich will's üch schunn
sage, wann's Zeit is.

Habt 'r de Morgent nig g'hört, was do unser Millich-
fraa gsacht hot?
daß üwwer'm Rhein vun d'r Kält die Schbargle so hätte
gelitte!

Meent 'r! was Blüth hawwe do ihr vorwitzig Näsel
verfrore;
so ebbes awwer soll mir, wann Gott will, mit euch nib
basire. — . . .

Freilich! — Was du awwer frotscht! — Der dort —
wannu'r 's recht is — der is eß —
wo du im Gras vort warscht: der hot seine Knosbe
verbotte
g'hatt, wo's so gsärllich noch wär, so fest schunn zu seyn
unn verwoge.

's dhut awwer Alles nor gut, so lang 's ewe will;
unn die Knosbe
mache's halt grad wie die Kinner: sie folge so lang als
se müße.

Guckt er aach alsefort nooch, sie wachse'n emm doch aus
de Nage.

Ja! unn je mehr als se wachse, je größer aa werre
sein Sorge;

kummt noch en Rege d'rzu, so 'n waarmer, do is eß dann
gar aus.

Jetz is 'n Alles zu eng, sie drücke'n unn schiewe'n unn
make,

unn 's is halt emnder kein Ruh, als bis daß se draus
an d'r Luft sinn.

Wann er vor Reise aa warnt unn Schlose, do geht's
'm halt doch grad,

wie's eme Hünkel als geht, weescht? wann's junge Entelin
ausbrüt'

unn an de Rhein mit 'n kummt. Ja! wann die 'mol
's Waßer verschbüre,

noht is eß aus unn v'rbei mim Vocke; so geht's mit de
Knosbe

jekert demm Baam: wann se haus sinn unn hatwe die
Sunn 'mol verlüggert,

rührt se deß Warne so viel, wie wamm'r 'm Dchs in
sein Horn pekt.

Raum daß deß odder sell uf eegene Füßelin schdeh'n kann,
werre se bagig unn frech, unn Alles deß wisse se besser,
wammar se hört, unn am End do hente se 'm gar
noch e Maul an.

'Mol, amne Noochmiddag war's, unn grad hot d'r
Alde geduffelt,

fächt so e Knösbele: „Mein! ich will euch emol ebbes
sage:

„Hawwe nit all schunn die Bääm do geblüet? — 's is
e Schand vor de Leut jo, —

„wo's doch schunn Förgedag war; — solle mir uns jek
uze noch losse

„vun denne dabbige Frösch, als wäre m'r immer die
Ketschde?

„Wer awwer schuld is dodraü mit seine Märcher vun
Winter,

„wißt ihr sogut als wie ich. Wann's mir awwer nooch-
geht, werd's annerscht;

„jek noch 'n Dag odder zwee, vun hent an, wolle m'r
waarte,

„noht awwer mache m'r uns so unner d'r Hand e Weil
ferdig.

„— Wißt 'r? de Sumndag is Meß, do friche m'r Bsuch
vun de Biene —

„läßt 'r uns naus, is eß gut; g'schicht's nit, unn do
gehne m'r selwer!

„Wann's 'm nit recht is d'rnoht, do soll 'r uns nor
widder neiñ dhun.

„Also bis Sumndag, ihr Leut! So bleibt's; wie geredd't,
so gebabbelt!“

Denk! unn sie klatsche fascht all mit de Blättelin Beifall
unn juckse:

„'s bleibt d'rbei! so is eß recht!“ unn wecke'n uf een-
mol de'n Alde.

Der awwer schdreckt sich unn gähnt unn frogd se: „Ihr
Kinner, waß war deß?“

„Ach!“ sächt e Knössel, „d'r Wind hot ewe gerauscht
in de Blätter;

„sumscht atwer hatw ich nicks ghört,“ sächt's noch, „so
gewiß als die Sunn scheint!“

Ei du abscheuliches Ding! meenscht? weil grad e
Wöfel d'rvor war,

hätt se's nig gsehe'n umm ghört? durch's Schlüßelloch
durch sicht m'r aa waß!

Dann, wann die Sunn in d'r Früh de Newwel vertreibt
als, do baut se

manchmol sich Lustschlösser draus, die sehe grad aus wie
die Wolke;

's halt se aa Mancher d'rvor, wo nit weëß, daß eß
Muschder for Leut sinn,

wo d'r vor Langweil nicks dhun uf d'r Welt, als wie
Lustschlösser baue.

Die wo die Sunn atwer baut, die halte gewönlich vil
länger ;

atwer sie werre doch aach, wie d'n anner Leut ihrie, zu
Wasser.

Oftmals do mache se 'r Gschbaß, sie hot ganze Däg-
weis ihr Freed dran;

geht emol raus, emol nein; ball dhut se zum Fenschder
rausgucke,

odder zum Kellerloch gar, zum Dachlade'n odder zum
Schornschde.

Manchmol verschdeckelt se sich aach ganz, wie d'r Schütz
in die Hecke,

wann 'r de Buwe abbaßt; unn so hot se Manches schung
gsehe,
wann se durch's Schließelloch guckt, wo kei'n Mensch unn
kei'n Seel nig geglaabt hätt,
dann: 's is nicks e so fei'n jo gschunne, 's kummt doch
an die Sunne!
's wüßt's awwer doch noch Jemand, wann's ganz aa die
Sunn nit an 'n Dag dhät.
Awwer die Knöselcher do, die dhune jetz all wie
verabredt':
make die Blütthe zurecht unn verschbedle se hinner die
Blätter,
daß se d'r Alde nit sicht: unn eb mar sich umguckt,
war's Sunddag.
Awwer wo hanwe die Ruh; die schbede schunn Sams-
dags die Kräge,
daß se de'n annere Dag doch jo, 'sallererscht glei, im
Schdaat sinn.
Richtig! do schbedt d'r mei'n Baam — wie bum Zucker-
bäcker, noch schöner:
Blütthe, so weiß wie d'r Schnee, unn Knöppcher sinn
draß wie die Rose.
(Hier hammer Gen', der is gschickt, awwer so was des
läßt 'r doch bleiwe.)
„Ei, ihr nicksnuzigie Waar,“ sächt d'r Alde, „wann's
nar nit zu früh is!“ —
Freilich war's, leider! zu früh, dann: Hochmuth kummt
immer jo vor'm Fall.

Hätte se norre gewaart't, wie's ausgemacht war, bis am
Sunnndag!

's war awwer jeh enol so, unn drum hätt's aa solle so
bleiwe.

Neeñ awwer! Wer sich, d'rzu noch in aller Fröh schunn,
mit Dhau wäscht,

weil er noch schöner will sein, als wie 'r schunn so von
Nadur is,

ware die Blütthe. Unn wer sich im Morgewind aa noch
verkält't hot,

daß 'r bockschdeif worre'n is, deß ware die nämliche Blütthe.

Jeh geht die Sunn uf, unn noht kumme schunn die
Quadriermacher gsfloge,

sage: „Gutt Morge!“ „Wie geht's?“ unn, schdatt daß
se's denne grad eifigschdehn,

hawwe die Gschdecker nit 's Herz, die schdeife do, daß se
waß sage.

Ach, unn so Biene! wie gschwind hätt e jedia e Blütthe
erwärmt ghatt!

Nicks do! 's sächt Jedes: „So, so!“ unn denkt: „A! deß
macht sich bis morge.“

's hot sich gemacht, awwer wie? ganz annerscht, als die
sicks vermuthe.

Dann wie den annere Dag die Biene sinn kluppertweis kumme,
hat vun de Blüthelcher eens schung gfelt unn grad 's
allerschönste;

unn wie se gucke, do schdict's ganz zwische de Blätter
— verfrore!

Jetz awwer war's 'n nit eens; eme jede fällt 's vierte
Gebott ein,

— sag m'r, wie heeßt's? weescht's nit? „Jo: Ehre
Vater und Mutter!

„daß es dir wohl ergehe und daß du lang lebest auf
Erden!“

Recht so; besoff's awwer aa! sunscht müsch't's, wie die
Blütthe, bereue —

dann, wie se denke: „Ach Gott!“ do fart 'n d'r Schrecke'n
in's Herz nein,

unn mit d'r Freed is eß aus; — unn dhume se aa vor
de Biene,

als wann en'n weiter nicks wär, sie trauere ewe unn
kränkle.

Wie m'r am End hot gemeent, sie hawwe verblüt, unn
's gibt Äppel, —

sigt so en Schwalb uf em Baam, 'mol so gege'n Dwend,
unn zwigert:

Morge do geht's hinner euch; die Sunn die hot Alles
verrothe!

Raum awwer sicht m'r se recht — fort war se aa, gsehe
unn nimmehr

Biel schunn schderbe vor Angst, wo gar nit deß Wetter
erleue,

was in d'r Nacht jetz kummt unn aa noch e manches
vum Baam reißt.

Wie's awwer Dag worre is, was meensch, wie's den
annre zu Muth war?

Dann wie die Sunn kummt, war's aus, keens kann ihr'n
Blick mehr vertrage:

's böse Gewisse, d'r Worm, der nagt denne Äppelchern
's Herz ab,

's werd 'n all schwindlich unn bang, unn eens nooch 'm
ann're fällt runner.

Freilich 'm Alde war's arg, er muß sich am End atwer
tröschde;

noñ, unn je mehr er verliert, je schöner gedeihe die
annre,

wo uf sein Noth hawwe ghört; do fällt nit e eenfiges
runner,

bis se — in Wetter unn Wind — alls gauntsche'n unn
Räsdrückes schiele,

ganz uf d'r äuffersthe Schnepp — wie ihr in d'r Schul
uf de Bänk alls,

wann's üch zu wol is — unn deß koscht aa noch en'n
manche sein Lewe.

Sischt de? wer ewe nit hört, muß füle. Du hoscht se
jo vortig

liche noch sehe'n am Baam. Waß meenschde de, wann's
deiner hätt aa so

's Frühjor gemacht, in d'r Blüth? — — Jetz kumm,
jetz wolle m'r heem geh'n!

„So Batter, gehue m'r heem? Deß is recht; ich
hab so so en'n Hunger.

„Ja, is die Gschicht dann jetz aus? ei die Äppel seyn jo
nommit zeitig!“

Ewe drum waart's narr 'mol ab, noht will ich d'r 's
weiter verzäle.

Wann de nit hörscht anwer, gibr's kenn Pannekuche mit
Schnittlaach.

„Ah, deß is gut. Anwer neeh, du hoscht jo waß gsacht
vun de Biene,

„wie ich am Baam drumme war, weescht Batter? die
dhäte'n eem schdeche.“

Ja du hoscht Recht, 's is aa wor; die dhune sich ewe
erinnre,

waß se vun so eme Baam in d'r Blüth als for Gutes
geniese,

unn do leide se 's nit, daß 'r aa noch sein folgsame
Kinner

so soll verliere — wann 's grad so 'me Gassebuh einfallt
zu schmeiße —

zeige sich dankbar d'r vor unn schdeche'n enn herzaft. Jez
merk d'r 's. — —

Sickscht de die Mutter? Schpring hin unn v'rzäls 'r
'mol, waß ich d'r gsacht hab.

„Mutter! d'r Batter hot gsacht, die Äppel, die wäre nit
zeitig,

„unn ich sollt folge, do gäbt's heut Pannekuche mit
Schnittlaach.

„Mutterle! fül m'r emol an d'r Nas, do sickscht, daß
ich brav war.“

Aller Anfang isch schwer.

„Drei Dag ebs brennt, muß Alles ausmarschire
 „unn schdörme unn die Schprige glei prowire,
 „do is m'r seiner Sach hernooht gewiß!“
 hot seller Schbadtdirekter gsacht vor Zeite,
 — sächt Gener letscht — waß hot der müsse leide!
 unn sag emol, ob's dann heut annerscht is?

Ja jo! is 's annerscht — sag ich — awwer dummer,
 M'r hot sich domols keen so grose Kummer,
 wann Prob war, wege so 'me Brand gemacht;
 dann wannmir's ganz aa (um die Ehr zu rette)
 drei Dag d'rnooch noch selwer angischdeckt hätte —
 am dritte Dag hot's halt gebrennt! wie gsacht.

Jetz is es annerscht: jek kummts in die Zeitung,
 vum Kummendant aus, unner seiner Leitung
 gäbt's hier en'n Brand jek innerhalb drei Dag!
 Jetz laaf dich warem! Wer kann do als wiße:
 Wann, wie unn wo mir uns versammle müsse?
 wie ich d'r 's les, do rürt mich schier d'r Schlag! —

Deß Ding war gut. Jetz loß d'r 'mol v'rzäle,
wie ich mich bei demm Brand hab müsse quäle:
ich bin d'r ernschtlisch schier verschickt vorr Dorfscht!
D'r Deumwel soll die Kennerei do hولة;
ich hab mein Lunge, weß Gott! doch aa nit gschdole!
deß atwer isch, scheint's, denne Herr'n all Worscht.

Do weß kein Mensch: brennt's heut, brennts iwwermorge;
do hoscht d'r nar zu denke unn zu sorge,
unn 's Ärschd' is, daß 's am End wol gar nit brennt!
Deß wär m'r schön; do wär jo all deß Zammole,
deß Indennschneinschluppe unn deß Krawwle,
unn all die Müß die wär unsumsch verschwend't! —

Im Blättche war 's — 's is wor — ich will nit lüge,
m'r sollte'n uns an's Feuerhaus verfüge;
wann d' atwer Gens hoscht gfrogt: wo is d'unn deß?
hot's Keens g'wüßt! — ich guck im Adresskalenner,
frog iwweral, die Hochberseut, die Pänner,
(die suche sunscht die Häuser doch expreß!) —

's batt't Alles nit's: ich weß 's halt nit zu finne!
Ich war am Bauhof, an d'r Melwoog hinne,
— de Brandplatz haww ich freilich nit gewüßt —
deß schdeht nit drinn; do hilst eem aa kein Froge;
Do is m'r ewe bschummelt unn betroge;
is do e Wunner wann'r sich vergift?

Schunn „Feuerhaus!“ was soll dann deß nor heese?
 — haww ich gedentt — deß hoscht non nie gelese;
 do werd m'r jo zu guder Letscht ganz doll!
 Ich guck in eem Schdück vorne do unn hinne,
 — e Weîn- unn Bierhaus kamm'r eunder finne:
 deß weesß m'r aa, wasß deß bedente soll.

Deß tricht vunn demm, wasß d' driinn v'rzappscht, sein Name;
 unn „Feuerhaus“!? — m'r meent die dhäte traame!
 ich bin d'r ütwweraal jo rungerennt,
 so haww ich ewe halt kein Werrthshaus gfunne; —
 uf eenmol denk ich: halt, jets hoscht's gewunne, —
 am End is gar deß Haus gemeent nu brennt!

Unn kaum haww ich denn glückliche Gedanke
 recht ghatt, do binn ich vorzu's, an die Planke
 unn denk: weil d' doch so arge Dorscht hoscht heut,
 (unn weil m'r grad aach Gener hot gewunke),
 do werre noch e paar Glas Bier getrunke, —
 for 'n rechte Brand do is jo allsfort Zeit.

Do war m'r's grad — guck! ich wollt hent noch schwöre —
 wie wann ich een' vunn uns hätt huppe höre,
 unn ruf mein Nochber zu: Gell Nochber, 's huppt?
 „Ja“, sächt 'r „sellie Ruh die hot geblose;
 „sickscht se dann nit? glei werrscht dein Glas druff schdöse;
 „du bischt vor Eifer, glaaw ich, halwer gschubbt!“ —

Moññ — ich renn heem um sag zu meine Gfelle,
sie sollte sich norr an die Hansdhür schdelle,
weil Niemand wüßt, wie 's hent noch brenne könnt;
um setz mich hi'n um duffel. Unerbesse
do gibt mein Fraa de Kinner waß zu esse,
um säch uff eenmol: „Guck, waß alles rennt!“

Ich — glei vor's Haus nauß! um will selwer höre,
warum mein Gfelle dann nitt kumme wäre,
um denk, deß Kenne hot en'n anre Grund. —
Die ware fort; do mach ich nit lang Lärme
um frog mein Jung: höscht du nit höre schdörme?
„Jo“, säch 'r, „schuunt ann demm e ganzie Schdumb!“

Moññ, sach ich, atwer do aa nicks zu sage!
Dich soll jo 's Dunner-Wetter glei verschlage,
Du Gfelskopp! meenscht du deß Ding wär jo?
M'r kummt zu schbät um löst for dich sich schänne,
um wann'r nit kummt, schtrofe odder pänne? —
Wann ich dich frich — ich hau dich schwarz um bloo!

Schunn zeit zwee Dag jo dhut mein Fraa alls brumme,
weil ich nit aus d'r Unneform dhät kumme,
um mit d'r Bickelhaub noch gingt in's Bett! —
Meenscht du — sag ich — deß gingt noch wie vor Zeite?
Ich loß mir nit mein Hoffesnöpp abschneide
vunn meiner Fraa — ja gelt de, deß wär nett! —

wie s'eller Bürgerweermann, ('ch könnt 'n nenne)
 der wo hernoht nit aus hot rücke könne;
 dort unne wohnt 'r, in d'r annre Gäß.
 Ja, liewes Kind! deß siim halt Ehresache:
 En rechter Hauptmann muß im Schloß noch wache,
 for 's Wol d'r Schdadt! — „Mein!“ säch se, „'s war norr
 Gschäß.“ —

Uun jez, do schdeht der Schdicke do d'rnewe,
 s'icht denn Schbedafel uun deß Menschelewe
 uun redd't kein Wort! — Zum Glück haww ich kein Zeit:
 dann jez werd 's Ernst! — Jez is d'r Schtaab ufgflogt,
 's doht, wie wann 's wilde Heer kaint augezoge,
 uun wie ich guck, do seyn's vunn meine Leut!

So, haww ich gsacht, jez wolle m'r glei helfe:
 kummt her, e Manner zehne odder zwölfe,
 jez hole m'r glei unser Feuerschpris!
 Jez, Männer, gilt's; narr schnell, jez könnt 'r schpringe,
 daß m'r die Schpris an Ort uun Schdell noch bringe;
 's wär Sünd gedahñ, dann 's is e schweres Gschütz!

Ich dhu d'r: „Vorwärts, marsch!“ glei kummedire
 uun sag zum Obmann: dhu die Leut aüßire;
 narr schnell an's Feuerhaus jez vord'rhand!
 Frogt narr wo's brennt. Ihr werd 's schunn selwer finne,
 so gut wie ich; dann, vorne sein uun hinne
 deß kann ich nit, — ich muß zum Rummedant.

Ich laaf voraus unn denk: jetz hofcht's gewunne;
d'r Rummedant, der werd hent aa noch gfunne;
wüſcht narr wo 's brennt, do wär ſchunt Alles recht.
So dapp ich rum, dreiviertel Schdund meintwege,
do kummt m'r unſer Rummedant enggege
unn ruſt m'r ſchunn vunn weitem zu, unn ſächt:

„Herr Hauptmann“, ſächt 'r, „Sie ſehn hent d'r erſchde
„vunn Ihrer Schpriß; 's is eenie vunn de Schwerſchde;
„d'r Weg vunnm Feuerhaus doher is weit.“
Halt, haww ich gſacht, deß dhut mich lang ſchunn plöge,
erlaawe Se, do muß ich dappig froge:
do aus denn „Feuerhaus“ werr ich niß gſcheit,

Herr Rummedant. Deß kann em ganze Weſe
unn mein Verſchdand nooch, doch nicks annerſcht heeſe,
als Feuerhaus, ſo ungfär juſchtament
wie Weinhaus, Bierhaus; weil ich arwer hiinne
in demm Adreßkalenner nicks kann finne,
do denk ich mir, deß is — deß Haus wu brennt.

„Gut!“ ſächt d'r Rummedant, „daß Sie m'r 's ſage:
„'s werd glei die anner Woch an's Dhor anſchlage;
„die früher Melwoog is eß Feuerhaus!
„Mir hawwe do kein Wertrthshausſchild z. ſchreibe,
„m'r muß beim Ausdruck „Feuerſchpriße“ bleibe,
„unn wer denn kennt, der legt's aach richdig aus.

„Wollt Gens bei Häußername an's Verkaafe
 „nor denke unn an deß, waß' r aus dhut laafe
 „bei Schpriße, do wär jo der Gschbaß glei all.
 „Do müßt m'r jo aach „Wasser“-schpriße lese,
 „unn die Kanone „Feuer“-schpriße heese;
 „deß is doch awwer lang nonnit der Fall. —

„Jez awwer schnell; jez solle je nor reune.
 „Die Schpriße her! sunscht hört's jo uf zu brenne,
 „eb nor een Mann noch is an Ort unn Schdell.
 „Deß gäbt en' Gschbaß; waß dhät die Welt do sage!
 „Gott Lob! do hinne seh ich düchtig raache,
 „unn newedrañ is Alles glockehell!“ —

Do kumme, sag ich, schunn die Butteträger,
 die Möwelretter unn die Schornschdeseger,
 mit ihre Leedere all in d'r Hand.
 Mein Kent sinu do, hurrah! waß dhun je schpringe.
 's Haus nit zu wisse unn die Schpriß zu bringe,
 deß is nit jedermann vunn uns im Schtand!

Jez gibt's en'u Zug, wie wann die Biene schwärme,
 vum Kaafhaus an bis naus an die Kaserne:
 dann hinner d'r Kaserne sicht mar Raach.
 Do dhut d'r Alles durchenanner laafe,
 's dhut Jeder um de erschde Platz sich raafe;
 's war arg, viel ärger noch als ich d'r sag.

Wir komme hin — do war nicks anzufange:
d'r Raach is aus em Dampfmiil schornschde gange,
als wie sunscht aach, unn des war noch e Glück!
Dann Fenschder, for die Leed're neinzuhente,
sinn nergends: 's wär an's Löfche nit zu denke;
e Mann vum Fach merkt des beim erschde Blick! —

E Jeder sächt, waß is jey do zu mache?
Zhr Männer, sag ich, 's sinn verfluchde Sache:
do schdeh'n ich selwer, wie d'r Ochs am Berg.
Do hamm'r 's jey, fang ich d'r an zu schämme,
des kommt vunn demm Preßire'n unn demm Kenne,
wär 's langsam gange, wär nicks sinwerzwerch!

En ammer Mol do löst m'r 's ewe breune,
bis mir die Flamme deutlich sehe könne,
do weech m'r, wamm'r kommt is's nit v'rbei.
M'r wolle jey — narr daß der Feuerlärme
nit ganz unzufucht war — do an d'r Kaserne,
e Übung hatte, sag ich, atwer glei.

Die Feuerleedere — des muß m'r sage —
die hamwe se recht schnell jey beigetrage;
die kleene in die Fenschder gheut unn nuff!
Do dhut d'r 's nicks wie peise jey unn bloose;
do kummedirt d'r Kleene wie d'r Grose;
do hot d'r 's gheese, Hauptmann, jey baß uff!

Dann jeh do kumme — deß is nit geloge --
 alls Fenschberflüchel, Butterhaffe gfloge;
 mim Deppichhupse is 's non nit gedhañ:
 do rutsche se an Durwaksfeeler runner,
 dort kumme Balke, Echornschde aa mitunner,
 unn zletscht do geht noch gar deß Schprize an!

Jeh, denk ich, is keen Zeit mehr zu v'rliere:
 ich loß in 'n Prinzeschdall mich kummmedire,
 sag noch mein Hausherr, daß ich fort jeh muß;
 laaft der m'r nooch unn noch en ganzer Nuge,
 wo die Gelegenheit glei mitbenutze
 unn denke: „Weit d'ruum is gut vor'm Schuß“. —

Vunn jeh an wees ich's narr vunn Höresage;
 wann 's anuerscht is, kann sich keen Mensch beklage:
 so wie ichs' laaft habb, haww' ich's widder feel.
 Do kummt im Rettungsfack en schwerer Klumpe,
 unn owwe rußt's: „Denn löst in d' Bütt neen plumpel!“
 Plumps, leit 'r drinn. Was war's? e Malter Wehl! —

Do sangt dann Alles helluff an zu lache.
 D'r Kummmedant der heest se zammemache:
 die Prob wär aus heut vunn d'r Feuerweer.
 For 's erschte Mol könnt m'r 's gelunge nenne;
 er hätt derutwege geern nit losse brenne,
 weil Nimand wisse könnt, wie 's gange wär. —

Die Mannschaft awwer dürrst sich sehe losse;
 drum hätt 'r glei vunn Anbeginn schunn bschlosse,
 des Ding beim Dag zu halde vor de Leut.
 Er müßt uns Dank for unsern Eifer sage:
 m'r sollte schdandhaft sein unn nit verzage,
 do gingt's in Zukunft grad so gut, wie heut!

Jetz war 's v'rbei; an nicks mehr war zu denke,
 als düchtig uns die Gorgel noch zu schwenke,
 unn jetz geht erscht noch 's rechte Lösche'n an.
 Der fangt d'r 's Feuerweertied an zu singe;
 der halt e Lied unn dhut e Hoch ausbringe
 uf unjer Schpriß: dann die war vornedrañ.

Ich selwer halt e Lied, vun hauptmannswege,
 unn loß aa glei zwee Fäßle Bier uflege
 unn frog: wie wär's dann mit der neue Wal?
 Mir siun so schön heut Dweud grad beisamme,
 so ufgeweckt, in Feuer unn in Flamme;
 wält, wenn d'r wollt: 's is doch am End egal!

Wie's „Hoch“ v'rbei war, dhut mein Nocher redde
 unn frog: se, waß se sich zu bsinne hätte?
 „Denn neue Hauptmann“, sächt 'r, „haww ich schunn.
 „Waß solle mir uns plogelang mit Wale:
 mir nemme denn wo's mehrschde dhut bezale;
 „mir bhalte dich; do simm'r glei d'rvunn!“ —

Wie 's weiter war, deß kann kei'n Mensch nit wisse:
vunn jeh an is e Blad halt rausgerisse
aus dere Gschicht, unn grad d'rzu noch 's End. —
Nick's ghört? — Ich hätt jo gsacht: Gutt Nacht Kammrade,
ich wünscht, daß ball wie heut mit kiene Dhate
im Ernicht die Feuerweer sich zeige köunt! —

Noiin — chrischtlich wär der Wunsch, kei'n schdeiser,
wolünwerlegter; der zeigt Feuer-Eifer:
wog Haw unn Gut, mein Bissel Lewe mit!
Wer nit d'rbei is, ja der hot gut redde,
's gibt dausend noch, die kenne — wollt ich wette —
Die Pflichte vunn 'me Feuerweermann nit! —

Wie's Chrischdedhum zu de Deutsche kumme'n is.

Do hawwe se, ungfär vor elshunnert Jor,
e Sitzung 'mol ghalte'n im Himmel;
dann so was kummt nit esseen hierzuland vor,
die schbalde'n alls aach emol Himmel!
Jor desemol awwer war's erschtlich d'r weerth:
d'r heilige Petrus hot Aufschluß begert,
wie 's schdiind mit d'r Heidebekerung.

Uun hot denne aarme Aposthel dann all,
 'm Luzius — unn wie se so heese —
 'm Columban selbscht unn em heilige Gall,
 for gut die Levitte gelese.
 D'r Fridolin atwer geht gar nit recht bei,
 mim Bonnifaz unn mit noch zwee odder drei;
 so arg hot mein Petrus do gfuddert.

Ja — sächt 'r zum Paulus — Kolleg, do redd du!
 do haunmir 's doch annerscht getrimwe,
 unn Wunner gewirkt unn gepreddigt d'rzu,
 unn wo m'r nit hinfuun, hin gschrimwe!
 Ich mach vum mir selwer nit geern so en Krom:
 geht atwer nooch Griecheland odder nooch Rom,
 do könnt 'r 's noch heutigsdags lese!

In Frankreich unn Schbannje do is keen Gewinn,
 ich habb mich schunnt oftmols gewunnert:
 was is d'm do gschehe, zeit ich nimmehin bin
 an demin jetz in siemwe Forhunnert?
 Seyn dann nit die Mords-Sarazene noch dort?
 aus Frankreich, do seyn se jo knapps noch ersicht fort,
 d'r Karel Martell hot se heemgschickt!

For Frankreich unn Schbannje do geww ich keen Bon;
 des is zu e lustiges Gfündel
 Ihr wißt jo doch selbscht, bei d'r grose Natzion
 war Alles vunn jeher nor Schwindel!

Uun will, one Deutschland, d'r Babscht jeh am End
Europa befer: e schön Kumpement
vum mir, uun er wär uf 'm Holzweg!

Die Deutsche, deß is so en düchtiger Schlag;
drum sinn ich deß ganz unbegreiflich,
daß kenner vunn euch zu de Deutsche do mag. —
Warrhaftig'nGott, do v'rzweisl' ich!
Wann deß noch so fortgeht, do wees ich kenn Noth!
Ihr müßt aa waß woge; umsunst is d'r Dod,
sächt's Schprüchwort, uun der koscht't jo 's Lewe!

Ei, sächt do d'r Paulus, waß soll deß narr seyn?
Ich kaun meine Dre kaum traue!
Mein, Petrus! schdeck ruhig dein Schwerd widder ein:
's gibt desmol kein Dr abzuhaue!
's meent Alles jo, daß de nit klor im Kopp wärscht;
odd'r bischt mit em linke Fus heut widder z' erscht,
wie gewönlich, zum Bett raus? Du Hixtopp!

Guck narr de Beatus, de Fridolin an,
de Columban; uun waß hot der do,
d'r Bonnifaz nit schunn for Deutschland gedhan!
D'r Gallus, d'r Meinrad, uun wer jo
die Männer all ware, wie d' wennig mehr sinnscht,
die hawwe um Dentschland e großes V'rdinnscht.
Sie solle nor selwer 'mol redde! —

Ja, sächt do d'r Columban, Paulus, 's is wor;
 hoscht ganz Recht: m'r müße'n uns weere,
 sunscht wirft eem der Petrus — Gott weëß waß noch — vor.
 Er soll 'mol die Deutsche bekere;
 er soll emol preddige! noht merft er's aach.
 's is Worheit: er trifft dort 'n düchtige Schlag,
 awwer düchtige Schläg treffe i h'n dort!

Em Petrus sei'n Ansicht vunn Deutschland isch schief;
 ich kann se 'mol annerscht nit heese.
 Schreib Goner de Deutsche en'n Wage voll Brief —
 forr waß? — 's kann se doch kei'n Mensch lese!
 Sie könne nit lese, die Deutsche — kei'n Schbur,
 sie könne nit schreibe, als höfchdens „Fraktur“ —
 in Rom kamm'r 's aa jek noch lese.

Do hot sich d'r Gallus geräuschbert, unu sächt:
 Uns dhune kei'n Wunner gerothe;
 deß gischdehne mir offe, do hot 'r ganz Recht,
 for Wunner is Deutschland kei'n Bode.
 Dann Gschwindigkeit — heest's dort — is kei'n Hererei;
 die Hochzich vunn Kanaan die is v'rbei:
 jek macht m'r kenn Weisn mehr aus Wasser!

In Deutschland do kennt m'r nicks annerschts, wie Vier;
 gäbt's Weisn, hätt ich Luscht glei zu wette:
 Mir dhäte jek Wunner noch wirke wie ihr;
 do müßt die ganz Welt d'r vuuu redde!

Um Wein wäre sicher die Deutsche recht froh,
dann wie m'r die Mäus fangt, deß wisse m'r jo,
die ginge gewiß an die Veimruth! —

Ja, ja! hot d'r heilige Bonnesaz gsacht,
wär ich vuun de Deutsche gebliuwe,
wie's ihr zwee hatt mit de Corinthen gemacht,
etsettera — unn hätt norr gschriuwe,
deß hot jo nicks uf sich, hott's Kreuz-Sappermoicht:
mich hätt's nit in Friesland mein Lewe gekoscht!
Unn jetz heest's, m'r dhäte nicks woge! —

Unn so hot mein Petrus mit Jedem sein Noth;
schier Jeder der gibt 'm sein Dappe.
Vor lauter Berlegenheit wees 'r kenn Noth,
kenn Ausredd, die äuscht nor dhät klappe.
Sogar noch d'r Paulus sächt: Sichscht wie de bischt?
du hoscht dich in anner Leut Krom neingemischt,
unn hoscht in e Weszenescht gschdoche! —

Noñ! Noñ! sächt d'r Petrus, macht narr nit so fort,
ich bin mit euch herzlich zufriede;
grad bsinn ich mich widder: ihr wart jo all dort.
Der Schtreit is so gut wie entschiede.
's is lang nit so gärlisch, wie du am End glaabscht;
ich kann mich doch erre: ich bin jo kenn Vabscht, —
war halt norr im heilige Eifer.

In Deutschland do hatt ihr en mißliche Schdand,
 deß haww ich schunn oft müße höre.
 Die sinn d'r mim Druffschlage glei bei d'r Hand,
 dann deß sinn jo Kerl wie die Bäre.
 Do hatt ich e Mittel, haßt norr emol uff;
 grad bringt mich d'r heilige Gallus do druff,
 deß sollte m'r, meen ich, promire!

Es kann sich nit fele, do horcht emol jetz,
 waß mir for e Richt is ufgeange.
 Ich werf emol swer deß Deutschland mein Netz;
 ihr wißt, daß ich „Mensche soll fange“.
 Die Deutsche sinn zwar e roh Volk noch, e grobbs,
 graggeelig unn truzig unn allsfort ihrs Koppss,
 unn doch werd m'r Wunner erlewe!

Do wont so e luschdiges Volk in d'r Palz,
 in des setz ich all mein Vertraue —
 unn dort fang ich an, unn loß nöthigenfalls
 brav Kerche'n unn Klöschder hinbaue.
 Sie sinn zwar nit all mußiggalisch genunt,
 dhun awwer gern singe'n unn lieve de Trunk;
 die gehne m'r sicher in's Garen. —

Mein, schdeck m'r die Plän uf unn schbar d'r de Schbott,
 sächt do jetz d'r Erzengel Michel,
 sunscht kummst de vum Gaul uf de Esel, weß's Gott!
 Unn loß m'r dein eefältigs Gschdichel

uf Deutschland nor bleibe, deß dappige Gschmäz.
Sein Lewe Dag fangscht du kenn Pälzer mim Net,
an denne do werfscht dich v'rleure!

Ach waß, sächt d'r Petrus, so loß mich mein Krom
doch erscht emol aach explizire!
's heest doch, alle Weg jo die füre nooch Rom,
unn do werd aach meiner hinfüre.
Hoscht wege de Pälzer Schbeckdäfel gemacht
am End, weil ich nicks wie die Worheit hab gsacht
vum Trinke'n unn Singe! is 's annerscht? —

Jetz mischt sich die heilig Cäcillje noch uein
unn macht glei e Langes unn Breetes:
Bumm Petrus könnt deß nit so böß gemeent seyn;
die Pälzer, deß wüßt jo e Jedes,
die Pälzer, die wäre geern munter unn froh;
deß wär jo nicks Unrechtes — sächt se — deß do,
unn macht halt e welts langie Preddig.

Deß Lewe is schön wol in Wälder unn Berg; —
for's Herz unn de Sinn zu erbaue,
geht amwer d'r orntliche Mensch in die Kerch.
Drum muß m'r em Petrus v'rtraue;
unn sinn se aach nit mußiggalisch genuch:
's hot aa nicks zu sage, do schreim ich e Buch,
mit ganz neue prächtige Lieder. —

Bischt schdill! sächt d'r Michel, sunscht frickscht mich
an 'n Hals!

Du wärscht m'r nit iuwel v'rriße.
Dann vum „neue Gsangbuch“ do will in d'r Palz
— v'rjchdehscht mich? — seîû Deumel waß wisse! —
Hol Genser die Kaffeemaschin emol dort,
sunscht geht dere Schnäpperdäsch 's Maul in Gem fort,
unn klappert druff los wie e Mülrad. —

Hör! sächt do d'r Petrus, daß du nor seîû Brief
in's Kumplementirbuch dhufcht schreibe!
Du bischt doch warrhaftig aa gar zu massiv;
so loß doch die Grobbheite bleibe!
Ann wann de mim Gsangbuch aa Recht hoscht im Grund,
die Cäcillje, weescht de, deß is die gud Schdund:
sie macht uns alls Mußik zum Danze, —

Drum bast emol uf jetz unn sehd emol schdill!
Ich will euch mein Plan jetz erkläre,
unn daß ich seîû Pälzer mim Netz fange will,
werd jetz do d'r Michel glei höre.
Z'erscht baut m'r 'mol Kerche unn Klöschter — nit wor?
noht rückt m'r, gansch schdill, mit d'r Hauptsach erscht vor
unn schdestt newer jedie — e Wertrthshaus!

Noht baut m'r die Äcker unn lernt's aa die Kent,
unn planzt 'n glei Wingert d'rnewe;
werd in e paar Järcher e Kerch eingeweiht,
do trage'n aa schunt unser' Neme.

Zum Werrthshaus do treibt m'r halt Stunemie;
zum Weinzappe is es nadürlich zu früh,
denn zappt m'r d'rerscht an der Kerrwe.

Uun Musit d'rzu noch, do fricht m'r se rum;
do müsse se schpringe'n unn danze.
Ich meen emol ewe, der Plan wär nit dumm,
m'r könnt se uf die Art furanze.
Ja, lieber Erzmiachel! bild dir nor nit ein,
daß ich die mimm Netz fang; die fang ich mit Wein,
unn wann ich mein Kopp in d'r Palz loß! —

Do hot der sich nit mehr d'rgege gewehrt;
's is recht, sächt 'r, waart narr bis morgen:
ich schick e paar Engel expres uf die Erd,
die müsse for Alles noht sorge.
Proßt Petrus! — So! 's gilt: for de Wein do sorlscht du!
unn Cäcillje die bsort die Musit d'rzu,
for Dentschland do sorgt d'r deutsch Michel! —

's baut Alles jetz Kerche'n unn Wingert drum rum,
die Leut in d'r Palz zu bekehre,
de wormser, de meenger, de schbeyermer Dumm,
de heil'ge Apofschdel zu Chre;
unn Alöschder: zu Weßeburg, ümweral wo
brav Wein wächst: zu Händese, Vorsch um d'rnoch
an d'r Haardt, do bei Dörggem die Rimburg.

Im Anfang, do hawwe die Leut do sich alls
dodrüüwer erschdaunt unn v'rwunnert,
nadürlich: so ufgeklärt war jo die Palz
noch nit, wie in unserm Jorhunnert!
Wann atwer e Kerch emol dogschdanne hot,
unn 's war uf d'r Kerrwe recht luschdig unn flott
beim Wein, deß hot Jedes begriffe.

Dann so waß deß leucht't doch de Pälzer glei ein.
Sie dhun ball die Mönch iüwerlaafe,
unn wolle aa Kerrwe mit Musik unn Wein,
unn losse sich schaareweis daafe,
unn baue sich Kerche. Die müsse zuvor
nadürlich erscht fertig seyn, deß is jo klar,
eb daß m'r se feierlich einweih't!

Die Pälzer hawwe nit wie d'r Kaiser gedenkt:
Bei uns bleibt hübsch Alles beim Alde.
Neeñ: Do fricht m'r doch klare Wein noch eingschenkt,
denn Glaawe denn wolle m'r bhalte.
Unn Sunndags do schtrömt's nor so her vunn de Berg,
unn Jeder nimmt noch e paar mit alls in d' Kerch,
unn nooch d'r Kerch in die Elfuhrmeß.

Gewönlich war Herweg unn Hinweg nit schwer ;
hot's atwer 'mol gschütt't wie mit Rümwel,
jo unner d'r Preddig grad odder noochher,
do mußte se, wol odder iümwel,

im Werrthshaus drinn bleiwe unn ware noch froh,
daß 's gange'n is. Sellwicksmol ware halt jo
die Warblee noch lang nit erfunne!

Gen Werrthshaus hot's aa schunn jetz nimmer gedha'n,
— die daase die Leut um die Wett jo, —
noht baue sich Raasleut unn Handwerker an,
unn ball schdehne Dörfer unn Schbädt do.
D'r Wei'n gibt 'm Heidedhum vollischdt de Rescht:
d'r Herbst unndie Kerwe, des chrischtliche Fescht,
die sinn jetz die Pälzer die liebschde.

Dann, schdeht so e Kerch — ja do lad't m'r die ganz
lieb Nochtbererschaft ein uf die Kerwe.
Do gibt's noch beim Schwanewerrth Mußit unn Danz,
unn so dhut sich's weiter v'rerwe.
Unn „Luschtig" war etwe halt iinweral Trump,
's hot Genie vum Danze sogar ihren Schtrump
zu Lauterbach drüuwe v'rlore! —

Wie awwer mehr Kerche unn Kerwe'n am End,
als wie Dag im e Jor, emol ware,
do hot m'r noht nimmehr uf jedie gekönt,
wär m'r aach uf e paar im Dag gfare.
Unn schbäder kummts gar durch de Fortschritt so weit,
daß jedes kleen Rescht, jeder Hof mit d'r Zeit,
aach one Kerch, Kerwe hot ghalde.

Um awwer denn chrischtliche Sinn do nit gar
durch Weddbleiwe jetz zu v'rdernwe,
do finndt m'r e Mittel d'rfür, umm deß war
e allgemein pälzischie Kerwe,
wo Jeder sein Freund umm Bekannte gewiß
all antrifft, wann's äuscht in d'r Möglichkeit is:
deß is uf em dörggerner Worschtmarkt. —

Weil 's Chriischdeddhum awwer deß glückliche Ziel
hot norr durch de Petrus errunge,
um durch d'r Cäcillje ihr luschtiges Schbiel
die Kerwe is niemols mißlunge:
drum hot m'r jetz dort de „Cäcilljeverein“
um dhut aach en'n Berg dort, nit narr so zum Schein,
mit Recht jetz de „Peterskopp“ heese.

„'s muß glücke min Wein“, hot d'r Petrus jo gsacht,
„um wann micks de Kopp aa sollt kofschde!“
Drum is jeder Trinker — genauer betrach't —
hauptsächlich als Chriischde uf sein Pofchde:
Mir sijn jo all Chriischde norr worre durch Wein!
'n Beweis, daß eß Chriischdeddhum Worheit muß seyn,
dann: Im Wein do is Worheit, sacht 's Schprüchwort.

Die Pflicht.

Hot Einer was Guts odder Böses gedhan,
verschdanne? des sicht m'r am Gesicht eem schunt an,
unn drum is e chrischdliches Gesicht en Beweis,
daß ich aach e Christ bin mit Eifer unn Fleis.

Mit Eifer unn Fleis do gibt's oft e leers Faß,
do werr ich vor Schrecke doch allemol blaß,
do seh ich euch aus, so v'rschdört unn betrübt,
als hätt ich die allergröschte Schanddhat v'rübt!

Unn 's Chrschdeddhum will, daß m'r brav is unn gut,
unn daß m'r sein Pflicht unn sein Schuldigkeit dhut,
unn 's Böse dhut meide, unn wär's narr d'r Schein;
drum is mir des Blasphemie e schrecklichie Pein! —

Unn weil e leer Faß mich so schändlich verschreckt,
werd ewe glei widder e'n anners angschdeckt:
ich frich widder Farb unn seh nimmehr so blaß
unn unchrischdlich aus, wie d'r Reid unn d'r Haß.

Mein Backe sinn roth unn mein Nas die is bloo;
 deß gfallt m'r, ihr Deutcher, dann 's ghört sich e so.
 Drum geh'n ich for Freed euch aach an wie e Licht,
 dann deß heest uf pälzisch: e weingrünes Gesicht. —

Unn d'r Glaawe is bloo, unn die Lieb die is roth,
 unn grün is die Hoffnung; do hot's jo keen Noth:
 do hamw ich — wie Feder vunn selwer jo sicht —
 nadürlich doch aa 's allerchrischdlichde Gesicht!

Unn hot so en erz Bruder Zuschdig dann schdets
 deß chrischdliche Sinnbild vor Lage, do geht's;
 do v'rliert 'r die Tugend nie aus 'm Gesicht,
 unn drum is eß Trinke'n e chrischdliche Pflicht!

D'r Candidat.

Oft schreide sich die Reut jo rum,
 — warrhaftig 's is zum lache:
 d'r Gene heest de'n Anne dumm,
 unn — ihr dhut 's grad so mache!
 Ihr zankt euch aach um Rang unn Schband,
 unn Keener denkt an mich;
 unn Nimand hot im ganze Land
 en'n höch're Rang wie ich. —

Unn wär aach Gener Jenneral,
 en Annerer Minischder,
 en Dritter gar en Kardinal,
 en Virrder — sunscht Philischder;
 e größer Dhier en Fünfder noch,
 en Sechsdder Diplomat:
 is vunn en'n all nit eener doch,
 wie ich — en Candidat!

Ja, ja! ihr habt die Wal im Land,
 zält her — Herz waß begerst de! —
 Ich sag: D'r Candidateschband
 der is unn bleib d'r erschde.
 Macht keñn gelerte Gsichter so,
 als Gott'rschprich: wie dumm!
 dann waß ich sag, beweis ich jo,
 do habt keñn Sorge drum.

's kann bis zum Jenneral am End
 en jeder Dammboor schdeige:
 en Candidat werd Präsident,
 Minischder unn dergleiche;
 Abt, Bischof odder gheimer Rath,
 wie's ewe geht e so:
 Professer odder Diplomat,
 unn Gsandter irgendwo.

Korzum: 's kann jeder Candidat
 e hochie Schdell erringe,
 unu kann's, als geischtlisch unn im Schdaat,
 zu ebbes Rechtem bringe;
 die Aussicht anwer, daß 'r schdeigt,
 v'rlieft 'r immer mehr,
 unn erscht noch, wann 'r gar villsleicht
 Vabscht odder Kaiser wär. —

En Schdand, wo gar keiñ Aussicht is,
 waß Bessers noch zu werre,
 deß is e gringer Schdand gewiß,
 do werd m'r schwerlich erre;
 unn drum behaapt ich immer noch:
 Bum A bis B im Land
 is ewe halt d'r erschde doch
 d'r Candidate'shdand. —

O mancher großer Herr bei Hof
 begreift so Ebbes schwerlich,
 hernege ich als Philosoph,
 ich sinn des ganz erklärlich.
 's is Jeder jo, beim Licht betracht't,
 en Candidat am End,
 ganz alleens, waß 'r is unn macht
 unn waß 'r kann unn kennt.

Meest durch die Welt durch, kreuz unn quer:
 's sinn alle Potendate,
 die Baure unn die Bürgerweer
 sinn Dodescandidat;
 en Heurathskandidat gewiß
 waß ledvig is im Schdaat,
 unn waß noch nit gebore is
 is Menschheitskandidat.

Ei! 's zeigt sogar die ganz Nadur
 vunn unserm ältliche Meeschder,
 schunn in d'r Schöpfung, jo e Schkur
 als Candidat als gröschder;
 dann eb die Welt noch so im Wicks
 hot gschdanne'n unn im Schdaat,
 war unser Herrgott weiter nicks
 wie Schöpfungskandidat. —

Drum bleiw ich ewe wasß ich bin,
schdeht aa mein Name, leider!
'mol schbäder nit im Blättche drinn —
's Exame macht nit gscheiter.
Js aa mein Schädel nit geacht
vum Prüfungskummeßär,
um denn beneid't mich doch v'rleicht
e mancher Wollondär.

Uun so lang dörse vord'rhand
aach die Philischder brumme,
als aus em Candidateschband
die gröschde Männer kumme.
's is mim Exame nit gedhañ,
m'r hot Beweis d'rvuñ:
dann schbellt m'r sich nit selbst gut an,
kann's aa d'r Schdaat nit dhuñ.

Drum will zum Dheel die Kunst sogar
die Prüfung falle losse;
die Kunst, wo frei vunn jeher war,
haßt aa dergleiche Vosse;
wer awwer mit 're Wissenschaft
sich durchzubringe denkt,
uun macht 's Exame, sicht sein Kraft
grad uf sein Fach nor bschränkt.

Da hot's halt doch 'n Candidat
 alls besser noch gedroffe:
 demm schdeht jeds Geschäft, die Kerch, d'r Schdaat,
 demm schdeht die Welt noch offe;
 dann wann m'r keen Exame macht,
 is eem keen Weg v'rschberrt,
 unn sicher, daß m'r noch, wie gsacht,
 was Außerorntlichs werd! —

Unn weil der Schdand, Gott sey's gedankt,
 dhut so vil Aussicht biete,
 is Jeder, wo nit mehr v'rlangt,
 aach sicher mit zufriede;
 kenn Brodneid, wie bei anner' Leut,
 kenn Geschäftszwang trifft m'r do:
 's bschdeht unbedingtie G'werbsfreiheit,
 wie nergends annerschtwo.

Unn doch braucht Keener keen Badent
 unn zalt keen Tax unn Schdeuer!
 Drum wann's noch langt, daß ich am End
 mein Juwiläum feier',
 do ruf ich: „'s war zu jeder Zeit
 „d'r ersche jo im Land,
 „drum hoch in Zukunft — so wie hent —
 „d'r Candidateschdand!“

's Schicksal.

Deß Gedicht im Nadler hinne,
vunn demm lump'ge blooe Rock,
kann ich nit for richtig sinne,
wann ich so im Werrthshaus hoef;
ich hab's zwar schunn lowe höre,
awwer ich — kann nit druf schwöre.

Wann se dort in's Werrthshaus gehne,
fricht die Schuld der blooe Rock;
unn bei mir? — ich habb jo keene! —
wer macht do de Sündebock? —
Ich habb schwarze, braune, grüne,
awwer blooe? — Fessl mich Ihne!

Neen, deß wäre schlimme Händel.
Dann deß wär jo schdadtbekannt,
wann eem eener hätt am Wendel —
sächt d'r Nadler — gäbt's 'n Brand;
dann 's wär denne 's größcht Vergnüge,
eem in's Werrthshaus neinzuziege.

Wann'r eemol ein dhät fehre,
 wär 'r ewe Herr im Haus ;
 's gäbt demm blooe Rock zu Ehre
 halt en'n Brand, um do wär's aus.
 Deß soll mir zur Warnung diene,
 denk ich, ich trag höfchdens grüne !

Awwer grüne, schwarze, braune,
 wie ich se am Leib nor schbür, —
 hawwen aa, 's is zum Erschdaune,
 ganz die nämlich Kraft bei mir !
 Wo mag do d'r Grund drin liche ? —
 Wann ich deß wüßt rauszukriche ! —

Soll's dann in de Knöpp drin schdecke ? —
 Is d'r Schnitt, d'r Nähts draß Schuld ? —
 Deß isch schwerlich zu entdecke,
 do v'rliert m'r die Geduld.
 Wüßt ich deß nor zu ersare,
 könnt ich manchen Bage schbare !

's will vumme meine Röck jo jeder
 mit Gewalt in's Werrthshaus nein ;
 drum macht's aa die Farb nit, seht 'r !
 um die Woll kann's aa nit seyn :
 dann mit leinene im Summer
 haww ich ganz de selwe Nummer !

Unn wennn soll ich deß zuschreibe,
 daß ich Summers, bei der Sitz,
 will noch länger siße bleibe,
 wann ich one Rock dositz?
 wann ich 'n habb ausgezoge? —
 Deß dhut mich am mehrschde ploge.

Neulich hatw id's gscheut aügfange,
 bin vunn z'Haus uff unn d'r vunn
 one Rock in's Werrthshaus gange,
 den: Ich dhu d'r nit die Gunn;
 ich kann nimmehr länger schweige,
 dir muß ich de Meeschder zeige!

Awwer — 's war die nämlich Feier
 one Rock, wie mit 'm Rock!
 's war mir selwer nimmehr gheuer,
 wie ich so im Werrthshaus hoch
 unn an Bänk unn Schdül bleib hente:
 's war an's Heemgehn nit zu denke! —

Jetzt hatw ich de Grund erfare,
 Dags d'rnooch, ganz one Müß:
 weil mein Hoffe abgschprengt ware,
 ünnerwerch am linke Knie,
 hatw ich anure aügezoge,
 unn die Gschicht war wie wech=gsloge.

Konnt mein Dorcht im Werrthshaus schdille
wie ich wollt, mit Bier unn Wein,
konnt aa nooch mein freie Wille
aus eem raus, in's annre nein;
's hot kein Rock mehr neinzu's gschowe
unn beim Fortgeh'n kenne'r ghowe!

Dann 's war aus mit denne Bosse.
Unn wer hot denn Schtreech mir gschbielt?
Mit mein Rock, — mein blooe Hoffe!
Deß haww ich vunn Schdund an gfült;
zeit ich annre habb getrage,
haww ich selde könne klage.

Denk ich: Jez is vil gewunne,
du bischt e gemachter Mann,
dann do hoscht e Mittel gfunne,
wo m'r vil mit schbare kann.
Die Entdeckung will was heese,
do kannscht — e Badent druff löse! —

Awwer Alles hot zwee Seite,
unn die Freed uf deß Badent
dhut zum Ausgeh'n mich v'rleite,
unn mim Schbare war's am End.
Was war Schuld an so 'me Lewe?
Ja! d'r blooe Mondag ewe!

Dinschdags wollt ich's grad schunn lowe,
 daß keen blooer Mondag wär,
 do hot mich's im Werrthshaus ghowe,
 bis ick's Lumpeglöckel hör!
 War ich Schuld drau, schdrenge genumme?
 Neen! die bloo Dabeet mit Blumme!

Bin de'n amre Dag glei bleede
 um uf so en'n Keller naus,
 dann do sinn jo keen Dabeete,
 um — bleib richdig hocke draus
 bis zulest in demm Gedümmel.
 Waß war Schuld? — d'r blooe Himmel!

Do haww ich mich lang jez bsunne,
 bis ich in d'r ganze Schbadt
 habb e fremdes Werrthshaus gfunne,
 um am End — waß hot's gebatt't?
 Ich war secht driim wie an Schrauwe,
 dann ich war — im blooe Trauwe!

Schbäder bin ich in de weiße;
 amwer 's wollt halt aa uff gehü,
 dann wie ich mich los wollt reiße,
 do hot's ghabert in de Been:
 um ich bleib halt widder hocke.
 Waß war Schuld? — Mein blooe Socke!

Wie ich weiße habb getrage,
unn mit nein in's Werrthshaus bin,
halde mich die blooe Lage
vunn dem Kellermädel drinn!
Was is anwer do zu mache?
Blooe Lage sinn so Sache! —

Blooe Hoffe kamm'r färwe,
anwer blooe Lage nit,
höfchdens könnt m'r die v'rderwe,
unn — was wär gewunne mit?
Wo ich jo mein blooe Hoffe
erscht habb widder flicke losse! —

So vil is jetz klar unn deutlich:
nit die Nock, die Farb is Schuld,
unn drum muß m'r unübermeidlich
sich nein schicke mit Geduld,
bis die Herrschaft ganz entschiede
alles Blooe dhut v'rbiete! —

Anwer so was durchzufüre
geht m'r doch, scheint's, nit so schnell.
Mancher dhät sein Nock v'rliere,
West unn Hoffe'n uf d'r Schbell.
Unn — die aarme Schbadsfrabase
mit de blizeblooe Nase!? —

Was mit alle blooe Sache:
 Blumme, Trauwe, Himmel, Berg,
 unn de blooe — Mondäch mache?
 Do gingt Alles ümwerzwerch! —
 Unn die schöne blooe Age?!
 Neen! — Ich will mein Schicksal trage! —

D'r Bappe.

Ja! Wasser sauft Alles — die Fisch unn die Kage,
 die Schoof unn die Laabfrösch, die Küh unn die Schbake;
 do sicht doch e Feder vun selwer schunn ein:
 daß Wein odder Bier forr die Menische muß sein!

Drum ewe werd Unscreen's schwerlich sich erre,
 wann's Wein odder Bier trinkt um menschlich zu werre;
 meen ich emol so, — nooch meim dumme Verschdand! —
 dann 's licht klar unn deutlich genuch uf d'r Hand.

's gibt awwer doch Narre, die wo dißbedire
 unn sage: „D'r Trunk macht die Menische zu Dhiere!“
 — 's wär nit zu begreife! — frogt awwer so Leut,
 do sage se: „Mir sium dumm Wasser so gscheit.“

Sollt 's Wasser en helle B'rschdand könne mache? — —
Ge! schwächt m'r narr so kei'n v'rzwerwelde Sache! —
do wär jo warrhaftig schunn lang e jed's Dhier,
en Dchs unu en Esel so gscheit als wie ihr! —

D'r Wein dhät die Mensche zu Allem v'rleite,
behaupete die Leutcher. — 's hott nicks zu bedente,
dann ich behaupt: Grad des hot 's Wasser gedha'n,
Nemmt narr 'mol em Noah sei'n Vorfater an!

Die hawwe jo all nicks wie Wasser getrunke
unu sinn doch so arg noch in Sünde v'rsunke,
daß 's gheese hot: „Wann ich euch widder so sinn,
„Noht werr ich euch zeige, daß ich d'r Herr bin!“

Dodrum hot sich awwer kei'n Deufel bekümmert:
d'r Noah alleen hot e Arch sich gezimmert,
„Weil 's Wasser kei'n Balke hot“, hot 'r alls gsacht,
wann Gens odder 's Nun're hot drümmwer gelacht.

Unn wann, nooch d'r Sündflut, Gott hawwe hätt wolle,
daß die Mensche mit Wasser de Dorcht lösche solle,
— wo 's jo die ganz Welt näscht zu Grund hätt gericht't —
do hätt doch d'r Noah kenn Weinschdoch nix fricht!

„Guck“ hot 'r gsacht, „Noah! ge her — im Vertraue —
„Da, do dhu 'mol jekert des Weinsche do baue!
„dann 's Wasser — des is e schwernothses Getränk,
„do kräacht noch am End die ganz Herrberg die Kränk.“

„Drum dhu m'r in Zukunft dum Wasser wechbleiwe!
 „Mit Wein kannscht d'r besser die Grille v'rtreibe;
 „narr awwer — fein sachte! dann der schdeigt in'n Kopp,
 „unn eb m'r sich unguckt, do hot m'r en'n Zopp!“ —

Hätt 'r norr de Gambrinus vor'm Noah erschaffe,
 hätte 's Wasser die Menschheit nit wech könne raffe!
 — M'r schreibt unserm Herrgott nit gern ebbes vor,
 dann 's gschicht am End doch nit! Deß awwer is wor:

Beim Bier wär die Menschheit so arg nit v'rwässert,
 unn hätte sich beim Schaffe viel ennder gebessert;
 m'r hätte 's meenschde Wasser zu Bier jo gebraut,
 unn schdatt d'r Arch Noah alls Fässer gebaut!

D'r Deusel hätte aach zwoor en'n Manche geangelt,
 zur Sündflut hätte's awwer an Wasser gemangelt. —
 Do hätte unser Herrgott gsacht: „Euschdiges Blut!
 „So gfallt m'r 's! — Deß mache die Kerlcher jeh gut!“ —

Weil awwer jo Hoppe unn Malz war v'rlor
 an so Leut, do war 'n d'r Unnergang gschwore;
 unn derntwege sag ich: „Norr orntlich gelüppt!
 „dann 's Bier is drau schuld, wann 's keen
 Sündflut mehr gibt!“

Dr Verliebde.

Wann ich halt ewe sell Mädcl seh,
bubbert m'r 's Herz in d'r Brust,
unn ich hab Müh, wann ich weider geh,
daß 'r 's nit noochhupft vor Lust.

's hot euch e Gesichtel, do wett ich druf:
waß d'r nor Lust hatt, ihr Leut,
kummt's emol mit demm in'n Himmel auf,
friche die Enget halt Schtreit!

Unn e Paar Lage, so blau unn klar;
guckt's eem mit an — meiner Treu!
's Herz geht eem uf, wie e Schenerdhor,
unn do is's aus unn v'rbei!

Herz unn Kopp is m'r so voll d'rinn,
's geht gar nicks Unnerschts mehr nein,
unn nooch mein Plänmache könnt ich schunn
Lustschlösserbaumeescher sein! —

Aus unn v'rbei is mein froher Sinn,
unn mein Humor wie wech ghezt!
Unn ich werr, wann ich in Gesellschaft bin,
nicks wie géuzt unn geneckst.

Noûn! ich denk: Punktum unn Sand dodruf;
's Gscheitscht is, wann d' so waß verbeischt,
— du gibst die Hoffnung jo doch nit uf —
deß schenirt kenn grose Geischt.

Ätwer bei all Denm, do bin ich halt
jetz doch vil lieber alleen;
bin jetz vil lieber in Feld unn Wald: —
ach! 's is im Freie so schön!

's letschte Mol, wie ich so draus grad war,
unn denk an all Deß zürück,
war m'r 's, als mach ich im Freie gar
heut noch als Freier mein Glück.

Hab se jo — denk ich — aa seiner Zeit,
's erschte Mol gsehe do haus;
wann se m'r do jetz begegnet heut,
schütt ich mein Herz emol aus. —

Ätwerdenn kummt se d'rher unn lacht,
munder unn flink wie e Lerch,
unn ich — habb halt e dumm's Gsicht gemacht —
schdeh wie d'r Ochse do am Berg!

Grad wie d'r Adam beim Sündefall,
wie 'n unser Herrgott verweist
unn dhut em rufe: „Noûn! werd's dann ball?
„Hannadem, vorwärts! Wo bist? —“

So wasß deß is mir zwor nie bassirt,
doch wär's keen Wunner, warrhaft,
wamm'r eem so in Versuchung fört
unn so blig Mäde erschafft! —

Wär ich nor wennischdens Königssohn,
gäbt ich demm Mädel jo gleich
's Herz uf d'r Schdell unn de Königsdron,
Purpur unn Zepfer unn Reich. —

Hätt ich ihr Herz hent erwert, dann
wollt ich geern sage: Ich bins!
So anwer bin ich en gschlag'ner Mann
unn narr en dabbeter Prinz.

Wamm'r jetz gar noch an Weltschmerz leid't,
do kummt m'r arg in's Gedräng,
do werd eem 's Herz ewe vil zu weit,
unn 's badiß Vändel zu eng. — —

Mädel! du hösch m'r de Kopp vertückt,
— 's is jo zum Närr'schwerre grad —
wamm'r 's beim näkßt! Mol nit besser glückt,
werd ich halt ewe Saldat. —

Madchscht d'r dann gar keen Gewissensbiß?
dann mir reißt ball die Geduld;
unn wann am Rhein do haus Krieg noht is,
is dein hart Herz ewe Schuld.

Schreiw ich mein Weltschmerz em „Monidör“,
werd der for Freed schier verrückt —
bringt en'n Ardicke: bei uns do wär
Freiheit unn Recht unnerdrückt!

Ball d'rnooch hört m'r mein „Schmerzschrei“
drinn in Barries, noht werd's schön:
do is Dags druf dann, bei meiner Treu,
schunn d'r Franzos uf de Beeñ.

Drum — eb ich Deutschland in's Unglück schdörz
unn such glei Hilf in Barries,
leg ich 'r lieber mein aarnes Herz
erscht noch e Mol vor die Füß.

Unn wann ich trug demm halt doch nit sieg,
wann se mich doch nit erhört:
noht is — Gott's Name! — bei uns 'd'r Krieg
grad schunn so gut wie erklärt.

Geh't's dann aa blutig in Deutschland zu,
ich bin do unschuldig drañ,
mach's noht wie seller Tyrolersbuh:
schaff mir e'n Annerie a ñ!

D'r Maimark.

„Noñ, du warscht in Mannem drunne?
 „Hoscht d'nn aa was Drntlichs gfunne?“
 haww ich zu meim Nocher gsacht;
 sächt er: Neeñ, — unn hot gelacht.

Sag ich: „A, ich will nit hoffe!
 „Is eß nig gut abgeloffe?“
 Sächt er: Meiß, bei demm Gewerr
 bischt jo deiner nimmehr Herr.

Do war gar nicks anzufange;
 faum bin ich in d' Schdadt neisingange,
 hawwe mich aa Zwee verwischt:
 „Deß is recht, daß d' aa hier bischt!“

„Wolle m'r in 'n „letschde Heller“,
 „odder uf de „Löwefeller?“
 „Herrgott is d'r do e Bier! —
 „Du bleibsch jedenfalls hent hier?“

Erstcht muß ich mein Gschäfte bsorge,
 sag ich. „Ei, deß dhuscht de morge,“
 hot's glei gheesse; „setz nor gschent,
 „hent kummscht nit an bei de Leut!“

Vierwer, als lang runnzuganke,
bin ich mit, unn mein Gedanke
ware: Bleibst e Bissel dort,
unn noht machst dich heemlich fort.

Uf demui Keller, kann ich schwöre,
konntst dein eege Wort nit höre;
am bawlon'sche Dhorn war jo
keen so Lärme, als wie do.

Do fließt 's Bier — 's is nit zu bschreibe —
konntst, wees Gott! e Mül mit treibe,
dann do sickscht de, sag ich dir,
nickt wie Himmel, Leut unn Bier!

Schier e Duzend Kellermädle
schnorre rum wie Feuerrädle,
unn noch drei vier Fackse mit;
awwer des langt Alles nit.

Wie mir amme Disch ganz hinne
forr uns Drei e Plägel sinne,
licht d'r do e Fässel uf,
unn die leime druf unn druf.

Noñ, des simm'r schöne Sache,
denk ich, was is jetz zu mache?
Unn hoct mich halt aa d'rzu;
ennder war jo doch keen Ruh.

Wie ich fort will, kreischt e Jeder:
 „Ach dein G'schäfte bsorkicht du schbäder,
 „unn die Mieß — deß weescht doch aach —
 „dauert jo noch verrzeh Dag!“

„Waß de kaase willscht, deß sinnischt de
 „alls noch, unn die Wasserkiinschde
 „ufem Keller schpringe jo
 „heut zum erschte Mol. Bleib do!“

's war d'r halt nit fortzukomme.
 Gener hot mein Schdock genumme,
 unn e'n Annerer mein Rapp,
 unn sächt: „Trink jek unn waart's ab!“

Denn Schbekdadel! — unn d'rgwische
 hot's als: „Alleweil!“ gekrische,
 „Jek geht's los!“ Ich baß unn baß;
 awer meenscht do kämt etwaß?

Keen Gedanke! Lauter Boffe!
 Do hamw id se hocke losse,
 's war for mein Geduld zu schdack,
 unn bin vorzu's uf de Mark.

Ich loß mir ein Gaul do zeige
 unn denk, do kannscht aa müsschdeige,
 denn prowirscht de selbstcht emol.
 Awer denk norr, denn Krambool:

Ich schdeig nuf, unn wie d'r Dunner
hüuwe nuf unn — drüuwe nunner;
da! do lich ich d'r im Sand!
Ich war awwer bei d'r Hand.

Ich hab zwor mein Rock verrisse,
mach mich awwer gar nicks wisse,
unn schdeig nuf wie wann nicks wär,
unn schdolzier do hin unn her.

Noñ, mir werre Handels eenig;
ich, vergnügt als wie en König,
denk: jetz reddschd de gar keiñ Wort
unn heut Dwend reitscht halt fort. —

Raum bin ich um's Eck rum gange,
hawwe se mich widder gfange,
unn d'r Gene sächt: „So! so!
„Noñ for dich bin ich dann fro!“

„Du kannschd awwer prächtig reite!
„Jetz nar mit! Jetz kann's wasß leide. —
„Halt m'r jetz nar ganz deiñ Maul,
„du hoscht do enn wolffe Gaul.“ —

Noñ! de gude Gschäfsde wege
loß ich e Faß Bier uflege.
— Mein! wasß dhuschd am Maimark nit —
unn am End do mußd ich mit, —

's war keen Ruh, wol odder ümwel,
in deß blooe Neweschdümwel
drinn im Haus, unn morgens druf — —
wach ich halt im Gashthof uf!

Ich war kaum recht aangezoge,
hör ich brunne nooch m'r froge;
wie ich nausguck schdeht d'r jo
Gener mimme Mauldhier do!

Hoscht de dann bei demm Gewussel,
denk ich, geschtert in dein Dussel
schdatts en'n Gaul e Mauldhier kaast,
daß d'r heut der Kerl noochlaaft?

Wie ich hör mein Name nenne,
denk ich ewe: durchzubrenne
werd do 's beschde Mittel seyn;
do kummt grad d'r Kellner 'rein.

Sag ich: Sag dem Kerl dem dumme,
in 're Schdund, do sollt er kumme.
Da! do hoscht waß. Bschdell e Schäs;
awwer — daß es Nimand weef! — —

Hier mußt ich noht schbäder höre,
daß mein gude Freund schuld wäre
widder an der ganze Gschicht,
daß ich hab mein Gaul nik fricht.

Dann, wann die — grad rauszuredde —
 nit deß Mauldhier hergschickt hätte,
 do wär jo doch, uf mein Wort,
 nit mein Gaul unn 's Drußgeld fort.

Noñ, mein Fraa hot's nit erfare,
 warum mir so luschdig ware;
 dann im Ganze, muß ich gschdehñ,
 war d'r Maimark deß Jor schön.

D'r große Kumeet

vunn achtzehunnert achtzuffzig.

Do, haww ich gsacht, geht jeh 'mol 'raus!
 waß do am Himmel schdeht!
 Grad wie e grosie Ruth sicht's aus:
 deß is —, glaab — d'r Kumeet.
 Guckt nar 'mol omwer'm Eckhaus do,
 am Echdorkenescht links schdeht 'r jo! —

Unn richtig, 's war wie ich habb gjacht,
 unn jeh do nimmt 'r zu
 an Grös unn Schönheit jedie Nacht;
 unn 's war nit emnder Ruh,
 als bis 'r glijert wie en Pau,
 als wie beim Vollmondschein d'r Dhau.

Jetz dischbedire schdundelang
die Leut vunn dheurer Zeit,
vum Krieg unn vum Welt-Unnergang,
wo der Rumeet bedent't.
Ei, sag ich, ihr werd gar nit müd
mit Schtreite, kennt'r nit des Pied?

„Da streiten sich die Leut herum
„wol um den Werth des Glücks;
„der Eine nennt den Andern dumm,
„am End weiß Keiner nicks.“
Wie's denne Leut mim Glück dort geht,
so geht's grad euch do mim Rumeet.

's schadd't nicks; 's dhut manch gelerdes Haus
nit vil d'rvuñ v'r'schdehñ.
Die düstle alls nor manchmol raus,
die Welt dhät unnergehñ!
Dobei is freilich nicks gewiß,
als wie: daß Erddhum menschlich is. —

So Gener prophezeit so waß
voraus uff tausend Jor;
gschicht's awwer nit, do war's halt Gischbaß,
do kann'r nicks d'rvor,
wie vorrenijor beim Mußiffescht; —
unn des is aa noch 's Allerbescht.

Dann unser Herrgott hot kei'n Ruchst
 — v'r'schdanne? — daß 'r 's leid't,
 daß ihm do Gens in's Handwerk puscht:
 desß gäbt nor Zank unn Schtreit.
 Desß is d'r Grund aa — offe gsacht —
 warum 'r 's Wetter selwer macht.

Dann in d'r Welt muß Ordnung seyn,
 so vil is 'mol gewiß.
 Wer anwer bräacht die noch so nei'n,
 daß so e Finschderniß
 zum Beischbil en gelerder Mann
 uf's Dippele berechne kann?! —

Do is 'me jede Schdern sei'n Zeit
 unn aa sei'n Weg schunn bschdimmt,
 voraus in alle Ewigkeit,
 daß 'r kenn annre nimmt.
 Nach der Kumeet folgt seiner Schbur
 nooch dere grose Herrgottsühr.

Sechsthalbmilljone Meile lang
 is demm sei'n Hoorzopp do!
 Weß 's Gott! do werd's eem orutlich bang,
 do gingt der ungfär jo
 grad dausend Mol um unser Erd! —
 (Wann desß d'r Zoppabschneider hört!)

In eenezwanzighunnert Jor
do macht der grad die Rund.
E schönie Zeit, unn doch is 's wor,
daß der Kumeet im Grund
an dere Weltuhr ganz gewiß
nifs wie 'n Seggundezeeger is!

Noôn, könnte deß die Mensche aach? —
Niemols nit! sag ich euch.
Ei nit emol en ganze Dag
gehn jo zwee Uhre gleich;
herngege lest m'r do unn dort:
Heut sinn zwee Bahnzüg zsammegschnorrt!

Vassirt so waß bei Bahnzüg schunn,
wie giugt's dann denne Herrn
erscht gar beim Fare um die Sunn?
Do wäre Mond unn Schdern
v'rsääft unn aa v'rbrennt schunn lang:
's wär alle Dag Welt=Unnergang!

's Kalennermache wär gewiß
hernocht keîn grofje Freed:
dann do kämt bei 're Finschderniß
oft Sunn unn Mond zu schbät.
Sächt so 'n Kumeet nit Jedermann,
daß so waß nor d'r Meeschder kann? —

Weil die Schderngucker arower doch
so heemlich dhune mit,
unn sage, wamm'r frogt, all's noch:
sie wüßte's selwer nit;
do sag jetz ich's, waß der am End
aach sunscht all's noch bedente köunt.

Guckt so en Kerl genau nor an:
Geñ Newwel is d'r Kopp,
der lange Pooschwanz himmedrañ
is nicks wie 'n groser Zopp.
Unn „Neww'l im Kopp“ unn „Zopp“ bedeut't
en'n Brand, deß wißt 'r selbscht, ihr Vent!

Die Bränd gerothe 's bescht, ihr Herrn,
zur Fedd'eweisezeit;
drum glaaw ich aa, daß so en Schdern
en'n gude Weiñ bedeut't.
Unn wüßt m'r 's nit vumm elfder Zor,
do wär's doch ewe grad so wor. —

So haww ich gsacht ghatt selwigmols;
unn jetz! — wie is d'r Weiñ?
Ihr sagt jetz selbscht: D'r Deuksel hol's!
mir könne Zeuge seyn.
Deiñ beschde Freund' süm eenig drinn,
wie gud die Zöpp gerothe süm.

Jetz wißt 'r waß der Schdern bedeut't;
 drum ewe seyð nib blöd
 unn holt emol en'n Zopp euch heut,
 so lang — wie der Rumeet!
 Unn wann die Ald bodrümwer brummt —
 do trinkt — — bis daß 'r widderkummt!

D'r Junggessl.

E Nachdigall, en junger Mann,
 die singe'n alle beed
 nor leddigerheit, weil's Jedem dann
 vunn selwer schunn v'rgeht.
 Dann wann emol e Nachdigall
 sich paart unn 's Nescht sich baut,
 do is es mit 'm Singe'n all;
 m'r hört aach nit 'n Laut.

Unn singt e jungie Fraa em Kind,
 odd'r gar e aldie brummt:
 ach Gott! waß is d'rnoch so gschwind
 demum Mann sein Lied v'rschdummt!
 D'r flottschde Kerl, des is gewiß
 unn all' schunn dogeweßt,
 daß der oft, wann 'r g'heurath't is,
 die Glüchel henke läßt.

En warer Junggell awwer lebt
wie 'n Vochel uf 'm Zweig;
wann's aach en'n lose Vochel gäbt,
deß bleibt sich Alles gleich.
Er lebt for sich so froh unn frei,
guckt nooch keem Mädel um,
unn Weltschmerz unn so Narredhei,
deß is em vil zu dumm.

Er is seiñ eegner Herr unn kummt
vil besser durch die Welt,
als wann em Gens de Kopp voll brummt,
unn schbart V'rdruß unn Geld.
Unn wann 'r owends heem will gehñ,
— wann schunn d'r Dag anbricht —
do weep 'r halt doch, daß 'r keñ
Gardinepreddig fricht.

Wann Alles Junggell wär, juhce!
deß wär e warie Pracht,
do hätt noch keñ gemischdie Eh
kemm Mensch Verdruß gemacht.
's hätt noch keñ Schreit unn keñ Schtandal
so manchie Eh getrennt,
unn unbekannt wär iwweral
's Pandoffelrechement.

Do gäbt's jeh aa keen aldie Fraa
 unn keen Schdiefmutter mehr,
 unn 's wär noch Manches aunerscht aa
 vunn Olmszeite her.
 Dann 's is d'r ältschde Schdand des do,
 's schdeht in d'r Schrift d'rvunn:
 d'r Adam der war Junggsell jo,
 glei vunn Geburt an schunn.

Unn weil em aa d'r siewe Gott
 die Eva (heest's dort aa)
 zur „Gfärtin“ narr erschaffe hot,
 unn nit zu seiner Fraa;
 der Esel anwer — werd ihr Mann! —
 Hätt nicks d'rbei reßgirt,
 unn bei demm Appelstrom sich dann
 so heillos nit blamirt.

Do hätt 'r gsacht: „Was is dann des,
 „wann ich for Schbafferei
 „jeh mit demm Mädcl Äppel eß!
 „Was is d'nn do d'rbei?
 „Was ruft Er? Was hamw ich gedhan,
 „daß Er uf mich glei zielt?
 „Was geht mich die Person do an,
 „wann die sein Äppel schdielt!“ —

Er hätt halt gsacht: „'s is nit mein Fraa!“
 unn wann se nüschenirt
 per Schubb d'r Himmelschandarm aa
 zum Tempel naus hätt gfürt.
 's hot awmer gheese: „Jez is 's aus!
 „Ihr Zwee seyd jo een Leib,
 „drum müßt 'r aa minnanner naus;
 „dann ihr seyd Mann unn Weib!“ —

Unn zeitdenm hot denn Feeler schunn
 gebüßt e mancher Mann;
 die Gschicht die is jo voll d'r vunn,
 wo's Jeder lese kann.
 Zum Beischbil: wann d'r Lot wär gflücht't
 als Junggsell schunn vorher,
 daß der bei dere Schwefelgschicht
 kessn Wittmann worre wär.

Unn wär d'r Sigfridd leddig mit,
 do hätt'n uf d'r Nacht
 aa seiner Fraa ihr Bruder nit
 am Brunne kalt gemacht.
 So hätte'n aa de Salomo
 sei'n Weirer nit verfür't,
 unn leddig hätt d'r Urjas jo
 kenn Urjasbrief schbeddirt.

Uun die Chrischdine Beckebach,
die hätt, waß deß betrifft,
— deß is e ausgemachte Sach —
nit ihren Mann vergift't.
Uun wär d'r Sóbrates nor aa
Junggsell geweßt, ich wett:
daß denn do nit sein böße Fraa
so rumgeorgelt hätt! —

Soll ich jetz anwer bloße do,
was mich am End nit brennt,
unn wo e Feder wecß, der wo
die Gschicht halbwegs nar kennt!
's gibt böße Weimer heutzudag,
jo, mehr noch als wie's scheint,
die wo ich nar nit nenne mag
aus Rücksicht for mein Freund. —

U Fraa zu hawwe is durchaus
teum Junggsell nooch sein Sinn;
drum kummt mir keenie aach in's Haus,
so lang ich leddig bin.
Wann 's Glück so gros wär mit 're Fraa,
ihr lieve Leut, ich wett:
daß do sich unser Herrgott aa
schunt selbscht een gschaffe hätt.

Schdeht anwer nit im Gattegiß
 e Schprüchel, flor wie Gold,
 daß Gens, so vil's narr möglich is,
 demm änlich werre sollt!?
 Drum, waß d' ihr Annre sagt unn schreibt,
 's versliegt bei mir wie Raach —
 dann so lang der noch leddig bleibt,
 bleiw ich's nadürlich aach!

Astronomische Betrachtunge durch's Schoppeglas.

En Astronom — deß is kein Frog —
 wann der die Welt betracht't,
 der rechnet unserm Herrgott nooch,
 ob der kenn Feler macht.

Unn weil halt sein B'schdand nicks find't,
 is so en Astronom
 for alles Annre daab unn blind;
 deß haßt nit in sein Krom.

En lusch't'ger Trinker, liewe Vent!
 kummt ehnder zu sein Ziel,
 dann der betracht't die Herrlichkeit
 unn Pracht mim volle Gfäß.

Der sicht durch's Schoppeglas ganz klar,
 was eem feinn Fernror zeigt,
 zum Beischbil: daß der Sunn uf's Hoor
 en luscht'ger Trinker gleicht.

Der macht die Leut, grad wie die Sunn,
 aach munter, unn gewiß
 macht der sich aach erscht dann d'rummy,
 wann's Feierowend is.

Die Sunn scheint wege'm Neue alls
 oftmols im Herbst noch heeß:
 d'r Trinker der kummt ewefalls
 oft wege demm in Schweet.

Unn wie in heese Summerdag
 die Sunn oft Flecke fricht,
 geht's in 'me gude Weinjor aach
 alls mit 'me Trinkergsicht.

Unn wann die Sunn 'me schöne Kind
 in's Gesicht'l guckt, im Nu
 dhut's blizle unn macht wie d'r Wind
 feinn lieve Lage zu, —

wie wann's en Trinker frank unn frei
 grad in de Wacke peßt,
 unn freundlich ainguckt unn em glei
 en'n rechte Kuß versetzt.

Dann do meent Jedie ganz entzückt,
sie wär die Auserwält: —
ob die nit glei e Nag zudrückt
unn zwee fogar, wann's fest!?

Def glückt 'me Kuscht'ge wie d'r Sunn,
er is voll Feuer halt;
der Traurige der schleicht d'r vunn,
als wie d'r Mond so kalt.

Unn doch gleicht uf d'r annre Seit
so 'n Trinker aach em Mond,
dann nachts is aa sein schönstie Zeit,
wo's Geschäft am bescht sich lont.

D'r Mond der halt't jo mit d'r Sunn
die Konkurrenz nit aus,
drum schleicht 'r sich am Dag d'r vunn,
nachts kummt 'r widder raus.

So is 'm schönstde Kuppergsicht
aa vor d'r Sunn als bang,
daß sich's in's Werrthshaus nein oft flücht't
bis Sunneunnergang.

Wann ganz d'r Mond am Dag sich zeigt,
do is nit vil mit gsacht,
do is 'r blaß unn matt, unn leucht't
halt doch erscht bei d'r Nacht.

Unn bis e mancher Trinker aach
 Ol an die Lamp gschütt't hot,
 so lang aa is 'r blaß am Dag,
 nachts schtralt 'r wie en Gott.

Am Mond do sinn ball rechts ball links,
 so Hörner; wann m'r guckt,
 's schdeht im Kalenner neuerdings
 jo schwarz unn roth gedruckt.

So hot en rechter Trinker oft
 e Trinkhorn schdatts 'm Glas,
 unn rechts unn links ganz ünverhofft,
 Trinkhörner uf d'r Nas.

D'r Neumond der nimmt allsfort zu,
 deß halt't 'r for sein Pflicht, —
 erscht wann 'r voll is hot 'r Ruh
 unn schtralt im schönnuschecht Licht.

D'r Trinker der halt't ewe so
 sein Pflicht for unbegränzt,
 bis daß 'r voll is unn d'rnoch
 als wie d'r Vollmond glänzt.

Unn wie d'r gude Mond so schbill
 nachts durch die Wolke geht,
 schleicht Mancher, wo's v'rducke will
 vor seiner Fraa, wie's schdeht. —

E mancher Trinker awwer is
 aach widder wie en Schdern;
 des is ganz sicher unn gewiß,
 baßt uff nor in wiefern:

Wer halwedägweis odder so
 beim Bier sitzt unn beim Wein,
 im selwe Werrthshaus irgendwo
 des muß e Firschedern seyn.

Unn wer aus eem in's annre laaft
 — 's gibt so solide Herrn —
 der werd mit Recht Planeet gedaast,
 uf deutsch: en Wandelschedern.

Wer nachts mit Neww'l in seinu Kopp
 unn schtralend heenzu's geht,
 unn schleppt sich mine lange Zopp:
 des is halt en Rumeet.

Unn wie alls Sunn unn Mond, wie's heest,
 oft anner Wetter bringt,
 so ännert Mancher, wie m'r leest,
 aach 's Wetter, wann 'r trinkt.

Zum Beischbil: 's kriecht en alder Herr
 vunn üngfär 'mol en'n Brand
 unn werdd im Dunkle ewe err,
 geht rechts schdatt linker Hand,

— wie's Jedem jo begegne faun
jetz bei demm schdarke Bier —
unn rappelt mit seim Schlüssel ann
d'r — Köchin ihrer Dhür. —

Sein Fraa v'rschdeht deß leg, noch jo,
die Lieb is etwe blind;
wie gibt's beim klorische Himmel do
e Dunnerwetter gschwind!

Wann Gener glänzt als wie die Sunn,
unn so gehörig nippt,
do weesß mar, daß es owends schunn
bei demm en'n Newwel gibt.

Unn geht 'r noht im Newwel heem,
in's Bett nein, doll unn dumm,
unn schtreckt sich schbäder ganz bequem
unn — schmeist de Nachtdisch um,

unn greift d'rnooch unn fricht en nit,
fallt selbscht, unn nit genuch,
er reißt aa 's Himmelbett noch mit, —
do gibt's en'n Wolkebruch.

Odd'r wann en luscht'ger Trinker wo
e frohie Gsellshaft find't,
sein Lumpeschtrech v'rzält unn so:
Ui! — was macht der for Wind!

Uun trinkt 'r aa noch Schlag uf Schlag,
do wär's jo ganz enorm,
gäbt's nit am allerschönnschde Dag
uf die Art noch en'n — Schdorm.

Uun so kunnt ewe allerhand
for Witterung eem vor;
m'r kann de Baromederschdand
alls finne schier uff's Hoor.

Drum alls prowirt emol zum Schbaß,
uun ordentlich gelüppt!
do werb't 'r ball erfahre waß's
for Wetter bei Euch gibt. —

Die Schdorke

im Frühjör achtzehnhunnertsechzig.

Am letschde Feuerwerwar, den Schdaat!
en Dag so klar wie Gold,
als wie wann's deß Jör ferzegrad
glei Summer werre wollt.
Drum nennt mid's weider gar nit Wunner,
wann all's en Schdork schuun kummt mituuner.

's war eem jo selwer orntlich wol,
unn Mancher hot gedenkt:
der Mantel werd forr deßemol
heut glei in 'n Schrank neing'henkt.
Ei, mandie Schönheit, so zu sage,
hot schunn en Sunnescherin getrage!

Warum? Die Schdorken sijn jo do!
drum glaawe jetz die Leut,
deß schöne Wetter bleibt aa so:
die hawwe's prophezeit.
Als wüßt m'r nit, warum Propheete
in ihrem Land nicks gelde dhäte!

Unn daß deß nit so one is,
hot glei d'r März gezeigt:
dann, hot's nit gfreore, hot's gewiß
gooweddelt odder gschneicht.
Die hawwe sich in's Rescht gefauert
unn gfreore, 's hot eem selwer gschauert! —

's bleibt freitlich noch e Mancher aus;
grad nütwer uf 'm Eck,
der uf d'r Botte ihrem Haus
bleibt schier acht Dag noch wegg.
Der sächt: So lang die Amre friere,
dhu'n ich mim Runne nib pressire.

Snappß awwer war er selwer do,
do war's, zu sein V'rdruß,
halt mit em Wetter grad e so.
Gell? sag ich, Piffiggus,
jetz schdehst de do, mit dein Graggeele,
als wann de könnst keën Drei mehr zäle!

Unn 's wackelt d'r dein Herz vor Kält,
drum kunnst de uf's For aach
am zwette März schunn, hoff ich, gelt?
do is Simpliziusdag. —
Hochmuth, unn üwwer Anre schböttle
is leichder, als wie selwer bettle!

Jetz, wo de selbscht so hungrig bist,
als wie e Kerchemaus,
unn noch keën Fröschel host d'rwiischt,
schdehst d' vunn d'r Kält vil aus.
Ich wollt d'r geern en Mantel leene;
ich habb jo awwer norr denn eene!

Wo fliegst jetz all's narr morgens hin?
's leit plätzweis Schnee noch draus;
keën Baam unn noch keën Wiß is grün,
keën Edechß schluppt noch raus.
Do kunnst schdatt's Krotte, Frösch unn Schlange
jo höfchd'ns unfer Feldmäus fange! —

Wann's nurr e paar Jor früher wär,
do häsch't en'n schdaats V'rdinnscht:
zeh'n Baze 's Hunnert, un noch mehr,
wie d's jo im Bland noch sinnscht;
draus vorr em Dhor, der lange, schmale,
wollt jo'n berliner Dhaler zale!

Do wärscht du jetsch schunnt aus d'r Batich
un häsch't noch profedirt;
dann hot m'r aa de Kladd'radatsch
derntwege konfisziert,
do könnt m'r ewe dod'rwege
euch Schdorfe doch nit 's Handwerk lege!

Ich sag deß im V'rbeigeh'n so,
nar daß de inne werrsch't,
daß nit bei uns, wie amerschtwo,
noch so en Juntzopp herrsch't.
Bei uns dārscht lese odder schreibe,
waß nit v'rbotte'n is, dārscht treibe! —

Wo bleibsch't dann norr de ganze Dag?
Heut scheint jets doch die Sunn!
M'r sicht denn Kerl jo mit keim Nag,
un 's geht uf Fünfe schunn.
's is Sunndag! waß sinn deß jor Sache?
willsch't doch nit heut schunn „Blode“ mache?! —

Guck! Guck! do kummt 'r! U, wie müd!
 Schdeht uf em eene Been
 unn wärmt sich an d'r Sunn unn sieht,
 wie die will unnergeh'n.
 Neen, nit emol! — Er duckt sich liewer
 in's Nesch, als hätt 'r 's kalde Fiewer!

Non Alderle, ruh norr jetz aus,
 unn hör, waß ich d'r roth;
 du fliegst m'r scheint's in's Ausland naus,
 do leid't dein Kuunschaft Noth.
 Bei uns kannscht dich im Land ernäre;
 's is nit als wannir Waldeck wäre! —

So war's gewiß e ganzie Woch;
 narr Gens bring ich nit kleen:
 der Schdork, so oft 'r kummt, is doch
 halt all's fort noch alleen!
 Nonn, denk ich, deß muscht doch ersare,
 wo die jo schunn e Päärle ware! —

De'n annre Dag, do frog ich dann:
 Mein, Schdork! wie sieht's dann aus?
 Wo bleibt dein Aldie, liewer Mann,
 haltstcht deßjor leddig Haus?
 Heen? sag emol! wie kummt deß norre?
 Bischt d' ünwir Winter Wittmann worre?!

Lebscht in gemischter Eh, Rum'rad?
 unn hoscht de dich, wie's scheint,
 am End jetz wege'm Kongfordat
 mit deiner Fraa v'rfeind't?
 Mein! mach m'r do nar kein so Bosse,
 d'r Petschde hot noch lang nit gschosse! —

Du schüttelscht mit em Kopp; ahaa!
 nit 's Kongfordat isch schuld!
 Gell, ganz was Annerscht's, unn dein Fraa
 erwaartscht mit Ungeduld?
 Narr soll se jetz noch nip pressire;
 du willscht nit, daß se aa soll friere!

Du bischt doch en galanter Kerl!
 ich sag d'r 's, daß d' m'r gfallscht.
 Dein Fraa v'rdient's, des is e Perl,
 daß d' die in Ehre haltscht.
 Was klapperscht dann unn dhuscht so dowe? —
 Vor Freed? — weil ich dein Fraa dhu lowe? —

Jetz hoct 'r traurig uf 'm Haus,
 unn rechnet nooch unn zält;
 sein Fraa, die bleibt zu lang, scheint's, aus:
 des is eß, was 'n quält.
 Er isch schunnt oft enggege gfloge
 unn war noch alle Mol betroge.

Uun Josephsdag schunn vor d'r Dhür,
 unn noch sein Fraa im Haus!
 Der aarme Schdork, der guckt sich schier
 jo noch sein Lage aus.
 's sijn mit d'r Lieb kurzose Sache:
 e mancher Mann dhät's annerst mache! —

Uff eenmol klappert's: do kummt Sie!
 do war 'r atwiver aach,
 glei widder so v'rgnügt als wie
 d'r Paff om Dschderdag.
 Die Freed — deß Klappre — deß Gezawwel,
 vunn Herr unn Fraa vunn Schniwel'schnawwel!

Er hot dann glei uf's Nescht gedeut't
 unn tickert, lacht unn schwägt,
 hot Ihre jo vor alle Vent
 in 'n Backe nein gepegt;
 unn macht euch so v'rliebde Lage,
 als wann 'r Wunner was wollt sage.

Jetz is 's annerst, 's schmeckt 'm aa
 sein Fresse'n unn sein Schloß;
 lebt meiner Sechs mit seiner Fraa
 näschd flotter wie bei Hof:
 fliegt däglich uf die Wiß schbazine
 unn dhut dort off'nie Däfel füre!

Seht, sag ich, ihr hatt one Müh
 jetz euer täglich Brod.
 Drum kummt in Zukunft nit so früh;
 denkt nor: kummt Zeit, kummt Nooth!
 unn lost in'r's Prophezeihe bleiwe,
 deß solle die Zichenmer treiwe!

Nricht Frösch unn Schlange jetz am Frack,
 schdatt's daß d'r schwindle dhut:
 's is besser, e Schdück Brod im Sack,
 wie e Fedder uff 'm Hut!
 Dann mit 'm Prophezeihe, seht 'r,
 deß glückt euch nit; deß sächet ouch Jeder.

Deß kann ich besser noch bis hent
 — lob's Kongfordat wer will —
 die arge Krischer vorr d'r Zeit
 sinn doch v'r'schluppt unn schdill;
 wie ich euch gsacht habb: Macht feñn Bosse,
 d'r Vetsche hot noch lang nit g'schosse!

Gott Lob! Mir hawwe's durchgedrückt;
 's werd gut jetz, wie ich denk,
 unn 's ganze Land deß is beglückt
 vunn so 'me Oscher-G'schent.
 De Krischer is ihr Freed v'rdorwe,
 die sinn, wie gsacht, jetz wie ausgschtorwe!

's kann mit de Frösch euch grad so gehn;
dann wann die jeh jo aach
so laut schunn juffe, unn so schön
unn lang vorr Förgedag:
v'r'schluppe se mit Ihresgleiche
sich schbäder aach, unn dhune schweige! —

D'r Dorschtel.

Wie ich mich bfinne mag — hiñ odder her —,
waß m'r uf dere Welt 's Liebschde noch wär:
's fällt m'r, Fraa Nothbern, halt ewe nicks ein,
waß m'r so lieb, als wie's Werrthshaus könnt seyn!

Vorab im Frühjor, doo weesß m'r recht gut,
daß m'r sein Gsundheit uf's Schbiel setze dhut,
wannar nit einkehrt, wann's kalt is unn feucht;
awwer deß gingt one Werrthshaus nit leicht!

Awwer im Summer, deß kennt m'r, weesß's Gott!
waß m'r so gschwind do en Sunneschbich hot.
's Werrthshaus gibt Schatte. — Do werd sid's gelabt;
vorab, wann's draus uf d'r Schtros e so schdaabt!

Kummt e Gewitter noch gar owwedrein,
— schdellt ma sich unner en Baam, do schlächt's ein —
wasß bleibt eem iuw'rig bei so eme Guß,
als daß m'r hortig in's Werrthshaus nein muß?

Hätt mar im Herbst aa genuch schunn geleimt,
do is m'r doch halt vumun Bier so v'rschleimt,
daß m'r — weil's Neue grad gibt — 'mol prowirt:
ob m'r vumun demm v'leicht Vinnerung schbürt?

Unn eerscht im Winter — Gott's-Kreuz-Sapperlott!
daß m'r doch aa noch en'n Unnerschlupp hot:
's is oft zu kalt, unn m'r hot zu weit heem;
do is eß Werrthshaus halt gar zu bequem!

Winters, do is m'r for's Werrthshaus recht froh.
Als nein! dann dod'rfor hot m'r se jo.
Geht m'r 's ganz Jor nein, do muß m'r recht schön
— deß is nadiürlich — aach Winters nein'gehn.

Zudem, do weess ich als prakdischer Mann,
wie m'r sein Licht unn sein Holz schbare kann:
ich geh in's Werrthshaus for deß e paar Schdumd,
unn geh kalt schlose noht, deß is recht g'sund.

War's aa bis jetz noch, Gott Lob! alle Jor,
kummt eem emol atwer je ebbes vor:
's Werrthshaus — eß Werrthshaus, deß hilst iuweraal,
wie bei de Mädle, wann's heest: „liff de Baal!“

Nummer unn Sorge'n unn waß ich so schbür,
schüttl' ich glei allemol ab vor d'r Thür.
's Werrthshaus macht alle Leut gleich uf d'r Welt:
do is doch Jeder noch Herr for sein Geld! —

Mein Schatz is noch leddig, Gott Lob! unn ich aa;
'ch ruh awwer nit — werd sie je 'mol mein Fraa —
als bis d'r Rodar in de'n Ehvertrag schreibt:
„Daß eß mim Werrthshaus beim Alde verbleibt!“

Unn wann m'r mein Hausfraa jetz eefimol noch klagt,
daß 'r ihr Mann schunn so lang nimmehr b'hagt,
sag id's 'r doch euol gradraus in's Gesicht:
„Hausfraa! der trinkt nicks, deß is die ganz G'sicht!“

All, die nicks trinke, die sinn nit recht g'scheut,
grammliche, nutzige, truckene Leut;
kenne die Welt nit unn sich nit, 's is wor —:
Trinke'n elleen gibt de ware Humor!

Der is im Werrthshaus, wie annerschtwo nie.
Ich schdudir aa dort mein Philosophie:
deß is die Schul, unn do kann m'r aa glei
felswer sein Lehrgeld v'rtrinke d'rbei!

Unn is 'mol schbäder mein Krömche v'rdhañ,
fang ich, Gott's Name, vunn vorne halt an,
dann 's Widderhole, deß is jo gewiß,
daß deß die Mutter vum Schdudium is! —

Ens norr deß kröppt mich: Ich preddig do alls
unn bin d'r, warrhaftig, brodrucke'n im Hals,
daß ich kei'n Wort mehr — — Fraa Nothbern, Me'n, nee'n!
do muß ich glei 'mol in's Wertrthshäusel geh'n!

Bleib im Land unn nâr dich redlich.

Ich geh nit noch Amerigga,
ich bleib dohaus am Rhei'n.
Do kam'm'r, meiner Seel, doch aa
noch froh unn luschdig seyn;
do hört m'r Musik noch unn Gsang, —
do haus bleib ich mein Lewe lang!

Zum Tranrigseyn is alls noch Zeit,
wann's nimmehr annerscht geht;
hier wees m'r awer, daß nit weit
d'r vunn aach gschriuwe schdeht:
„Unn freet euch mit de Fröhlich'e“, drum
treiw ich do haus am Rhei'n mich rum.

Wer schunn die Woch durch luschdig is,
 der hot 'n frohe Muth,
 der trinkt aa Sunndags ganz gewiß
 unn singt, unn deß is gut;
 dann böse Mensche hawwe jo
 feññ Vieder. Neen! do bleiw ich do.

Die Temperenzer trinke dort
 feññ Troppe Bier unn Weñ.
 Deß muß e ganz kurjosie Sort
 vunn schlechde Chrischde seyn;
 dann Weñ unn Bier is Gottesgab,
 drum bleiw ich hier noch, mit Verlaab.

Die Nobbler sinn am Sunndag gar
 for Alles daab unn blind.
 Zu's Werrthshaus gehn' an demm Dag, war
 vunn jeher dort e Sünd.
 Ja, wann ich gar vunn so was hör,
 gehn ich erscht recht nit ünner's Meer.

Doch wer dort 's bescht b'drüge kann
 unn legt die Leut uf's Schtroo,
 denn halt't m'r for de g'scheitschde Mann.
 Neññ, neen, do bleiw ich do,
 so lang m'r uf feññ erlich G'sicht
 bei uns dohaus — geborgt noch fricht!

Dort wirft d'r „freie Mann“ jo glei
 — nimm, in demm „freie Land!“ —
 die Kaart wech vor d'r Bollezei
 am Sunndag! Waß e Schand!
 So waß bassirt bei uns doch nit;
 drum bringt mich donein Kenner mit!

Der Schdaat kummt niemols zu Vernunft,
 unn hätt 'r se gepacht't,
 der unser freie Trinkerszunft
 wie Dagdieb ümwerwacht.
 Hier kann ich Sunndags doch ganz schön,
 meim Geschäft nooch, frei in's Werrthshaus gehn!

In so 'me Werrthshaus awwer dort
 sinn oft keën Schüül unn Bänk;
 m'r trinkt sein Schoppe'n unn geht fort
 unn denkt: Rricht ihr die Kränk!
 Deß is e argie Lumperei,
 unn doch — v'rdoorscht't m'r schier d'rbei!

Waß geww ich forr Gewerbsfreiheit;
 die is do ganz unsunscht,
 wo mein Erwerbszweig drunner leid't,
 mein freie Trinkerzunft!
 Neen, wamm'r gern sich orntlich närt,
 is 's um 'n Schoppe nit d'r weerth! —

Trink Bruder! 's schmeckt heut gar zu gut,
dann weescht' — 's geht jo uf Borg;
wer 's schbäder 'mol bezale dhut,
deß is 'm Werrth sein Sorg.
Bei jo 'me Werrth, deß is e Freed;
's wär unrecht, wamma fortgehü dhät!

Drum seyd jeh luschdig unn trinkt aus,
unn schdimmt emol Gens an;
d'r Werrth hot jo noch Flasche draus,
die wolle'n aa noch drau.
Unn gibt d'r Werrth noch Flasche her,
gehn ich noch lang nit ümwer's Meer! —

's is aa bei uns dohaus am End
nit Alles schön unn gut,
doch schmeiße mar keum Präsedent
sein faules Ai an 'n Hut.
Drum — wann ich aa schunn keener bin —
bleiw ich doch haus, 's is nicks dodrin!

Unn die Mormone erscht! — Weiß Gott!
Donein, do gehn ich nit:
wer dort sechs Duzend Weiwer hot,
is nit zufriede mit!
Hier awwer hot m'r ünverhöfft
mehr wie genug an Genser oft!

's nicks mit demm Amerigga,
ich bleib am Rhein dohaus.
Mein guder Freund, der schreibt m'r aa:
's is Deutschland nit, bleib draus!
Bleib, wo de sicher (wann d' aa trinkst),
doch dich unn aa dein Sach durchbringscht! —

Nein, neen! Ich bleib mein Deutschland tren!
Trot euerm Gold im Sand
herrscht Morderdum unn Kschlaverei
in euerm „freie Land“.
Ich bleib in Deutschland, in d'r Palz,
do bleib ich wohne, jedenfalls. —

Ich bleib! — Mein guder Freund hot Recht. —
Ich bring mich hier allsfort
im Werrthshaus, redlich — wie m'r sacht —
so durch, drum halt ich Wort:
Ich bleib im Land, ich halt's for Pflicht,
so lang m'r waß — — zu trinke fricht! —

Dr luschtige Duwacksraacher.

Wie mancher grundgelehrde Mann
v'rliert oft die Geduld,
unn meent — wann er nit raache kann —
do wär seiñ Peif drañ schuld.
's werd jo en saurer Klome seyn
so eem seiñ Peifel, gelt?
do gingt keiñ Schornschdefeger neiñ
um Alles in d'r Welt.

Ich gschdeh, daß ich deß wol begreif,
dann: „Wie d'r Herr, so's Gscherr,“
heest's halt aa bei 're Duwackspeif;
do geht m'r selde err.
Mir anwer macht meiñ Peifche Freed
unn manchen Zeitv'rtreib;
deß geht so prächtig wie e Flöt,
do lacht eem 's Herz im Leib.

Desch schmeckt so gut unn schmeckt so süs,
hätt so d'r Adam gschmaucht,
do hätt 'r aus em Paredies
so gschwind nit nausgebraucht.
Do hätt 'r zu d'r Schlang gsacht: „Jo!
„Meiñ Peifel schmeckt so seiñ;
„geh mit deim sau're Appel do
„unn beiß norr selwer neiñ!“

Drum mag ich hent noch keen — weep's Gott —
zum Bier schmeckt 's Peische süs,
unn wannar recht getrunke hot,
do hot ma 's Paredies.
Wann ich do an denn Adam dent
unn aus mein Peifel raach,
do wacke'n alle Disch unn Bänk
vor Rührung, nun — ich aach.

Ach, dent ich, 's is im Paredies
doch gar zu anigenehm,
unn geh, gerürt bis in die Füß,
zu meiner Ehhälft heem.
Die sorgt forr Unerhaltung aach,
deß koscht't mich norr drei Wort;
wann ich: „Gutt'n Owend, Rättel!“ sag,
do fürt se 's Gschpräch schunn fort.

Ich antwer trich nit eesimol Schtreit,
ich hör se an in Ruh,
unn dent: du bischt doch recht nit gicheut —
unn raach mein Peif d'rzu
wann's felt, noch in d'r Schtaatschubb aus;
dann deß is erscht 'n Mann,
der, wo er will, im ganze Haus
sein Peische raache kann! —

Vor'm alde Frits hot jo gewiß
 der Gänshert fescht unn schdeif
 behaupt't: „Ja, wer waß Rechtes is
 „im Ort, raacht aa sein Peif.“
 Daß do nit Jeder raacht! — Ich gschdeh,
 daß ich deß nit begreif:
 ich führ' jo aach die glücklich Eh
 norr durch mein Duntwackspeif. —

Unn trifft sie's dann unn wann alls aach,
 daß eem waß sele dhut,
 ja, wann ich aus mein Peifel raach,
 is Alles widder gut!
 Ich raaf's jetz doch schunn manches For,
 unn 's is m'r noch nit bang
 vor'm Dod, dann wer lang raacht, nit wor?
 der lebt aach — denk ich — lang.

Ich glaab, daß, wann ich nooch mein End
 — ich wollt schier wette druf —
 mein Peifel alls noch raache könn:
 do schdünd ich widder uf.
 Dann 's Peifelche schmeckt gar zu süs.
 Wann ich an's Glas norr greif,
 do denk ich: „Hoch mein Paredies!
 mein Aldie, unn — mein Peif! —

Maacht ihr narr Siggar, als wie doll;
 tragt euch franzö'sch, recht fein:
 een Bierkrug unn e Peif, deß soll
 mein Nationaltracht seyn!
 Unn schderw ich — daß d'r's nit vergeßt —
 schreibt uf mein Grab: „Ruh süs!
 „Wann du d'r Adam wärscht gewest,
 „wär heut noch 's Paradies!“

's is keen Ünßlück so gros, 's is immer
 widder e Glück d'rbei.

Kummt owends d'r Parre zum Amtmann geloffe,
 ach, sücht 'r, was hot mich e Ünßlück betrosse!
 Do gucke se norr, waß ich zitter unn beb.
 Weß Gott! 's is e Wunner schier, daß ich noch leb!

Ja, vort hot mich Gener schier umbringe wolle!
 Wie wann atwer Alles so kumme hätt solle,
 kummt grad aa mein Vetter vun Münche'n uf Bsuch;
 ich kann mich atweil noch nit wunn're genug.

En ganz gschiidter Mensch wär's, der Leichtfus, nar
leider

— ich muß erscht ausschnause — ganz gschiid unu so
weiter

„Noñ, raus mit d'r Schproch!“ hot d'r Amtmann do
gsacht,

„hot Ihne dann der nooch em Lewe getracht't?“

Ach neeñ, sächt d'r Parre, so macht 'r keeñ Sache,
er dhut nor, zum Unglück, zu oft sein Versuch mache,
unu nie umesunscht, — unu des kummt mir zu dick.
Wie gsacht awwer, vortig do war er mein Glück.

Mir hawwe so grad uf em Kannebee gseffe,
unu wie unser Mädle in d' Schdubb kummt zum Esse,
do bringt se en'n Brief mit unu sächt, 's hätt schunn lang
en Mann nooch m'r gfrogt, er dhät draus schdehñ im Gang.

Der Brief awwer war so unleserlich gschriwwe,
daß mir halt nicks Annerschts is inwrig gebliwwe,
als naus in de Gang zu gehñ, ob mir der Mann
viellecht mit dem Brief uf die Schbur helse kann.

„Ja!“ sächt der, „Sie hawwe e Preddig letscht ghalte,
„die wo hot mein Herr so gut gfallt, dem alte
„Verwalter vunn . . .“ Dings . . . Da! jetz wees ich's
jo nit . . .

Wie hot 'r nor gsacht? . . . unu do bräacht 'r was mit.

„En'n Grus vun seim Herr," sächt 'r, „'s sollt m'r
recht schmecke!"

Noß, denk ich, was hot der do vorne nör schmede?
wie der als so rumfutschelt im Ramesol,
unn wie ich recht hinguck, do war's — e Bischdol!

„Guck," sächt do d'r Amtmann, „grad wollt ich's doch
sage" —

Ja, sächt glei d'r Parre, ich kann uf mein Aage
ganz fescht mich verlosse. Deß war aa mein Glück,
daß ich se hab gsehe. 's war so e schdack Schdück,

dann 's war schunn halb duscher. Ich anwer wie's
Wetter

schpring fort unn kreisch: Hilf! unn do kummt dann
mein Better,

mein Fraa unn mein Kindsmahd, forzum 's ganze Haus,
unn schmeiße denn Mörder dann glücklich aa naus.

Bei all demm do war m'r 's doch angscht, wie der
Bauer

im Nausschmeiße schdörzt an die Parrgaardemauer.

Noß, denk ich, zum Glück is er doch nit vun Glas; —
bauf! haut m'r der Kerl die Bischdol uf die Nas!

Zum Glück hot mein Better de Hibb noch ufgange;
mir anwer is Höre'n unn Sehe vergange.

Dann — wann sich's im Dunkle beurdheile läßt —
em Kolwe nooch wär's en Karwiner geweest.

Hernoht hot der Kerl aa mein Better hingschmisse,
unn hätt 'm am End alle Hoor rausgerisse.
Der atwer, Herr Amtmann, deß war noch e Glück,
brächt zeit seiner Krankheit e grosie Barrik.

Am End, wie der Pumbes hot Leut höre kumme,
do hot 'r m'r gschwind noch mein Uhr mitgenomme;
zu allem Glück atwer verreischt noch die Kett,
wer weesß, wie mich der sunscht noch rungeroppt hätt!

Mir atwer is 's Blut zu d'r Nas rausgeschosse,
daß ich 'n habb halt müsse fortlaafe losse.
's war aa vielleicht gut, dann sunscht wär ich am End
im Dunkle noch herzaft wo weddergerennt.

Ja, lieber Herr Amtmann! so schdehne die Sache.
Jez rothe Sie mir, waß ich weiter soll mache;
ich weesß vun demm Schlingel jo gar niks gewiß,
als daß eß en olwerer Baurekerl is.

„Ach“, sächt do d'r Amtmann, „do will ich schunn forge,
„mein lieber Herr Parre! Sie kumme bis morge
„bei Zeit widder her, dann for heut is 's zu schbät,
„do werre Sie sehe, wie gut Alles geht.“

Jez fangt sich mein Amtmann noch recht an zu ploge,
schickt iwweraal rum unn loßt iwweraal froge,
ob Keens en'n verdächtige Kerl gsehe hätt;
unn kummt schier vor Mitternacht nit in sein Bett.

's war Alles for ewevil, nicks war zu sinne.
 Keen Bauer war do, wedder vorne noch hinne;
 unn hätt der d'rheem nit sein Maul noch verbrennt,
 wüßt's heut noch kein Mensch, unn die Gschicht hätt
 e'n End. —

De'n annere Morge rennt awwer mein Parre
 zum Amtmann in d' Schdubb nein, als hätt 'r en Schbarre,
 unn hot e Gedöz unn e Reue versürt:
 heut wär 'm erscht ebbes recht Arges bassirt!

„Noi,“ sächt do d'r Amtmann, „was is dann des norre?
 „Sie sinn doch nit widder schier umgebrocht worre?“
 Ach neen! sächt d'r Parre, der Bauer war do! —
 „So,“ sächt drauf d'r Amtmann, „do bin ich recht froh.

„Wo is er? Denn Kerl loß ich gleich arretire
 „unn uf d'r Schdell morge vor's Dweramt füre!
 „Kunnt der gar vum selwer — denn is es zu wol —
 „waart, dich will ich triche mit deiner Pischdol!“

Va Leib! sächt d'r Parre, denn Mann därf nicks
 gschehe;
 zum Glück war die Gschicht nor e kleenes Versehe.
 Mein lieber Herr Amtmann! An mir is die Schuld.
 Ich bitt Ihne, harwe Se jetz nor Geduld!

Heut morgent is also der Bauersmann kumme:
 sein Herr, sächt 'r, hätt 'n d'rzwische genumme . . .
 — er hot m'r aa glei do sein Name genennt;
 ich hätt 'n warthastig nit widdergekennt. —

Sein Herr hätt gsacht, sächt 'r: „Du hoscht
 unnerdesse
 „im Werrthshaus de Barre unn 's Barrhaus vergesse, —
 „ich seh d'r 's schunn an, du hoscht Schtreit widder
 ghatt.“
 Korzum, was 'r gsacht hätt, hätt all nids gebatt't.

Jez sollt 'r nar hortig hieher widder schpringe
 unn sollt m'r Des vun geschtert Dwend do bringe.
 „Ja,“ sächt 'r, „do gucke Se 'mol her, was ich hab!
 „Sie sinn heut so gfällig unn nemme m'r's ab.“

Do bin ich d'r schier in die Dnmacht neigsunke —
 Sie könne sich denke — wie der jekt en'n Schunke
 so grad vorne rausziegt! — Heiß? sage Se 'mol!? —
 „Aha!“ sächt d'r Amtmann, „war des die Bischdol?

„Ich wolt's schunn em Herr Dower-Amtmann heut
 melde
 „— ich wees, daß Sie aa ihren Baze dort gelte —
 „unn hab mich aa schunt in die Reithose gschdeckt, —
 „do war em Poschthalter sein Schimmel verreckt.

„Jez sag ich: zum Glück! Was dhät' der uns
 jez uze,
 „der Herr Dörwer-Amtmann. Demm gfallt so Schbuzer.
 „'s hätt weiter nix gfelt, als daß der die Geschicht
 „hätt urkundlich unner die Klaue gekriecht!“

Ja! sächt jez d'r Parre, was is do zu mache?
 En Unglück — do sollt jo kei'n Mensch drüwter lache;
 hier anwer is 's annerscht, warhaftig unn Gott!
 Hier heeß't's: wer de Schade hot, hot aach de Schbott.

Die Uhr anwer, denke Se! find't unser Mädle
 glei druf in meim Fritzel sein Schbülschschublädel.
 Hätt ich se verwart besser; 's gschicht m'r ganz recht. —
 No'n, 's Bescht is doch noch, daß der Bauer nids sächt!

„Hätt der narr meintwege sei'n Schunke behalte,"
 sächt do jez d'r Amtmann, „der Simbach der alte!
 „Die Uhr war jo do — m'r hätt gsehe, wie's geht —
 „do hätt nooch dem Bauer kei'n Hahn mehr gekräht.

„Unn üwter die Mordgschicht dhät Niemand jez lache;
 „'s dhät heese, Ihr Better hätt Gschbaß wolle mache;
 „do kummt der zum Unglück mim Schunke zurück!
 „Beim Licht betracht't, freilich, war's widder e Glück.“ —

En Schbätz in d'r Hand is besser, wie e Daub uf 'm Dach.

En Bauer hot 'mol gute Gschäfte gemacht
mit Säu; unn wie's manchmol so geht,
die wollte Drei schdele noch grad sellie Nacht;
do war's awwer freilich zu schbät.

Do sächt Goner: gell de, die Säu ware fett?
'ch hab's immer gsacht: „macht nit lang Gschbätz“;
unn wann'r se ganz aa noch mager gholt hätt,
do hätt m'r doch wennischdens was.

Demm Bauer seiñ Nochber sächt nooch verzeh Dag:
Mein! Franz, was hot Er norr gedenkt,
daß Er so schbottwolsel seiñ Säu gewwe mag?
Die ware jo dreiverdels gschenkt.

Wann eenie vum meine nit's Doppelte gilt,
— hamw ich gsacht zum Metzder, uf Ehr! —
do eß ick se selwer, noht mach, was de wilt;
do geww ick se gar nimmehñ her.

Neen! sächt d'r Franz, Nochber, do gäbt ich se drum.
En kleiner Profit um gewiß,
haww ich gedenkt, alls her! was plogsch de dich rum,
bis daß am End gar nicks mit is. —

Wie jeh die Dieb höre: d'r Nicksder war do,
hot's gheese: Die Säu müsse her,
gemäsch't odder mager, 's geht desmol nit jo;
sunsch sinne m'r widder 's Nesch leer. —

Do sächt die Fraa morgens: Grad kumm ich draus reiñ,
wie m'r doch aus Gewonheit oft laaft;
ich wollt die Säu süd're, do fällt m'r 's erscht ein:
du hoscht se jo geschtert verkaaft.

Was! sächt do der Bauer, verkaaft sinn die Säu? —
Js 's wor? sehn se ernstlich nit draus?
Do hawwe se halt die Hallunke, die drei,
wu geschtert do ware'n im Haus! —

Die prächtige Säucher — um beinoß ganz fett —
Ei! ghöre so Kerl dann nig ghenkt? —
Ja Nochber! wann ic's nor wie Er gemacht hätt!
Was haww ich dann aa nor gedenkt? —

Er werd gedenkt hawwe, sächt der: Hot d'r Franz
sein Säu schunn dreiverdels verschenkt,
do schenk ic se denne do lieber glei ganz. —
Die anwer die hawwe gedenkt:

Zuviel zu verlange, deß wär jo e Schand.
Die Säucher die hawwe ihr Sach;
m'r wolle se hole: „En Schbak in d'r Hand
„is besser, wie e Daub uf 'm Dach!“

D'r Glaawe macht seelig.

Do haww ich körglich was verzäle höre,
ich habb d'r doch mich orntlich draß gelabt,
unn gfunne, daß sich Viel mit Unrecht bschwere:
daß heutiks Dags die Welt an nicks mehñ glaabt.

Vor Dschdere — 's hot gschneicht grad unn gereg'nt —
do is m'r uf d'r Gaf, in aller Eil,
mein Nothbersfrraa vun frühersher begeg'nt,
do sag ich: Noñ, wu wont d'nn Sie arweil?

Ich habb Se schunt e paarmol wolle froge.
Ich haww Een gsehe letscht, wie Ihren Franz —
jetz wees ich nit, ob ich mich habb betroge;
gegliche hot 'r 'm wennitscht'ns 'mol ganz.

Neen, sächt se, Gott bewar! Der Deuwelsbrote
is vor zwee Jor — 's hot's gar kei'n Mensch gewist —
uf eesimol do nooch Alhier neingerothe,
unn hot jetz aa mit in die Krimm gemüßt.

Do drinn do, schreibt 'r, wär kei'n rechter Seege,
's ganz Jor Aprill. Wär's schön mol zwische nei'n,
gäbt's glei en'n Bummel unn Granaterege. —
Deß, sag ich, muß e ungsunds Klima seyn.

Ja, hot se gsacht, die kämte nit zu Ddem.
's wär Dag unn Nacht kei'n Ameslang kei'n Ruh;
sie gängte mehrschdendheels schunt uff em Bodem
mit ihre Füß; 's hätt Keener ganze Schuh.

Noochgewwe atwer dhät vunn denne Kenner.
Do, sächt se, schickt d'r Brief noch im meim Schorß;
do kann Se's lese, waß der Deuwelsbänner,
der rothe, kricht hot; der kummt nit zu forß. —

Unn läßt denn Brief mich lese; ich verzäl iich
die Sach wie's war. — Deß hätt 'r kricht: E Borscht
unn e Paar Schdiffel vunn seim Vatter seelig;
sei'n Leibschbeiß: Schdockfisch unn sechs Knowwlockswörst.

Do bin ich her glei, sächt se, unn habb gschrivwe
unn denk: m'r schickt's 'm glei, do hot's noht Ruh;
weil er jo gar zu arg hot druff getrivwe.
Unn wie ich an die Poscht kumm — do war's zu.

Jetz, sächt se, mit de'm Schleppets nor nib hjunne,
haww ich gedenkt, nooch dir fräht doch kei'n Bahn;
unn wann d' dich zehnmol umesunscht häscht gschunne,
gehscht erwe so mehr naus uf d' Eisebahn.

's war awwer aa kei'n Dentwel meh'n am Schalder,
wie ich bin kumme; grad so newedraus
war Gener gschdanne. Mo'n, demm ruf ich: Alder!
Do is 's scheint's zu. Wie s'cht's dann do jetz aus?

Kömt Er m'r nit desß Päckel do noch bsorge?
's is for mein Sohn; daß 's jo nit leie bleib!
Neen, sächt der, ich bin gut d'rvor, bis morge
in aller Früh, — wann äuscht Ihr Seh'n glei schreibt —

hot Se schunt Antwort: — Ja, ich mach kei'n Bosse, —
die Poscht nimmt freilich 'n ganz ann're Laaf. —
's kummt fort. Ich habb nonnie nicks leie losse;
wann's Eilgut is, geht's jo mim Telegraph!

Wann desß so gschwind geht, sächt se, is 's kei'n Schade,
haww ich gedenkt; 's geht rechter gschwind als schief.
— De'n ann're Morgent klopp't's schunt am meinm Lade:
do is e Päckel kumme minime Brief.

Meim Sohn, demm haww ich gschriuwe: Schick lei'n
Schlappe,
wann d' jetz die Schdiffele hoscht; sie möge se'n
grad wie se wolle. For so rumzudappe,
se'n die noch lang gut. Pack se erttlich ein.

Unn richtig — sinn die Schlappe drinn! Am mehrschte
freet mich nar deß, daß m'r Gewißheit hot:
Er hot aa sei'n Sach fricht. Dann deß war's Erschte;
sunst hätt der nit die Schlappe gschickt, weiß Gott!

Ich habb doch erscht drinn gschriwwe! unn heut morge
sehn se schunn do, ew ich narr zsamme bring:
wie so en Mann deß Ding so schnell kann bsorge.
Ja Telegraph, deß is en anner Ding!

Der Mann is gschwinder als wie sieme Poschte!
unn sorgt doch noch for Unserereens d'rbei;
dann 's Schönnschte is: 's dhut noch kenn Heller koschte,
m'r därf narr uf sei'n Päckel schreibe: „frei“.

Mit Schbeck fangt m'r die Mäus.

D'r Schbadtdirekter hot emol erfare,
daß die Nachtwächter in d'r letschte Zeit
nit, wie sich's ghört, uf ihrem Poschde ware,
do denkt 'r: Waart't nor, euch v'rwiß ich heut!

Unn sächt zum Fordebach: Dhu Er mich wecke
so nooch de Zwee: do gucke m'r heut Nacht,
wo dann die lüdderliche Öser schdecke,
dann 's hot m'r 's geschtert widder Jemand gsacht,

's dhät awweil Reener mehr nooch Gens noch bloße.
 Unn wann deß wor is, sächt 'r, geh't's 'n schlecht!
 d'r allerärstschte wär der Franz, der grose.
 So, denkt d'r Fordebach, jetz werd's schunn recht;

unn geht glei owends hin unn dhut's demm schdecke.
 Sächt: Franz, denk nar 'mol, sächt 'r, so unn so!
 Um Zwee heut Nacht muß ich 'n jo schunnt wecke!
 A, sächt d'r Franz, bis dorthin bin ich do.

Noñ, bis die Gäl nachts ghörig aügscherrt ware,
 unn Er war ferdig, do war's ann demm Drei;
 knapps awwer war 'r zwee, drei Gasse gfare,
 do macht sich dann mein langer Franz 'erbei,

unn denkt: Aha! jetz wolle m'r dich frische,
 mein lieber Schbadtdirekter, baß norr uff;
 unn hot sich sachte an die Schees hängschliche,
 unn setzt sich ganz gemächlich hinne druff. —

So sinn se jetz lang in d'r Schbadt rumgfare,
 mehr wie e Schdund, unn Alles war bummischdill,
 bis 's gschlage hot, unn wo se do grad ware —
 d'r Rutscher, der mag halde wo 'r will —

war do nit Gener glei, als wie d'r Dunner,
 vunn seine Kammerade bei d'r Hand —
 do hupst mein Franz ganz sachte hinne runner
 unn schleicht sich fort ganz schdill, so an d'r Wand,

unn fangt uf eesimol atwer an ganz mächtig
zu bloße wie vunn ungsär, hinnerm Eck.
Do sächt d'r Schabtdirekter: Des is prächtig,
wie die all bloße! unn war ganz eweck. —

So hamme se's e Weil noch fortgetrimme;
uf eesimol atwer war die Gschicht d'rbei:
do sinn am Mark die Gäl rad schdehn gebliwwe,
unn d'r luschtiere sich jek do am Hai,

an so 'me Wage voll. Unn der Nachtwächter
schloft hinne druf, so schdeif als wie en Schdock;
d'r Schabtdirekter schnarkst als wie en Trechter,
unn vorne schloft d'r Gutscher uf 'm Bock.

Uff eesimol zerre jek die Gäl unn schdose,
bis daß d'r Franz uf's Pläschder runner fällt.
Der atwer uff glei unn fangt an zu bloße;
d'r Kutscher der wacht aa jek uf unn knallt.

D'r Schabtdirekter dhut seih Nage reime,
unn wie 'r dann d'rheem is, sächt 'r: So!
do wäre m'r. — Neen! so lang auszubleime,
sächt do d'r Fordebach, ich bin was froh,

daß Se 'mol dosinn! Ich war schunn do drunne,
am End d'r Welt, unn habb nooch Ihne gfrogt,
unn denk, wie 'ch Ihne nit habb gfunne,
Sie hätte sich for ewevil geplogt,

wie ich so Schlag uf Schlag hab bloße höre. —
 Neen, sächt d'r Schadttdirekter, wann die Leut,
 wo so v'rläumde, nar beim Deuwel wäre!
 Se hamwe'n all gebloße uf die Zeit.

D'r allerärkſchte war der Franz, der groſe;
 ſchier ümveral do war der vorne dran,
 hot wie 'n Poſaune-Engel hent gebloße,
 unn mehr als wie ſein Schuldigkeit gedhan! —

Ja Fordebach, waß die ſo wachſam ware!
 Wann ich mein Schloß hätt ehnder d'rangewogt,
 unn alle Nacht wär in d'r Schadt rungfare —
 ich hätt mich nit for ewevil geplogt.

Ich wollt en' aa ſchunn 's Meujor abgewinne,
 wann's ſele dhät: Die Mäus fangt m'r mit Schbeck!
 Unn wer die rechte Mittel weeiß zu finne,
 wie ich hent Nacht, der kummt aach zu ſein Zweck! —

Ehrlich währt am längschde.

Do wollt so en Geizfrage körzlich am Dhor
en'n prächtige Kalbsschlächel schunngle;
'n Meksder hot's awwer verrotthe zuvor:
do hot 'r 'n nit kömme verducke.

Halt, denkt 'r, so kummscht de deinem Schade jetz bei:
du wettscht, umm do kann d'r 's nit fehle,
umm macht sich in's Werrthshaus umm dhut dann aa glei
brüwarem die Gschicht do verzähle.

Was vorthin e Herr mimme Schlächel ghatt hätt,
am Dhor; 's wär aa gar nit zu sage,
wie der Einnemmer Acht gäbt. Ei, sächt 'r, ich wett:
Mit e Pund werd do so reingetrage!

Zum Unglück muß awwer der Meksder do seyn;
der zieht 'n erscht recht durch die Hechel,
umm sächt dann: Ich wett, e ganz Kalb trag ich rein;
zehñ Dhaler gilt's umm noch 'n Schlächel!

Do schlächt dann nadürlich der Annere eif
umm fascht't schunt e Weil uf denn Brote;
is awwer, um seiner Sach sicher zu seyn,
an's Dhor naus umm hot denn v'rrotthe.

Noß, denkt der Einnemmer, dich haww ich v'rwischt
 minn Schlächel, ich will d'r nor sage,
 daß wann de minn Kalb jek nip pissiger bischt,
 do geht d'r 's erscht recht an de Krage.

Uun richdig: glei druf hot sich's Blädel gewend't:
 der Meßder hot's besser getrosse
 unn — weil er 's minn Einnemmer gut hot gekönt —
 demn Geizhals de Rang abgelosse.

Er macht mit demn Einnemmer Alles hübsch aus.
 Noß, sächt der, do kumm du nor morge,
 ich bin gege'n Dwend uff alle Fäll draus;
 v'rschdehst? ich hab mehr noch zu bsorge! —

Der kummt minne Sack jek de'n annere Dag,
 unn wie er hot rein wolle schleiche,
 do sicht's d'r Einnemmer unn ruft 'm dann aach:
 Hee! dhu er sein Kalb emol zeige!

Ach, sächt der, Herr Einnemmer! 's is jo en Hund.
 Ich kann narr de Sack nit ufbinne:
 ich haww 'n erscht kaast, sächt 'r, zeit e paar Schdund,
 der dhät sunscht de Weg widder sinne.

Her! 's Wort is zu viel, sächt der Einnemmer. — Mein!
 ich dhu halt kein Katz im Sack kaase,
 unn wann's aach en Hund is. Do geh 'r 'mol rein,
 in d' Wachtschdubb unn loß er 's Kalb laase!

Der Meßder der schwört, 's wär keen Kalb unn keen Rag.
's hatt't nicks; er hot's nein müsse bringe,
unn wie er jeh ufbind't, do dhut mit eem Satz
en Hund durch die Scheiwe naus schpringe. —

Der Meßder laaft nooch, unn d'r Einnemmer brummt:
Wart Geizhals! dir geht's an de Frage;
unn sächt 'in, wie der e Weil druf widder kummt,
der Meßder der wollt 'n v'rklage.

Unn grad kummt der jekert mimm Kalb im Sack her;
autsch, denkt 'r, jeh bischt de v'rlore!
Der Einnemmer awwer gibt sellem keen Ghör,
unn wann 'r zehñ Feder hätt gschwore.

Er drückt halt e Nag zu unn loßt denn in d' Schdadt,
hot awwer, genauer genumme,
vum viele Zudrückte nor een Nag noch ghatt,
do hot dann 's Kalb rein könne kumme. —

Der Geizhals denkt: Wo ich gewunne doch habb,
do soll ich zehñ Dhaler v'rliere?
unn aa noch en'n Schlächel! Ja, Meßder, waart's ab!
unn soll mich noch for losse füre!

So meent ihr, ihr freecht mich zum zwettemol dran?
Ich loß mich am End aa noch schtrofe?
Die Gunn dhu ich euch zwee Hallunke nit an:
do könnt 'r ganz ruhig heut schlofe. —

Deß dhume die aach alle zwee die ganz Nacht.
Wie morgens der Meßsder is kumme,
hot awwer der Geizhals noch selbscht nit gewacht;
deß hot denn doch Wunner genumme.

Unn wie er jetz noochguckt: — hent der an d'r Wand
unn hot aa keen Wien mehr v'rzoge!
Noû, sâcht 'r, du Schbizbuh! Is deß nit e Schand,
mich hoscht um die Wetzung betroge,

unn hoscht mich falsch ângelagt, h r ich jetz aach,
als h tt ich e Kalb wolle schmuggle;
unn 's war doch 'n Hund! Ja, 's kummt Alles an 'n Dag;
do l st sich keen Schl chel verduckle,

wie gschweih noch e Kalb! 's kummt nicks d'rbei raus,
m'r dhut sich nor selwer betr ge.
Do s cht m'r: Herr Gismemmer! So s cht's heut aus;
unn dhut so en Mann nib bel ge,

wie du ges htert Dwend. Sunscht geht's eem e so;
deß jinn noht die Folge; drum hentst de
jetz aa nit unsunscht, awwer ich bin noch do:
dann — ehrlich w hrt immer am l ngschde!

Untren schlächt ihren eegene Herr.

En Schulz, der wo zsamme hot gscharrt um die Wett,
unn 's liebscht noch uf ammer Leut Roschde,
denkt wie seller Schwob: Selwer esse macht fett;
m'r hot nit unsumsch so en Roschde.

's hot in d'r Gemeen awwer düchtige Leut,
die wo em so ebbes verüwle,
drum denkt 'r: Die Einquaddirung kummt heut
grad recht, for die Kerlcher zu zwüwle.

Unn bitt't sich vum Hauptmann die größbschde Zwee aus
unn sächt zu demm Gene: Herr Gfreiter!
Sie kumme zum hungrige Müller donaus.
Ich sag Ihne awwer nicks weider,

als daß es en schdeereicher Mann is. Wie gsacht,
norr is 'r vum Geizdeufel bsesse,
unn wer sich nit rechtschaffe hinner enn macht,
der kann sich nit satt bei em esse!

Sie — sächt 'r zum Ann're — Sie kumme zum Zeit,
zum Bäcker. Sein eensiger Fehler
is, daß 'r nicks daugt unn mit alle Leut Schtreit
unn Händel anfangt, der Graggeeler.

Wann sich for die Kerl do e Mittelsche find't,
daß Gener de Bäcker dhut kloppe,
unn Gener em Müller 's neu Jor abgewinnt,
do zahl ich euch Jedem en'n Schoppe.

Deß war awwer Wasser uf denne'n ihr Mühl,
drum kann 'r sein Freed nit v'rhehle,
unn reibt schunn die Händ zum gewunnene Schbiel:
Heut, denkt 'r, kann's sicher nit fehle. —

Wie also der Gfreite zur Müllern naus kummt,
do dhut 'r, als wollt 'r se fresse,
unn dobt unn hot's Gweer uf de Boddem hiügschdumpt,
unn bschdelst sich glei selwer sein Esse. —

Zu Dörrfleesch unn Sauerkraut trinkt m'r doch Bier?
Demm — müsse se Wein d'rzu holer!
Noht bschdelst 'r glei Kaffee. 's war Ihre so schier
als schdünd se uf glütige Kohle. —

Jetzt gar, wie der sächt: „Dhut die Wieg aus 'm Haus!
„Ich kann deß Gefrisch do nit höre;“
do trächt se d'r Müller mit Ihr ewe naus
unn sächt: Deß kann so nit lang were!

O grein nit! unn dhu em denn Hahn do noch ab.
Ich frich 'n noch; do wollt ich wette.
Wann ich d'r 'n emol in de Klubbe driinn habb,
do will ich schunn deutsch mit 'm redde.

„E Bett will ich;“ — ruft der Soldat jetz in 'n Hof —
 „Narr gschwind, dhut mich narr nit d'rzörne!
 „Do newer de Diffe, unn daß ich gut schloß:
 „aa Feuer! junscht werr id's euch lerne!“ —

So, sächt jetz d'r Müller, unn schmundselt d'rzu:
 For Feuer do will ich schunt forge.
 's Bett is jetz in Ordnung. Ich wünsch gudie Ruh!
 denkt: Alleweil bischt de geborge.

Noht holt 'r sein Hund unn sächt: Jetz is 's genunt!
 Do Suldan, wie der sich will rühre,
 do packt 'n glei fesch an d'r Gruz, denn Hallunt!
 Ich will eweil 's Feuer draus schüre.

Unn macht euch e Feuer, wie in ere Höll;
 unn Der muß im Bett jo drinn schdecke,
 ganz ruhig, dann junscht knorrt d'r Hund uf d'r Schdell
 unn dhut glei die Zähñ noch 'm blecke.

Unn bei dere Hiß in demm Bett unn dem Gschür,
 unn demm Dorcht löst keññ Mensch sich mehr blicke,
 vunn Drei bis am Bertel uf Siemwene schier!
 do war er doch nächst am Verschdicke. —

Wie endlich d'r Müller jetz reinkummt unn lacht
 unn sächt: Ich muß Euch emol bsuche;
 harw ich Euch dann aa ghörig warem gemacht?
 do dobt Der unn fangt an zu fluche.

„Ich wollt, daß Dühr selwer im Dffe drin wärt!...“
 Bst! sächt do der Müller, nickß sage!
 Mein Hund verschdeht Alles; wann der so wasß hört,
 do packt 'r Euch sicher am Krage.

Ich frog Euch nor, ob D'r jeh orntlich wollt sehn,
 unn nimmehr die Vent so wollt quäle?
 sunscht schberr ich denn Hund die ganz Nacht zu llich rein!
 Jeh redd't; Ihr hatt selwer zu wähle.

Do hot 'r dann doch um gut Wetter gebitt't.
 Jeh holt 'm der Müller glei Esje
 unn Trinke, unn nimmt aa sein Hund widder mit;
 do war noht aach Alles vergesse.

Unn hot 'n noch selbscht zu beruhige gsucht
 unn dhut 'm brav Nothe eínschente;
 der anwer hot ünwer denn Schulz ebbes gflucht:
 Demm Lump — sächt 'r — will ick's gedente! . . . —

Beim Zeit do war's annerischt. Der sächt: „Kumerad!
 „nit ufbegert — deß loß 'r bleiwe —
 „ich weeß, waß sich ghört, ich war selwer Soldat;
 „sunscht werd m'r 'm die Bosse vertreiwe!“

Dodrüüwer fricht Der anwer aa jeh e Wuth
 unn wollt nooch mein Bäcker glei schlage;
 der anwer v'r'schdeht deß Gschäft selwer zu gut
 unn packt 'n glei owwe'n am Krage,

Uun haut d'r denn Kerl wie en'n Danzbär do rum.
 „Bei mir," sächt 'r, „kummicht an de Lege;
 „geh nütwer zum Schulz unu bedank dich jek drun;
 „for waß hojcht dich losse v'rhege!"

Deß Mittel hot gholfe. Jek war Der ganz schdill,
 unu 's war widder Alles beim Alde.
 Der Bäcker, der gibt 'm jek, waß 'r nor will,
 unu hot 'n wie's Kind vum Haus ghalbe. —

De'n annere Dag sinn se all widder fort;
 do fangt schunn mein Schulz an zu prahle:
 zwoe Mann d'r vum anwer, die hawwe'n im Ort
 ihr Rechnung noch erscht zu bezahle.

Die schdörme zum Schulz neiu, mit aller Gewalt;
 do war der een Freed — dann, wie kann er
 an so waß aa denke? — de Haupt-Sachv'rhalt
 denn setze die 'm erscht ausenanner.

Als Gfreiter, nadürlich, do hawwe se Schdöck
 unu sage 's demun jek, wie se 's meene,
 dann 's ware Dichtreicher, wo sich vornewegg
 gut uf denn Ardickel v'rjchdehne!

Die mache sich fesch an ihr Arweit jek drau.
 Der Schulz der fricht beinoh kenn Odem,
 unu joinert unu ruft alle Heilige an,
 unu wergelt sich rum uff em Boden.

Zum Glück for denn hawwe se weiter gemüßt;
do hawwe se 'n ewe recht herzlich
vum Müller unn vum Bäcker Beit noch gegrüßt:
der Abschied, der war emol schmerzlich.

Vorab for denn Schulz; der hot lang draß gefant.
So oft der des Schprüchwort mußt höre
vum d'r Untreu, do juckt 'm vor Angscht schunn die Haut:
's könnt sich widder so schlagend bewähre.

Wäsch m'r de Belz, narr mach m'r 'u nit naß.

Letzt war ich drunne, Du, unn hab's erfahre,
warum die Gasladerne fellie Nacht,
wo's schicke dunkel war, nit angschdeckt ware;
d'r Herr Direkter hot m'r 's selwer gsacht.

Wie unser Herrgott — sächt 'r — mit d'r Dauer
vum Licht unn Finschdarniß in sein Revier,
so wär mit Hell unn Dunkel Keens genauer,
als wie die Herrn Verfinschdrungsräth vunn hier.

Die sage — sächt 'r — 's wär en growwer Poschde,
waß m'r, wann's dunkel wär, v'r'brenne dhät
's For durch; m'r bräucht nit die Beleuchtungsposchde
aa noch, wann „Mondschein“ im Kalenner schbeht.

's is denne eens, ob's trüb is odder heider;
do heest's: Habt norr bis morgo früh Geduld.
Wann's neww'lig is, gooweddelt unn so weider: —
kei'n Mensch wie unser Herrgott fricht die Schuld!

Do brenne die VADERNE, awwer — dunkel.
M'r sicht kei'n Licht; nadürlich — 's is jo Nacht!
Grad so e Gschichdel, sächt 'r, hätt sei'n Unkel
v'rzählt, vunn sellem Bauer — hot 'r gsacht.

Zu sellem Bauer sächt 'mol en Professor,
die Drehung vunn d'r Erd gäbt Dag unn Nacht.
Nei'n, nei'n, sächt der, die Sunn — deß weesß ich besser —
die geht nachts widder rüuwer, hot 'r gsacht.

Sächt der Professor: Ihr seyd m'r en rechter....
M'r müßt se jo doch sehe, hot 'r gsacht.
So! sächt der Bauer, Herr Professor — sächt 'r —
wie kamm'r se dann sehe, 's is jo Nacht!? —

Do löst sich — sächt 'r — nicks d'rgege sage;
's weesß Jedes, daß m'r nachts die Sunn nit sicht.
Drum sollt m'r awwer aa nit allfort klage,
daß Unfereens am End die Schuld noch fricht.

Die Sach wär freilich nonnit ganz im Reine;
's hätt Alles sein zwee Seite, deß wär wöhr.
Wann awwer nachts der Mond halt nit wollt scheine,
do könnte doch die Schdadträth nicks d'rfor! —

Uun scheint d'r Mond nit — sächt'r — bleibt's halt dunkel;
d'r Schein der trügt: d'r Mondschein also aach.
Uun doch gäbt's e Gëuz noht uun Gemunkel,
wann kein Vaderu grad brennt an so 'me Dag! —

M'r meent, die Rothsherrn wäre nor die Wächter
vunn Sunn uun Mond! uun deß is doch nit wöhr:
dann gäbt's schdatt Mondschein Schnee uun Newwel — sächt'r —
könn unser Herrgott ganz alleen d'rfor.

's hätt fröheers gheese: Die Vaderne brenne,
narr daß ma sicht, wie dunkel 's is, uun so.
Uun jez, dhät's heese, kamm'r's Hern einreune,
bricht Hals uun Veeu uun sieht noch gar nit wo! —

Recht! — sächt'r — fröheers ware's Esel, dumme!
Sag mir een Mensch, zu was d'r Fortschritt daugt',
wann'r nip pradtisch wär! 's is so weit kumme —
daß m'r zum Falle keen Vaderu mehr braucht!

Drum sage je, 's wär so d'r schdärkliche Poschde,
was mer, wann's dunkel wär, verbrenne dhät
im Johr: m'r bräucht nit die Beleuchtungsloschde
aa noch, wann Mondschein im Kalenner schdeht. —

So — jag ich — is eß nor de Herru ums Schbare?
Ich glaab's, dann Summers gar keen Licht
aach one Mondschein. Ich hab zwar erfahre,
sie hätte Bang, daß m'r se dorfle sicht! —

Er hot nit „neen“ gsacht. — Weescht d'? er kennt die
Geschichte.

Drum, meent 'r, macht m'r 's rechder glei bekannt,
daß Jedermann sein Handladeren könnt richde.
Desß wär am beschde — sächt 'r — vord'rhand.

Unn iinwers Johr könnst's im Kalendar lese,
„wann's Gas nit brennt.“ Er sächt, er hätt keen Ruh,
als bis der Fortschritt im Verfinst'rungswese
secht bschlosse wär — unn 's kämt aach noch d'zu.

Noht känte, wann's die Umschdänd äuscht erlaawe —
„Gasfinst'bernisse“ regelmäsig vor;
grad wie bei Sunn unn Mond. 's dürst's Jeder glaawe,
wo Ruscht d'zu hätt — sächt 'r — dann 's wär wahr! —

Unn, rennt m'r nachts an so 'n Laderneposchde,
wann's noch so dunkel is, m'r sicht doch waß;
unn wär's d'r Grundsatz bei Beleuchtungsposchde:
„Wäsch m'r de Belz, narr mach m'r 'n jo nit naß!“

Wie m'r in de Wald neinkreisch,
so schallt's aa widder raus.

's hot aa 'mol en Müller, en schdeefreicher Mann —
nit dumm, awwer luschtig unn leicht. —
uff Oschdere, weil er nit ausweiche kann,
sein'r Mutter zu Gfalle gebeicht'.

Unn grad bei d'r letschde, uf die 'r sich bsinnt
unn meent schier, 's wär keenie: „Ach Gott!“
— sächt do jek d'r Dschent — „kein gröserie Sünd,
„als gege die Kerchegebott!“

„Wer uf de Charfreidag — e Lemwerworscht ißt,
„ißt Fleisch! unn der kummt in die Höll! —
„Daß Dühr deß nit aus meine Preddige wißt!
„Narr Bus gedhan, glei uf d'r Schdell!“

„Unn bringt, — daß d'r's orntlich berene aach dhut —
„enn Wage voll Holz; unn for deß
„les ich ganz alleen noch — Ihr seht, ich meen's gut —
„for Euch aach e heiligie Meß.“ —

Mein Müllern war anwer do glei bei d'r Hand:
 „Jez Hannadem“ — sächst se — „norr schdät!
 „En Wage voll Holz is zu viel; 's wär e Schand.
 „Folg mir, du werstcht sehe, daß 's geht!“

„Mach's, wie ich d'r gsacht habb.“ — Demm Müller
 war's recht;
 wie 'r anwer zum Dehent hinkummt,
 mim Holz, do war's demm seiner Köchin zu schlecht;
 die hot emol ebbes gebrummt:

„Daß Ihr Lent so gern euer Pflichde v'rgeßt!“ —
 Der anwer sächst: „Schänn se mein Fraa;
 „die sächst, 's wär jo doch narr e Wörschtel geweßt,
 „unn — en Wage voll Welle dhät's aa!“

„Ja“, sächst do die Köchin, „deß glaaw ich 'm schunn;
 „sein Fraa is e Reßern! — Als fort
 „jez mit denne Welle, do simm'r d'rvunn —
 „mir halde'n uns schdreng do an's Wort!“

Unn wie jez der Müller vum Haus eweggfart,
 ruft's: „Nemmt euer Welle nor mit!“
 „Die Müh“ — sächst d'r Dehent — „die hätt ich m'r
 gschbart;
 „do wäre m'r jez schunn lang fitt!“

„Mit demm Zeuts, do bringt m'r kenu Brote jo gar,
sächt Der in seim geischtliche Schdolz
zum Müller: „Ihr bringt m'r, was ausgemacht war. —
„Im meim Land sinn Welle keññ Holz!“

„Wann ich,“ sächt der Müller, „deß Gflichels norr
hätt,
„ich bräächte se mit Welle ganz rösch. —
„Wann Welle keññ Holz sinn, sinmir amwer wett,
„do sag ich: is Worscht aa keññ Fleesch!“

Wann Zwee minnanner prozesse, gibt's forr de Dritte e Fresse.

Vor Zeite, do hot's emol in ere Schdadt,
— meintwege'n am Rhein odder Neckar —
gar gscheute, durchdrinwene Handwerksleut ghatt;
die pissfischde ware die Bäcker.

Die sage'n emol: „Bei d'r jetzige Zeit,
„do kamm'r die Brodtax nit losse;
„do kummt m'r zu forz mit. Die Zunft hot sich heut
„deruntwege'n aach annerscht entschlosse.“

„Mir müsse zum Schdadtirekter jeh gehn
 „unn müsse'n em gradzu erkläre,
 „bei dere Tax könnt m'r durchaus nimmer bschdehn;
 „uf die Art könnt's nimmehr lang währe.

„Uun“ — sage se — „schlächt 'r mim Schwarzbrod
 nit uff,
 „do dhune m'r 's ammerscht anpae;
 „do muß 'r mim Weißbrod uf alle Fäll nuff,
 „sunscht — höre m'r ganz uf zu bade!“ —

So führe die Bäcker do Sache'n im Schild,
 unn eener wett't gar mit sein Heizer,
 daß näschdens zehñ Penning 's Halbbagebrod gilt,
 e Bagebrod amwer — fünf Kreuzer! — —

D'r Schdadtirekter war nonnit zurück,
 — der war bei Verwandte beim Esse —
 deß war for die Bäcker warthastig e Glück,
 dann der hätt sich ann 'en vergesse.

Do klage se dann seiner Alde ihr Noth:
 Sie könnte'n unn könnte nit schweige;
 d'r Herr Schdadtirekter könnt an 'me Leeb Brod
 sich selwer hernoh't ümwerzeuge.

Uun schicke'n en'n derfische Bund amwer hin,
 — m'r sicht sunscht nib ball so en'n zwette —
 unn denke: Jeth schdeht unser Näsliche grün;
 der derfische Bund werd schunn redde. —

Wie awwer mein Schdadtirekter deß hört,
do sächt 'r: Deß war euch gerothe,
daß ich nit d'rheem war. — Wie eener sich bschwert
vunn euch Kerl, do ghört 'r gebrote

im eeg'ne Backoffe! — Js deß euer Grund? —
Euch soll jo glei 's Wetter verschlage!
Da, Fordebach! — dhu er denn derkische Bund
zum Quardjan in's Klosscher neintrage. —

Unn bschdell 'r die Bäcker uf morge'n am Drei,
beim Junftmeeschder Wülhuwer drunne! —
Do schmunzle die Bäcker unn denke d'rbei:
Halt Alder! jetz hamn'r 's gewunne.

Dags druf awwer, wie er 'n' die Meenung hot gsacht,
do hot sich ihr Hochmuth v'rlore;
do hatwwe die Bäcker all Gsichter gemacht,
als wär 'n' d'r Dumwack v'rfore.

„Waß“ — sächt 'r — „ihr traut mir so Sache do zu!
„Wie könnt 'r euch so waß erfreche! —
„Glaabt ihr dann im Ernſcht, daß ich so ebbes dhu —
„unn loß mich so gradeweßs bschdeche?

„Waß meent dann ihr Schlingel vunn dreihunnert
Bund! —

„— Ja freilich! — denf dodrañ nor Kenner,
„daß ich weg 'me lumpede derkische Bund
„euch narr so die Brodtax v'ränner! —

„Grad wie ich heut morgen meim Fordebach schell
 „unn sag 'm, ich dhät euch v'rklage,
 „hot der 'n (zum Glück for euch) hinnerrücks, schnell
 „noch nütwer in's Klosscher getrage....

„Sunst!“ „„Dunnerschdag!““ freische die
 Bäcker jezund.
 „„Herr Je! waß is deß for en Schade!
 „„Ei denke Se norre, der derkische Bund,
 „„der war jo voll lauder — Duggade!““ — —

Do fällt der vor Schrecke rack um uf d'r Schdell.
 D'r Junstmeeßcher löst 'n grad liche,
 rennt naus, v'rwischt awwer die unrecht Budell
 unn hot 'n mit — Baamöl aügschtriche.

's war aa gut; er hot sich ball widder gemacht.
 „Ihr Herrn“ — fangt 'r gleich an zu brummle —
 „deß ännert die Sach — hätt' ihr's geschtert nor gschacht! —
 „D'r Fordebach soll sich jo dummle! —

„Denn Bund gibt d'r Quardjan schunn widder mit —
 „Waß meent 'r dann, sag 'r 's 'mol ehrlich.“
 „„Ja!““ sächt der, „„Herr gheime Rath — ich weesß
 eß nit —
 „„'s könnt schunnt seyn — ich glaab awwer schwerlich.““

Unn richtig, mein Quardjan sächt, ew er sich bsinnt:
 „En'n dertische Bund mit Duggade?! —
 „Deß wär jo e Wunner vunn Gott, lieves Kind.
 „Denn schickt uns d'r Himmel in Gnade! —

„'s wär gar nicks gedhañ do mit unserer Macht,
 „dann do dhut die Vorsehung walde, —
 „unn zudem, d'r heilige Paulus hot gsacht:
 „„Prüft Alles unn 's Beschde dhut — bhalde!““

Gedanke sinn zollfrei.

Vor Unt hot 'n Bauer de Neue 'mol gschbürt,
 unn hot e Gezuchtel unn Wese v'rführt,
 daß so e kleinnwunzig kleen Schreierle do
 so grobb mit 'm war, als wie Sauboneschtroh,
 unn jagt 'n zur Dhür naus. Do denkt der halt: Mein!
 der muß e gros Dhier, seiner Grobbheit nooch, sehn;
 dann vornäm unn — Growwjan; noñ 's Gschäft bringt's
 scheint's mit,
 hot der Bauer gedenkt, arwer — gsacht hot 'r 's nit.

's hot aach 'n Haupt-Jäger e Wetting gemacht:
 Heut schies ich sechs Hase gewiß uf d'r Jacht!
 Seim Johann war awwer deß Schleppets zu schdack:
 Mir schiese die Hase doch sunscht uf 'm Markt,
 warum dann nit heut? — Noñ schieb's narr uf deñ
 Flint,
 wann d' alls emol fehlscht, dann ich lad d'r se blind. —
 M'r schleppt nor so Hase'n unn Hünkle unn Fuchs!
 hot d'r Johann gedenkt, awwer — gsacht hot 'r nicks.

En aldie Betischwester — ich habb se gekennit —
 die hot wie en Norischbag uf's Heurathe gschännt.
 Die Männer, liebs Bäsel — schunt oft haww ick's gsacht —
 sinn 'm Deuwel zu schlecht for e' Neujor. Gebb Acht!
 — Ich kenn se. — Nimm norr kenn. — Neen, lieber
 de Dod! —
 Du aldi Betischwester, frich du die schwerr Noth! —
 Deut narr 'mol an's Schprüchwort — um waß ich dich
 bitt! —
 hot's Bäsel gedenkt, awwer — gsacht hot se 's nit.

Do hawwe drei Fremde'n im goldene Hecht
 'mol orntlich gewickelt unn gschbielt unn gezech;
 beim Zahle gibt's Schtreit, dann d'r Werrth legt sich
 nein,
 — d'r Dummische, hot's gheese, soll Zahlmeeischer sein! —

Der meent do, 's wär gschdichelt — schmeist eene glei
naus:

Husch! ware se fort. — Jetz lacht ih'n Alles aus.
Ja, lacht nor, jetz zalt d'rerst ih'r die ganz Wicks!
hot d'r Werrth do gedenkt, awwer — gsacht hot 'r nicks.

Em Graf sein lieb' Fröchtel, en batziger Buh,
der läßt uf d'r Kerwe kemm Mäd'el kein' Ruh.
Wupp! hot 'r sein Fäng, daß die Schwart hot gekracht.
D'r Schulz hot sich beinoh en'n Buckel gelacht,
dhut awwer, als wann's 'm gottschträflich arg wär:
's därf nit d'rbei bleiwe, Herr Graf! uf mein Ehr!
Dann 's näkscht Mol gibt's mehr noch; m'r sinn
nonnik fitt!
hot d'r Schulz do gedenkt, awwer — gsacht hot 'r 's nit.

Ö Kaffebas sächt zu de Namesdagsgäsch:
Noñ! löst's üch recht schmecke, so gfallt m'r 's am bescht'.
Da! 's is euch gegunnt, unn wann's fehlt, 's is noch
do. —

Ei! freßt eem zum Haus naus! for euch bin ich froh —
Ihr kummt m'r ball widder; — ihr hatt mich heut
gsreet. —

Unn gar die dick Bummel — wie bes' widder geht! —
Du Fressern — du Süffern — du Schnuppdurwalsbüch's!
so hot se gedenkt, awwer — gsacht hot se nicks.

's macht Eener Gedichte unn gibt se aa raus; —
 e Mancher der lest se unn macht sich nicks draus;
 der find't se so so, — unn der impertinent
 unn meent, daß eß gschichelt uf ihn wär, unn schännt. —
 Meiß, denkt 'r, ihr könnt mich doch all, wann d'r wollt; —
 noch Redde is Silber, unn Schweige is Gold,
 unn — Gedanke sinn zollfrei; do trösch ich mich mit!
 So hot 'r gedenkt, awwer — gsacht hot 'r 's nit.

Was Recht is, muß Recht bleiwe.

Noß hör! Ich war d'r noch im Bett gelege,
 do fahrt die Dühr uf, unn mir grad enggege
 schdörzt do mein Fraa reiß, in die mitte Schdubb:
 Herr Jesses! 's brennt! 's dhut bloße schunt unn schdörme!
 Ich raus unn denk, 's is widder blinder Kärme,
 guß awwer doch zur Vorsorg naus unn hupp.

Unn sag: Rumrad, was werd d'r Hauptmann sage!
 Ich meen ich hör 's schunn; der dhut doch narr klage,
 so lang 's nit Ernstcht werd, sächt 'r, is 's keßn Freed!
 Zeit seller Prob, schunn sitter zehñ, zwölf Woche,
 hot denn in eem Schdück fort d'r Hawwer gschdoche,
 weil 'r seß Düchtigkei geern zeige dhät.

Jez hot 'r, sag ich, doch emol sein Wille:
 do kann 'r hent sein „Feuer“-Eifer schdille;
 der is gewiß d'r ersche uf em Platz!
 harw ich zu 'm gsacht unn hab d'r nit bedappelt,
 wie arg 's pressirt hot, hätt mich schier verbabbelt;
 non, sag ich, kummisch in d' "Palz" nooch der Schtrawat!

Unn dhu mich schnell in mein Mundur nein schdecke,
 unn denk, du willst die Feuerweerleut wecke,
 dann die sinn doch noch mehrschdendheels im Schlof:
 — 's is Mondag heut — unn fang d'r an zu renne,
 die Planke naus; do seh ich's aa schunn brenne
 in heller Flamm im alde meenzer Hof.

Bum Hauptmann, denk ich, kumscht de nit mehr
 schpringe,
 denn werd en Aunerer schun Nochrict bringe;
 der wohnt aach gar zu weit do hiinne draus.
 Wann ich mein Schdissel heut noch dhät laafe:
 mein Hauptmann dhät m'r aa keen neue laafe;
 's is weit genumf schunn bis an's Feuerhaus! —

Stamm war ich dort, do kummt en ganzer Haufe,
 die könne all vor Schpringe schier nit schnaufe,
 unn freische: 's brennt! Jez nar die Schbrige bei!
 Was braucht 'r euch do lang noch rumzuschdöse;
 hört 'r dann nit des Schdörme unn des Blose?
 macht hortig — sächt d'r Obmann — Eins, zwei, drei!

Bei uns heest's nit: „Erscht muß m'r 's Schloß
auskloppe,
„weil deß die Rinner alls mit Dreck v'rschdoppe;
„im Nothfall ruft m'r Schlossersgselle her!“
Bei uns geht's schneller, do heest's: Halt e bissel,
mir hawwe vierezwanzig Feuerschlüssel
zum Feuerhaus, unn kenne der geht schwer.

Die Nachtwächter in demm Bertel hot en jeder
en' Schlüssel; newer 'm Feuerhaus d'r Peter
hot aach een', unn d'r Hauptmann — sunscht wär's
gfeht —
unn die Gemeinderäth; d'r Kummendant hot eene;
e paar Mischtkönig een; e Schdücker zehne
die sinn an Bürger extra noch v'rdheelt.

An lauter Leut, die wo schbät heengehn, weescht de?
unn schunn vertraut sinn mit de Bränd, v'rschdehscht de?
wann die all kumme, gibt's en ganze Troß!
Ja gebt nor Acht, sächt Gener, wie se kumme!
Die denke: 's werd so ewe nit genumme,
bei vierezwanzig Schlüssel unn eem Schloß! —

M'r bräucht sich gar nit mimme Schloß zu quäle!
dann 's dhät kei'n Mensch die Feuerschbrige schdehle:
m'r macht en'n Michel dran, do is 's v'rbei!
Deß gingt noch schneller, glaaw ich alls, e bissel,
wie mit 'me Schloß unn vierezwanzig Schlüssel,
wo all nit dosinn; zudem wär's aa neu!

Ja ihr, unn neu! — Ihr bleibt halt alls beim Alde.
 Wann die Gemeinderäth dann Sitzung halde,
 unn 's Unglück will, 's brennt grad beim Dag wie heut?
 do kummt doch keener! unn wer kann se schtrofe!
 Nachtwächter unn Mischtkönig dhume schlofe:
 die hawwe dod'rzü jo nachts kei'n Zeit.

Unn grad die Zappe, die wo immer lösche
 unn schunt am Dag die Gorgel düchtig wäsche,
 die sinn bei so was regelmäsig voll.
 Do krääch m'r gar 's Rummando noch genumme,
 wann grad so zwee Bränd zsamme dhäte kumme;
 m'r weef oft so nit, was m'r mache soll!

Necht hot 'r, sag ich, Männer! dann do schdeht 'hr
 wie's Kind beim Dreck, wann ich nit mit em Peter
 sein Abtrittschlüssel 's Dhor usmache könnt!
 Denn will ich 's näschtmol sicher nit v'rgesse! —
 Die Schpritze hortig raus; unn unnerdesse
 laaft Gener vor unn guckt, ob's aach noch brennt! —

Bis mir do kumme, ware schunn die Gawe
 unn all die Schduwe ganz voll Pickelhawe
 unn anner' Leut, wo hawwe 'nanner gschännt.
 Unn Gener freischt: Ja! deß wollt ich keeni rothe;
 euch werd m'r noch e extra Werschtel brote;
 's muß Alles helfe, wie's emol heest: 's brennt!

Ja, do könnt Jeder kumme; deß därf keuner,
 sächt do en Annrer, nor ge'ibte Männer,
 mir dürfe ganz elleen, wann's brennt, in's Haus!
 Deß därf nit seyn; ich werr's aa nit v'rdufche.
 Ihr hatt uns nicks in's Handwerk neinzupufche;
 ich sag's zum letschdemol: Ihr geht jetz naus! —

Do ruft d'r Schadttdirekter: Ei, bei Reime!
 Poßt ihr die Leut nor ruhig drowwe bleiwe;
 sie hamwe Recht; nor 's Schänne leid ich nit.
 Könnst ihr dann nit ganz gut minnanner löfche?
 's 'heest jo doch: Een Hand muß die anner wäfche;
 unn wann die Gfschicht v'rbei is, sehd 'r fitt.

Do war's dann schbill. Jetz awwer gibr's e Reime:
 jetz schpricht's vunn vorne unn vunn hinne, netwe=
 unn owwe=her, vumm Abbedhefedach!
 Do schmeiße d'r jetz gschwind die Möwelretter
 die Nachtdisch, Wäfschdisch, Kannebee unn Better
 zum Fenschder naus; deß war d'r e Gefrach!

So! hamw ich gsacht, schmeißt nor de Plummer:
 die Bilder, Schbichel, Fenschder, Glässer nummer;
 's verschberrt de Platz, am End verbricht's jo doch!
 Uf eenmol kriche mir keen ümwle Schrecke:
 zwoe breche durch unn bleiwe awwer schdecke
 noch in d'r Deck, dann 's war kein großes Loch.

Mit knapper Noth hammir die rausgezoge;
 e jeder hot dreihunnert Bund gewoge,
 deß war d'r meiner Seel kein kleenie Müh.
 Unn aa denn scharfe Naach noch in die Lage!
 unn 's aller Art'sicht: mimm lodderleere Lage!
 Mir hamwe gschafft, grad wie e Schdückel Vieh. —

Unn üüwerdenn ruft's: Deß sinn schöne Sache!
 En Hauptmann, meen ich, müßt im Schloß noch wache
 for's Wohl d'r Schdadt! so sage alls die Vent.
 Heut atwer muß ich Ihne aa 'mol schtrofe:
 dann, wie ich seh, dhun Sie im Wache schloße,
 bei so 'me Brand! wo schdecke Sie dann heut? —

Wo ich heut schdeck? — sächt der — Ich dhun noch
 Kräfte
 mein Pflicht, deß heest: ich habb Familljegschäfte,
 die wo m'r nit so grad v'rschierne mag.
 So mir nicks dir nicks vunn d'r Kinddaaf laafe,
 geht nit: e Kind kann'r nor eenmol daafe;
 herngege brenne, deß kann 's alle Dag!

Im schwarze Frack kann ich doch aa nit kumme,
 Herr Rummendant! wie dhäte Sie do brumme!
 do wär's mit meiner Hauptmannschaft ball all.
 In mein Mundur muß ich mich heemlich schdecke:
 weil ich doch nit mein Fraa will so v'rschrecke;
 Sie wisse selbscht, wie 's is in so 'me Fall!

Unn zudemmi sollte Sie mich ehnder lome,
 daß all mein Leut schunnt aus de Feuerprowe
 jo ohne mich gewöhnt zu schaffe sinn!
 En Annerer wär krank d'rheem geblitwe,
 bis daß m'r 'n mit Gewalt hätt 'rausgetritwe;
 atw'r ich bin do — unn do licht's etwe driinn! —

Sie dhun 's ganz Johr nor vunn de Pflichde redde,
 wie wann mir nit aach unser' Rechte hätte! —
 Haww ich die Pflicht zu kumme, — ganz gewiß
 is 's noht am Platz — (ich dhu nit üwertreime),
 daß ich doch 's Recht aach habb eweck zu bleiwe! —
 Beweise Sie mir, daß eß annerscht is!

Do hot d'r Kummedant sich gros verwunnert,
 wie der so owwe runner hot gedunnert,
 unn sächt: Herr Hauptmann! nor gemacht, ich dent,
 ich dhu vunn Ihne nit zu viel verlange.
 An Ihne is en Pass verlore gange;
 Sie hawwe d'r emol hent recht die Kränk! —

Jetz will mein Hauptmann grad in's Haus nein renne;
 deß atw'er dhut arg raache noch unn brenne,
 do schpringt 'r raus unn sächt zu unsre Leut:
 Eß Erschde is, deß Feuer auszumache,
 deß Annere sinn alles Newesache;
 deß löst nor Alles leie unn seid gscheut!

So, sächt d'r Hauptmann, gelt ich soll mich ploge,
's ganz Johr for euch; noht send 'r ungezoge,
wann dihr nicks könnt! unn for mein eege Geld
soll ich noht owwedrein noch Vorwürf triche;
wie oft bin ich for euch in 'n Sack schunn gschdiche! —
So geht's halt: — Undank is d'r Lohn d'r Welt!

Mein, freischt 'n Annrer, do loß uns erscht klage:
mir aarme Deuwel mit em leere Mlage;
— wer dhut dann uns? — mir müsse aa dosehn!
Mir schdecke drinn unn könne jeh nit weiter;
häsch du en Schunke mitgebocht, wär gscheiter,
unn so e Fässel vunn dein Kinddaafswein! —

Jetzt ham'm'r noch e Weil uns müsse wehre,
do fangt's dann allgemach an ufzuhöre;
's war Zeit, dann viel hot 's Lösche nit gebatt't.
Ich habb's jo gsacht: Mir mache die Hansworschte,
dann unser Hauptmann ließt uns hent verdorschte;
so ohne Bier, do schafft m'r sich ball matt. —

Um's Lösche hot sich ainfangs Keens gerisse;
jeh atwer hot doch Alles wolle wisse:
wie so en Brand dann eigentlich entsteht.
Do ham'mir in d'r Kump'lkammer gfunne,
daß so en ganz verbrennter Balke, unne
im Boddem, in die Gauwe nütwergeht.

D'r Rummedant der dhut en unnersuche:
 Gott's Dunnerwetter! fangt 'r an zu fluche,
 schunn zeit drei Dag — wer hätt jeh deß gemeent! —
 do is keen Mensch mehr in die Schdubb reingange:
 do hot der Brand doch vor drei Dag aüsfange!
 Jetz bin ich mit 'm Hauptmann ganz versöhnt;

Dann der sächt aach: 's muß Alles ausmarschire,
 unn schdörme unn die Schbriße glei promire
 drei Dag eb's brennt, do hot m'r 's noht gewiß! —
 Heut dhät m'r 's schunn in alle Blätter lese:
 die Düchtigkeit vunn unserm Feuerwese,
 unn wie's beim Brand so prächtig gange'n is!

So weit wär's mit demm Feuer gar nit kumme,
 m'r hätt 'm glei die Nahrung weggenumme;
 mim nasse Rumpel hätt m'r 's ausgedrückt!
 In fünf Minutte do war Alles gschehe!
 Do hätt deß Wol die Menschheit könne sehe:
 wie mer en' Brand drei Dag vorher verschickt! —

's war gut so weit; ich will mich nib beklage;
 nor — sächt 'r — Gens, deß muß ich euch noch sage:
 alls rascher in die Unnesform neüßgsluppt!
 unn guckt uf mich unn sächt: Ja lach nor, Kleener;
 ich wees es wohl, daß heut do drunne Gener
 im bloße Hemm zum Fenschder raus hot ghuppt!

Deß baßt sich nit. Waß geww ich for die Bosse,
m'r muß sich so genuch alls uze losse,
wann schunn im Dinscht keen Feuerweer uns gleicht!
Drum bei 'me Brand in Zukunft bleibt's beim Alde;
nor, daß drei Dag zuvor e Prob werd ghalde,
dann deß is prakdisch, wie der Fall do zeigt! —

Hätt deß der alde Schadttdirekter gsehe,
der dhät vor Freed sich noch im Grab rumdrehe,
waß ich sein Ausspruch Ehr habb aingedhañ.
Denn sollt m'r 'm hent noch uf sein Grabschdeen schreite:
's heest nit umsuncht: „Was Recht is, muß Recht
bleiwe.“ —
Die Mitwelt, freilich, die erkennt 's nit an! —

Dr Mensch denkt unn Gott lenkt.

Do muß ich euch emol en'n Gschbaß verzähle!
Vorgeschtert sächt der Dokter, der fideele,
— ihr kennt 'n schun, draus wohnt 'r vor em Thor —
mar muß deß Wetter sich zu Nuze mache;
Johann! schbann ein, bsork schnell dein sieme Sache, —
unn fahr emol glei mit d'r Halbschäs vor!

So lang m'r jung sinn, wolle m'r 's genieße,
 sunscht dhät's eem jo noch nooch em Dod verdrieße. —
 Jo! sächt 'r, weil m'r doch nit wisse kann,
 gell Aldie! wie m'r iwwer eemol schderwe,
 do wolle m'r 'mol heut noch uf die Kerwe —
 dann 's war e gar e guter Weirvermann.

Ja, sächt sein Fraa, do harw ich nicks d'rgege;
 Nimm nor de Hund nit mit, schunn dessentwege:
 ich hab keen Ruh sunscht. Is es dann nit wahr?
 Sag nor 'mol selwer, sächt se; neen, Schbaß ohne,
 wo mir so ganz eleeñ dohausrum wohne.
 M'r wees doch nit, 's geht manchmol ebbes vor.

Sächt Er: Willst 's Haus nit uf de Buckel hente?
 Wann d's doch nit weescht, brauchst aa nit dran zu dente;
 was m'r nit wees, deß macht eem jo nit hees!
 Mach jets nor fort unn mach m'r nit lang Boße.
 Soll ich die Hüinkel-Reeder hole losse?
 Do schdeig jets nuff unn hoß dich in die Schäs!

Jets hot die Doktern sich recht abgezawwelt,
 die Moos, unn is in's Schäfel neingefrawwelt
 mit Ach unn Krach, unn hot keen Wort geredd't;
 war awwer doch schunt halb unn halb vergrumpelt,
 weil se ihr Mann so barsch hot abgerumpelt,
 unn denkt: Wart! heemzu's fridscht de schunn dein Fett!

Noñ, uf d'r Kerwe hot se iwwer'm Esse
unn Kaffetrinke ihren Bohn vergesse.
Deß war do owwenuff e wahrer Kohl!
Do sinn e Schdücker drei, vier Schdadtfrabase
noch dogewest, mit Brille'n uf de Nase;
bei denne war's 'hr dann jek eerdewohl.

W'r kann sich's denke, dennedo ihr Gschichte,
wo die verzähle unn die Leut ausrichte,
vun Middags an bis in die sinkend Nacht.
D'r Dokter, der war mehrschtenbheels als hunne
unn hot d'r, Schlag uf Schlag, nicks wie gewunne;
die hawwe düchtig Neue rausgemacht.

Wie dann die Kaffebase fort jek ware,
sächt Sie: Ich denk, daß mir jek aa heem fahre;
's is hochie Zeit, es löst m'r sunscht kein Ruh.
So! sächt d'r Dokter, fangscht schunn an zu brummle?
Da trink! Waß brauche m'r uns so zu dummle?
So jung wie heut kummscht doch nimmehr d'ezu.

So! sächt sein Fraa, deß simm'r schöne Sache!
Ei, ich dhät lieber glei mein Bett neismache
in's Wörfle! Noñ, for dich bin ich dann froh!
Mein, sächt d'r Dokter, 's is nit allsfort Kerwe.
Ich werr m'r wege dir mein Freed verderwe . . .
Ja jo! sächt Cener, bleibt jek nar noch do!

Ach ija, sächt en Ann'rer, 's is viel gscheuter,
 sunscht geht's euch noch am End wie sellem Schneider,
 demm wo 's hot uf d'r Hochzich so pressirt.
 Neen, sächt Sie, Alder komm! mach m'r kei'n Vosse.
 Ich habb jetz schunn die Schäs einschbanne losse.
 Geh! wann eem schbäder dann sunscht was bassirt! —

Jetz hoscht de Dokter nimmehr halte könne,
 dann demm war's angscht, sie fangt recht an zu schänne;
 unn wann Sie anfangt, halt't Er nimmehr Schdich.
 Verschdehst d'? Sie hot 'n halt e Bissel drunne.
 Ich glaab, die dhät 'm 's Schnaufe ball vergunne!
 Der Hochzichwolf — denkt allsfort nor an sich!

Noñ, forz vorm Ort jetz, tausend Schritt meintwege,
 do kummt 'n schunn e Ruddle Vieh enggege,
 do sächt d'r Dokter: Träudel, deß sinn Säu!
 Deß gibt e Unglück, do wollt ich druf schwöre!
 M'r wenne um! — Hoscht atweil dunu're höre?
 — So schwere Wetter sinn alls ball verbei —

m'r därf nar waarte — unn die Annre siße
 jo aa noch dort — unn bei demm arge Blitze
 sicht doch kei'n Mensch, was haar is odder hott! —
 Ja! sächt Sie, du hoscht nooch em Wei'n Verlange.
 Mit dir is ewe gar nicks anzufange;
 du kennsch kenn annre Vochel wie e Krott!

Du dārffst dich ümwer's Bliße noch beklage:
 die Säu, die hawwe 'mol in meine Lage
 ihr Lebldag doch kei'n Hörner unn kei'n Woll!
 For so en Fächtler, fächt se, so en alte,
 noch gar die Hämmele do for Säu zu halte!
 Ich dhät mich schäme; du bischt bolevoll!

Sächt Er: Ja du brankst was vum voll zu sage!
 Bischt aa kei'n Schäfle wie d' Woll dhufcht trage;
 dann was de Weie betrifft, do sey nor schbill!
 Mir kämte doch heem bis e'n Uhre'n else. —
 Wemni nit zu rothe'n is, is nit zu helse;
 jetz fahr ich heem, for mir kann's geh'n, wie's will,

hot Er jetz gsacht, unn is aa weider gfare,
 bis daß se an de Wisse drumme ware.
 Schunn vor em „Plug“ draus, do blickt's ümweraal
 unn duntert unn fangt schrecklich an zu dome;
 mit knapper Noth hot 'r de Gaul noch ghowe,
 daß er 'm nit durch is ümwer Berg unn Thal.

So schütt's unn fracht's unn blickt's an alle'n Ede;
 's schdeht Alles wie im Feuer, Bääm unn Hecke,
 unn Häuser. Korzum, 's duntert Schlag uf Schlag.
 Ach! fächt die Fraa, Gott soll deß Glend wisse! —
 Daß mir grad in deß Wetter kumme müsse! —
 M'r meent jo schier, 's wär hent d'r jüngschde Dag!

So, sächt d'r Dokter, häscht du nig getrimwe,
do wär m'r noch e bissel draus geblimwe.
Mit dir fahr ich ball widder, mit dir Bläß!
Du werrscht warhaftig nit am Bliße schderwe;
wie sächt m'r als? Unkraut dhät nit verderwe.
Ja, wenn ich ebbes glaab, do glaaw ich deß! —

Jetz, wie se amwer an de Kerchof kumme,
— weescht d'? wo der Lindebaam do schdeht, der frumme,
e bissel herzu's, näschst am Zimmerplatz —
mumm! hot d'r Bliß en'n alde Rußbaam gschbalte!
Do war der Gaul durchaus nit mehr zu halte,
unn baamt sich unn werd scheu unn macht en Satz;

unn, wupp dich! mit em Schäfel newenunner!
D'r Dokter amwer, der schnorrt omwerunner
vum Bock, koppvor grad in en'n Hause Hai.
Non, sächt 'r, deß war glücklich abgelade!
Ich wollt nar, deß wär unser gröschter Schade;
do wär schunt Alles widder in d'r Reih.

Unn sucht unn macht unn kann die Schäs nit finne,
unn schlächt noch hiin unn dhut sich's Gsicht verschinne,
unn schprengt sein Hoffe uf e Moler drei.
Wo is dann die? fangt 'r jetz an zu fluche;
ich hätt die Kränk jetz ball do vunn demm Suche!
Ei, Gschwindigkeit is doch keen Hexerei!

Die is doch aa mit dere Schäs dorunner! —
 Noû! Gschehe heutigsdags dann aa noch Wunner?
 unn is die, vunn der Kerwe do, so schnell
 als wie d'r Ehas in de Himmel gfare?! —
 Wammir nor uff 'em rechte Weg aa ware,
 sunscht is se schtatt in 'n Himmel in die Höll.

Ja! 's dhät 'r freilich nit viel besser ghöre! — —
 Zum Glück hot 'r sein'n Hund jekz belle höre,
 unn iüwerdemm do hot's aa grad geblickt.
 Ach, sächt 'r, da! Dovorne schdeht mein Schimmel! —
 Jekz is mein Albie freilich nit im Himmel;
 wann se nar orntlich noch im Schäfel sitzt! —

Wie jekz d'r Dokter anwer hiû is kumme,
 do fangt seiû Fraa glei widder an zu brumme:
 So! kumm'scht emol, — bischt du m'r aach en Mann? —
 unn lösch dein armie Fraa im Uûglück hocke?!
 ich war die ganz Zeit unnerm Schäfel gschdocke,
 daß ich noch jekz beinoh nit schnaufe kann!

Fascht wär ich uf em truck'ne Land verjoffe,
 so is m'r 's Wasser iüwer's Gsicht geloffe —
 wo ich gelege habb in so 're Dall.
 Dann wie ich mich so aus demm Hai hab gschtrampelt,
 do is m'r ebbes alls um's Beeû gebambelt,
 Noû, denk ich, jekz gutt Nacht! jekz is es all!

Unn ew ich mich noch los hab mache könne,
do fangt der Gaul uf eemol an zu renne,
unn schleest mich alls do uff de Wisse rum.
Wie's gange is, deß is m'r selbscht e Rääthsel,
ich hab mich, scheint's, verwickelt g'hatt in's Leetsel;
do schdörzt zum Glück die Schäs jek um unn um.

Wer weesß, wie mir's am End sunscht noch wär gange,
bis du wärscht kumme unn de Gaul häscht gfangen! —
Ja, Aldie, sächt 'r, 's is m'r herzlich leed;
du muscht dich atwer halt mit mir jek tröschte,
dann dein Unglück, deß is noch lang nit's gröschte,
denk nor! m'r lewe jo noch alle beed!

M'r hawwe jek keen Zeit mehr zu verliere.
Geh newe her; ich will de Gaul do führe
bis uf die Schtros, daß der sich nicks verrenkt. —
Non, wie se jek eingschdiche widder ware,
do is er wie en Schbizbuh heenzu's gfare;
so hot 'r 'mol zum wennischde gedenk.

Weit gfeht! 's hot vil e schöner End genumme,
dann, wir er meent, er müßt ball heem jek kumme,
do war er, wo er middags war am Drei;
am selwe Werrthshaus unn keen Schrittel weiter.
Nor älter war er unn e bissel gscheuter
v'rleicht jek; — unn 's Gewitter war v'rbei.

Jetz, sächt 'r, geh's wie's will, in Gottes Name!
 Der Werrth wees, scheint's, die Gäul gut anzusaame.
 's isch Schicksal! Do kann Nimand drüwver naus.
 Do muß m'r ewe noch e Gläschel trinke,
 wann unser Herrgott selwer eem dhut winke.
 Hee! Werrthschafft! Johann, schbann de Schimmel aus!

Wie jetz d'r Doktern is e Licht ufgange,
 hot's Dunnerwetter in d'r Schäs aüsfange:
 Haltich du so wenig, sächt se, uf dein Ehr!
 Mit dir bin ich nit länger mehr im Zweifel:
 du bischt en Süßer! — Reit't dich denn d'r Deufel? —
 Keen guter Geischt, der führt dich nit doher! — ...

So? sächt d'r Dokter, willscht mit mir jetz schänne?
 deß hot kein Mensch dennm Gaul ansehe könne,
 daß der schier dreimol gscheuter is wie du!
 Häschdt du nit mit Gewalt heem wolle fahre
 die Borzelbääm, die hätt m'r könne schbare,
 unn wär noch kreuzfideel gewest d'rzu.

Schdeig aus, unn mach m'r do jetz kein so Lewe!
 Gemm'r dein Hand; ich will dich runnerhewe. —
 Do sächt Sie: Keen, bleib m'r nor ganz ewegg; —
 deß is zu arg; — deß hees ich ümwertrimwe; —
 unn is mim Kleed am Schäsel henke bliuwe,
 unn hauf! do leit se gschtredterlängs im Dreck!

Halt, sächt d'r Dokter, halt! Nor sachte, Mutter!
 deß nimmt jo heut kein End mit demm Gebludder;
 Geh her, mein Herz, komm! — ich heb dich uff.
 So dhut d'r Uwwermuth sich selwer schtrofe.
 Geh du in's Bett; ich denk du werrest gut schlofe —
 unn hot se gleich am Arem kricht — unn nuff.

Do kummt d'r Werrth raus, so en kuckelrunder.
 Ach, sächt d'r Dokter, sehd 'r aa noch munter?
 Ihr habt jo 's ganze Haus noch voller Leut!
 Mir müsse 's ganz For schinne uns unn ploge,
 sächt do d'r Werrth, — do braucht m'r noch zu froge — .
 's is Kerwefuchebackesamsdag heut! —

Unn wie er neinkummt, ruft's: Oho! d'r Dokter!
 Ja, sächt 'r, fell mich Ihne! — Gell, do hockt 'r
 unn wörfest euern Wein raus unn graggeelt? —
 Ich haww e schönes Vergnüge heut aussgshbanne, —
 grad loß ich widder jey mein Gaul ausschbanne —
 unn hot 'n Alles Hoor unn kleen verzählt.

Ja, hot 'r gsacht, wär's nar noch me im Kopp gange!
 Mein Fraa dhut awwer immer heem verlange,
 wamm'r wo is; die plogt die Ungebuld.
 — Die hot ihr Fett. — Sie hot euch, uf de Fehler,
 e Schdücker zwanzig Baufe unn Bloomähler.
 Ja noh, sie is jo doch an Allem selwer Schuld!

U! deß heeßt awwer nig gut rausgebisse!
 sächt Gener, Dokter, ich hätt's 'r gewisse;
 ich hätt mich an deß Maule wennig gschört!
 Die därf was redde, wo nids gilt. — Deß hot se,
 deß Recht. — Mir sinn so schön beisamme gsoße.
 — Wär Er nar dogebliwwe, wie sit's ghört.

Gut, sächt d'r Dokter, jekert bleiw ich siße:
 d'r Better soll nar 'weil die Kreide schbiße;
 m'r mache'n e paar Gläschelcher noch raus.
 M'r wolle awwer knöchle unn nif knorre. — —
 Noñ! — aus de Gläschelcher sinn Flasche worre,
 unn, wannu'r 's recht is, — sinn se heut noch draus.

Wer nit höre will, muß fühle.

Die Gschicht vum vere Nacht letscht wollt 'r wisse?
 — die hatw ich schunt was oft verzähle müsse; —
 wart't, wann mein Peif brennt, sag ick se euch glei.
 Noñ, selwigmol, wie mir am Dampschiff ware,
 is doch d'r Dokter unn sein Fraa mitgfahre, —
 uf Dings do nunner, — 's fällt m'r schun noch bei —

unn hot zu mir gsacht, Er wär eingelade
do zu 're Zacht mit noch e paar Rum'rade,
unn frogt mich noch, ow ich nit aach mitwollt.
Do, sächt 'r, dhäte'n Gem drei Hämmele fehle —
So seyde aa schdill! — wer kann d'nn do verzähle! —
Ich glaab, daß dihr mich for en'n Narr verzollt. — —

's is jo doch wahr! — — Noñ, sächt 'r, der dhät schreibe:
die Hämmele wäre nergends ufzutreibe;
— wie's jo gewöneklich bei so waß geht. —
Jez dürst m'r nimmehr hinner'm Diffe hoche.
's wär 's. Bescht, m'r gingt demm düchtig uf die Socke,
in aller Früh, eb narr en Hahn noch kräht,

wann's äuscht die Umschdänd, sächt 'r, nor erlaawe;
dann 's hätt's, wie er zum wennitschde dhät glaawe,
feññ ann'rer Mensch als wie 'n Wolf gedhañ.
— Der hot de Rachel uf de Kopp getroffen. —
Noñ, sag ich, unn die Fraa? ich will nit hoffe! —
geht die dann aa mit? hot die Freed bodrañ?

Jo, sächt 'r, ich loß mir de Kopp voll knorre.
Die is jo geschttert schunn. schier hüppig worre;
Ich hab's 'r glei gsacht — sächt 'r — bleib d'r vunn!
's is nicks for dich; do kannscht for Langweil schderwe.
Do unnerhaltst dich nit, wie uf d'r Kerwe,
wie vorremjor. Zuck' nar nit vorher schunn!

Ja, haww ich gsacht, 's is wöhr; 's sijn Jächtlers-
bosse. —

Sie bleibe hier! Der Wolf werd doch nit gschosse. —
Die hocke do unn hawwe Hüttlin uf,
unn losse sich verrotthe unn verkaafe.
Wann dihr en' Wolf wollt, müßt 'r üch een laafe;
sunst fricht 'r keene, do verloßt euch druf.

Ja, sächt d'r Dokter, wamm'r so wollt denke!
Die Nürenberger dhune aa kenn henke,
eb daß se 'n hawwe; so gscheut sijnmir aa . . .
Noñ, sag ich, nick's for ungut. Bil Vergnüge!
Ich will euch nit um euer Freed betrüge.
Grüß m'r de Förichder, sag ich, unn sein Fraa! —

Noñ, wie se dann mim Dampschiff drunne ware,
war's bis an's Forschthaus noch drei Schdind zu fahre.
Do sächt Sie: Noñ? is dann kein Fuhrwerk do?
Jo, sächt d'r Dokter, do werscht dich verluure;
's is gar nick's do, als wie zwee Bau'resfuhre,
unn nit emol kein Bänk nit druf, nar Schtroo.

Herr meines Lebens! was macht die for Age!
Ja, sächt d'r Dokter, neen kainscht nimmehr sage,
dann 's Dampschiff geht erscht morge früh zurück;
heut muscht halt in en'n saure Appel beisse.
Unn wie se nusschdeigt, dhut se 's Kleed verreise;
's war awwer nor d'r Saam zu allem Glück.

Noñ, sächt d'r Dokter, höscht jo Schbelle bei d'r;
schbell's hortig nuff. So Dicker! jeh fahr weiter.
Brenn ein! unn herzast jeh in's Gscherr gelegt! —
Do denke se, wie se an's Forschtthaus kumme:
Jeh simm'r wennigstents gut usgenumme;
do hot sich awwer aa keñn Mensch geregt.

Ach! sächt do Genser, macht nor nit lang Bosse,
m'r könne's jo em Förschder hinnerlosse,
wo er uns trifft; 's is jo nit weit in d' Schdadt. —
Noñ, mit demm schlechte Gfärrt werd's doch schier Achte;
unn All en'n Dorcht! — en'n Dorcht! — schier zum
Verschmachte;
do hot die Dokter schunn die Reede ghatt.

Raum awwer sicht d'r Dokter die „drei Krone“,
do kreischt 'r: Halt! dohinn, do is gut wohne!
Aaa! vunn demm Hocke werd m'r jo ganz schdeiß! —
Do werd dann orntlich jeh zu Nacht gewickelt,
unn noch em Esje um de Disch gerückelt;
— erscht schdoppt sich Jeder awwer noch e Peiß. —

Noth werd verzählt, deß heeßt uf deutsch: geloge;
der Durchzug hot sich an d'r Deck geboge;
die ann'r'e Gäscht die laafe all bloo an.
Uf eenmol awwer heeßt's: Was macht d'r Neue?
Herr Kronewerrth! 's werd Ihne nig gereue,
daß Se sich orntlich hawwe heemgedhañ!

Neen, sächt d'r Kronewerrth, in denne Hoffe
reut mid's non nit. Der därf sich sehe losse;
unn wie der jeh sich in d'r Gähr schunn macht!
Guck! sächt d'r Dokter, er dhut glei fraggeele.
Noñ? sächt d'r Kronewerrth, waß dhut demm fehle?
E schlechter Kaufmann, der sein Waar veracht't!

Do loßt d'r Förschder sage: 's dhät 'n fröe,
die Herrn bis morge'n aa beim Fescht zu sehe.
Er hätt noch Bjuch, — do kömmt's nit seyn for heut, —
er wär zu schdarr in Anspruch heut genumme —
sunscht wär er jedenfalls noch selwer kumme;
so awwer kämt 'r morge früh bei Zeit.

Noñ, sächt d'r Dokter, jeh is vil gewunne!
M'r hamwe doch e'n Anhaltspunkt jeh gfunne;
m'r weesß, woraß m'r sich zu halte hot.
Ja, sächt sein Fraa, du bischt halt alls d'r Alte;
du weescht dich an denn Neue do zu halte,
do geht eem jo d'r Grüßel aus, weß Gott!

Wach jeh nor fort! 's is jo schun haltwer Elfe.
Ich muß d'r so alls morgens uffschdehñ helse.
D'r Dokter awwer hot se glei geduppt.
So, sächt 'r, hoscht's schun widder ganz vergesse?
Dampnuble hammir jo heut Middag 'gesse!
— Noñ ja! — do hot der Woscht sich nein verschluppt!

Was dhäte ganz e Schopp'ner fünfe, sechse? —
 Wann dich Gens hört, do meent m'r, du könnst herge;
 bei dir geht's morgens aa nit Extra-Poscht. —
 Du bist m'r mit dein ewige Gemoschtel
 en Jäger, wie d'r Deufel en Aposchtel!
 sächt do die Dokter. — Waart nor mit dein Moscht!

Ich weck dich nit; meinthalwe bleib du liche.
 — Vun dere Nacht werscht nicks zu sehe kriche;
 dann bis du wachst, is früh uun schbät v'rbei. —
 Uf eenmol, wie se lang schun schlose ware,
 do is d'r Dokter aus em Bett rausgfahre
 mit gleiche Füß so am e'n Uhre drei.

Do sächt die Dokter: So! bist aa schunt munter?
 Bleib nar noch leie! Du bist, glaaw ich, vun d'r; —
 wo doch d'r Förschder vor d'r Schdadt draus wohnt! —
 So lang d'r Mond scheint, werd's demm nip pressire.
 — Bleib nor noch liche! — 's geht jo knapps uf Biere. —
 Jo! sächt d'r Dokter, du bist aach d'r Mond!

's is heller Dag; ich habb mich nib betroge.
 Warscheinlich is die Uhr nit ufgezoge;
 's könn aa d'r Fall seyn, daß se nicksnutz geht.
 Bleib du nor him; ich will gschwind nünwerschpringe.
 Ich muß die Annre sehe rauszubringe,
 dann bis der Förschder kummt, is eß zu schbät. —

Noht schleicht 'r — wie er meent — als wie e
Mäusel,
erscht — mit Verlaab zu redde — noch uf's Häusel,
unn sächt, so vor sich hin: Der Neue treibt;
is anwer, wie er so im Gang rumholpert,
ümmer 'n Häuslesschlüssel erscht noch gscholbert,
daß 'r e vertel Schdund näfscht liche bleibt.

Mein Doktern denkt: Deß Ding, deß is nit richtig;
wo bleibt d'nn der? unn war schon eifersüchtig,
bis daß se 'n sucht. Do sächt se: Gell jets hoscht?
Du willscht halt alsfort Alles besser wisse.
Du säscht: Der treibt. Ich meen, der hätt dich gschmisse!
's is Riffer deß, und du säscht alls, 's wär Moscht.

Dhu du dich widder in dein Bett neinschdecke;
's is in 're Schdund noch Zeit die Herrn zu wecke;
d'r Hörschter, der schdeht aa nit früher uf! — —
Jets hot 'r dann e Schdund aa noch geduffelt,
noht anwer is 'r narr so rumgewuffelt
vor Eifer, unn rennt glei die Schdeege auf.

Unn is vor Freed jets, daß se soweit ware,
als wie en Erwisch do im Haus rumgfare,
unn freischt alls: Vivat Hoch! Aus raus, ihr Vent!
Die Doktern sächt: Zuck' narr nit vor d'r Kerwe!
du könntsch d'r sunsch dein ganzie Freed v'rderwe;
wann d'hr de Wolf hatt, is es aa noch Zeit.

Uun wie vorausgsacht, kummt der alde Schuffel,
der alde, ümwerzwerche, in sein Duffel,
kummt richtig an e legie Dhür unn kloppt.
Nost, denkt 'r, dich dhut unser Herrgott schtrofe
mit denne; die dhun wie die Dchse schlofe.
Habt 'r dann Baanwoll in die Ohre gschdoppt?

Uun kloppt unn kloppt, bis driinn sich was dhut rege:
en Engellänner war dodrinn gelege,
— heut muß ich lache noch, wann ich draß denk —
dann wie er sächt: ihr schloßt jo, wie die Dchse!
reißt der die Dhür uf unn fangt an zu bore
unn sächt uf englisch: Kriche Sie die Kränk!

Wie könne Sie mich aus meim Schloß verschdöre?
Mir scheint's, daß Sie geern rungeprüchelt wäre;
was dhune Sie so früh arweil schunt uf?
D'r Dokter arwer denkt: Do is 's nit richtig,
do makcht dich aus 'em Schdaab, unn geht glei flüchtig;
der arwer hinne nooch unn alls norr druf.

Die Dokteru — ja, was woher is, muß m'r sage —
die löst ihr'n Mann vunn anner' Lent nit schlage;
fie dhut's jo selwer, glaaw ich, nit emol. —
Wie die en rufe hört: Hee! Träudel! Träudel! —
Hörscht d' nicks? — Kumm raus! — do fahrt der
Kauschebeutel
mit Ihm sein Jachtrock — nenn nor denn Krambol! —

unn mim Saumage uf — raus wie en Drache,
unn dhut d'r 's ganze Haus rewellich mache.
Wie meenscht d'? die kummt mim Schdisselzieger glei!
unn wie se grad recht ghaue hot unn gschdoche,
is eß Geländer an d'r Schdeeg gebroche,
do rumple se dann nunner alle drei. — —

Noñ! muß m'r dann mim Scheuerdhor euch winke?
Sehd nar so ehrlich, loßt eem aa 'mol trinke.
Ich habb jo schunn en'n ganze rauhe Hals!
E Kleenigkeit! — So! — jek geht's widder ennder.
Wo war ich dann? — Ja so! an demm Geländer:
— Die Annere, die schlofe atwer alls,

bis daß se dann jek desß Gerumpel hör. e.
Desß könne se sich d'rerscht gar nit erkläre,
— wie gsacht, sie ware'n All' noch voller Schlof, —
unn Cener sächt: Waß ihr euch nar verwunnert;
m'r meent, 's hätt sein Lebtag non nig gedunnert!
Neeñ! sächt en Annrer, desß war draus im Hof.

Uun wie der nauskummt, macht 'r e Paar Age,
wie die die Doktern hawwe aufgetrage,
d'r Hausknecht unn d'r Wertrh, in aller Eil.
Gell! hot 'r gsacht, ei frich doch glei die Schawe!
Jek mögt ich selbscht an e Gewitter glaawe:
do bringe se jo schunn de Dunnerkeil. —

Die Dokter'n hot sich recht ihr Been verschunne
unn ümweretrete noch am Knöchel unne;
do hamwe se was Ümverschläg gemacht.
Em Dokter war sein rechtie Hand verschwolle
unn 's Gesicht; do hot der schier verzwasle wolle,
daß 'r nit mitgeh'n könnt heut uf die Nacht.

Do hot die Dokter'n gsacht: Mit mir willst brummle?
hamw ich dich g'heesse, daß d' dich so sollst dummle?
Gell! jetz hochst do, wie: Gott, verlos mich nit!
Häsch du die Anure ruhig schloße losse;
die mache all minnanner keñ'n so Boffe
wie du, unn kumme jetz doch aa noch mit.

Ihr wärt minnanner uf die Wolfsjacht gange,
unn hätt't 'r 'n ganz aa nit lewendig gfange,
do hätt m'r doch Vergnüge ghatt, weß Gott!
Schdatt desse muß ich mir mein Been verschdanche! —
Häsch narr im Haus nit rumzudorkle brauche,
Eb daß d'r Deuwel Schlappe'n aňghatt hot!

Du bist an Allem Schuld. Du brauchst zu
brumme! —
unn ümwerdenn do is d'r Förschter kumme:
„Gutt Morge, meine Herrn! Ich bin nar froh,
„daß Sie uns aa heut bei dem Jescht beehre,“
Ja, sacht d'r Dokter, des löst sich schunn höre,
do gucke se, Herr Förschter, — awer do!

So is m'r 's gange. Wann Se do mit deune
 umm Ihre Leut denn Wolf nit fange könne,
 — ich kann nit mit — do schdeht die Sach heut schief...
 Ja, jächt der, wann mir eenig werre solle,
 do dörfe Sie heut uf keñn Wolfsjacht wolle,
 Herr Dokter! . . . Noñ, jächt der, do is d'r Brief. —

Bin ich nit heut mit meine Kamerade
 vunn Ihne Ihrem Jäger eingelade
 zum Fescht? wie Sie jo selwer hamwe gjaht? —
 Do hot d'r Förschter höflich sich entschuldigt:
 Herr Dokter, jächt 'r, heut werd bei uns g'huldigt,
 deß is deß Fescht; ich weef nicks vum 're Jacht!

Denn Brief, Herr Dokter, hot en Ann'rer gschriuwe,
 der wo sein Uz mit Ihne hot getriuwe.
 Ihr Freund — is Ihne dann deß nit bekannt? —
 is in Amerigga. 's is nicks zu mache.
 Waß mache Sie dann awwer aa for Sache?
 Deß is jo doch e ganzie ann'rie Hand!

M'r därf jo nar die Unnerschrift betrachte! . . .
 Noñ, jächt d'r Dokter, meine Herrn! Nor jachte . . .
 Die Dokter awwer freischt: Jez bin id's müd
 mit deiner Wolfsjacht! — umm die Herrn do lad't 'r
 dann aa noch eñ. Neeñ! 's is e wahr's Theater!
 's is wohr, deß geht jo ümwer's Vohnelied!

D'r Förschter sächt: Ums recht aa zu verzähle,
's is woher, daß Cem vunn hier drei Hämmele fehle,
unn 's hot's kei'n Mensch als wie en Wolf gebha'n.
Vetscht hot en Werth hier — doher werd's aa kumme —
mit Namens „Wolf“ drei Hämmele mitgenumme;
in sofern is doch ebbes Wohres dra'n.

Dich, heest's jetz, solle alle Krotte pege! —
M'r wolle'n uns gleich in e Schäs neinsenge;
— zu Middag gesse werd im näschte Ort. —
Alls fort vunn hier, dann hier is ausgeloge! —
— Der Englänner? — Ihr könnt eem anwer froge! —
is mit d'r Bahn noch vor em Dokter fort.

E Kleenigkeit! Der war jo ganz verpläschtet,
unn grüngeel wie en Fischdelsinkebaschterd,
gwiß uf e Wochener viere, im Gesicht.
Bei Ihre heest's: „Je krümmer“ jetz „je schlimmer!“
's gschicht Ihm ganz recht, dann gheurath' is for immer;
er hot genug jo abgerothe fricht. —

Wie heest jetz nor deß Mescht? 's is doch zum Vache!
's fahrt m'r im Maul rum; 's dhut sich ennder „bache“,
wie „heime“ — meen ich. — 's fällt m'r halt nit ein. —
Frogt nor de Dokter selwer, der werd's wisse;
Der hot jo lang genug dra'n denke müsse,
weil er nit uf mich ghört hot draus am Rhein.

Fromire geht immer schdudire.

Mein! sächt 'mol en vornehmer Herr zu sein Sohn:
 Franz, dhu nor nit zu vil schdudire.
 Bedenk, du bischt doch so wie so en „Herr von“;
 schdudire, deß heeß ich nor gschafft in d'r Frohn,
 dod'rbei werst du de nicks profedire.

Die Umrerschdudirte und alles deß Gschmeck,
 wo nicks dhut ohne Bücher d'rnewe,
 die sehe de Wald zsammunt ihrem Geles
 vor lauter Bääm doch nit, unn kenne der weesk,
 wo Barthel de Woscht holt, im Lewe.

Do geh du m'r lieber uf's Pradische aus.
 For hinner de Bücher zu hocke,
 wie's Viel dhun, do schmeiß ich mein Geld nit so naus;
 die könne All zsamme, deß weesk ich voraus,
 fen'n Hund aus 'm Offeloch locke.

Noß! sächt d'r Sohn, wie ich vunn heut an schdudir,
 do sollst dich nit drüwver beklage
 Wo Barthel de Woscht holt, de Weisk unn aa 's Bier,
 hot richtig in Korzem festn Genziger schier
 so gut als wie der könne sage;

dann do war jetz gar vum Schindire keen Redd,
 deß muß sich bis schbäter gedulde.
 Schdatt desse verdhut 'r sein Geld um die Bett,
 wie wann's 'm sunscht doch nar de Platz verschberrt hätt;
 umn 's End vum Lied ware halt — Schulde.

Dodrüüwer hot freilich d'r Alde gekuorrt,
 so hätt 'r deß Ding nit verschdanne;
 gibt awwer doch 's Geld her und redd't sunscht keen Wort,
 umn denkt: sinn nor demn sein Kam'rade 'mol fort,
 werd 'r annere Säte uffschbanne.

Der hot awwer so lang gar nimmehr gewaart't
 umn denkt: hätt ich nor nicks verschwiche,
 do wär ich d'r vum uf die allerschönnst Art,
 umn hätt all die Müß umn deß Plänmache gschbart.
 Wie werr ich 'n jetz widder friche? —

Wie die Ferie schier rum war, bis uf die letscht Woch,
 denkt d'r Alde: ich muß doch prowire,
 ow ich's dann nit rausbring, warum d'r Franz noch
 in eem fort so schbill is; deß kummt am End doch
 vum nicks, wie vum viele Schindire!

Umn richtig! de'n annere Dag hot 'r gsacht:
 Hör, Franz! ich dhü jetz nimmehr bitte,
 do gschdehscht m'r 's jetz, waß d'r denn Kummer do macht:
 ich weesß es jo doch, ich hab's rausricht heut Nacht:
 du hoscht letscht en'n Gaul dobtgeritte!

Dein Reegle mußt nichts, sag norr, i ch hätt d'r's gsacht! —
 Jeg, denkt d'r Sohn, awweil könnt's lange,
 unn 's hot 'm vor Freed 's Herz im Leib drin gelacht:
 Poschthalter! deß hoscht emol pissig gemacht;
 er is an die Leimruth noch gange!

Meen! sächt 'r jeg, Batter, deß bring ich nit fleeën!
 Do sint ich jo schier in de Bode! —
 Deß weescht d' nit vun dir aus — noh, deß is jeg schön! —
 weil d's awwer doch wisse dhust, will ich's aa gschdehn,
 wann d' mir sägscht, wer d'r deß hot verrotthe.

Mein! sächt do d'r Alte, do hätt 'n Schndudent
 gewett't mime englische Reiter,
 hätt awwer am Schlagbaum sein Gaul bodtgerennt,
 hot d'r Poschthalter gsacht, unn er hätt 'n gefennt
 vun Sehe, wüßt awwer nichts weiter.

Mir awwer war deß schunn zu vil, dann ich weesß,
 im Reite do bischt du en Schode.
 Drum is m'r 's uf eesmol jeg kumme siedheesß:
 deß müscht du geweest seyn; do war ich recht bös,
 weil ich's noch hab selbscht müsse rothe.

Gsacht hot mir's keen annerer Mensch als wie du;
 's weesß jo in d'r Poscht — wollt ich wette —
 keen Mensch waß vun dir. — Da bezahl', do hot's Ruh.
 Weil 's die Mutter nit weesß, driick ich aa e'n Nag zu;
 norr häscht awwer glei solle redde.

Do hätt m'r gewüßt hernoch, wie odder wann.
 Mußt ich dann nit selwer prowire,
 waß ich aus d'r rausbring? War dhut, waß m'r kann;
 ich sag d'r nar so viel, als prakdischer Mann:
 „Prowire geht ümwer schdudire!“

Die gewunne, so zerrunne.

En Quardjan wolst 'mol am 'me schöne Middag
 beim Korförscht e'n Nüliche bsorge;
 a! sächt do d'r Hofnarr, deß bsorg ich d'r aach,
 sag mir's, do hoscht Antwort bis morge;

dann du verschdehst's doch nit, so viel is gewiß.
 Haha! sächt der Quardjan, waß Sache!
 So gscheut wie so 'n Zwerigel vunn Hofnarr do is,
 simm'r aach; deß wär m'r zum Sache!

So, sächt der, Herr Quardjan, schickt do d'r Wig
 drinn?

jetz will ich d'r erscht emol zeige,
 daß Narre noch gscheuter wie gscheute Pent sinn;
 du muscht dich zu mir nit vergleiche.

Was gilt's, du verlierst's, unn mag's seyn waß es
will;
ich wett um mein letschtes Paar Hoffe!....
Halt! ruft do d'r Korförscht, nor ruhig unn schdill!
Der kann doch keens ungeroppt losse.

Mein lieber Herr Pater! do kumme sie rein;
Sie müsse an demm sich nit schdöre;
der werd widder heut in seim Kappler drinn seyn.
Wo fehlt's dann? m'r wolle 'mol höre.

U Güttche wär frei, durch 'n Schderbfall, Durchlaucht!
des könnt m'r 'em Kloschder jetz schenke,
sächt der, dann des hätte m'r lang schunn gebraucht;
wann Sie Ihr Gewisse bedenke,

do dhun Se's: unn hot 'm die Höll heeß gemacht,
er sollt for sein Seeleheil sorge. . . . —
Noñ, jo doch! hot endlich d'r Korförscht do gsacht,
ich schick euch die Urkund bis morge.

Ich dank, sächt der Quardjan. Euer Durchlaucht
viel Glück!

Dobei, sächt d'r Korförscht, solls bleiwe;
nor löst m'r denn Schenkungsbrief, wo ich euch schick,
zum Minischder erscht noch unnerschreibe. —

Wie deß, hinnerm Vorhant, mein Hofnarr jetz hört,
is er glei zum Minischder hingange
unn hot demm ganz offe sein Anschlag erklärt;
ich denk, sächt er, so kamm'r 'n fange.

Der Quardjan, wie der zum Minischder dann kummt
unn sichts 'n am Arweitsdisch hoche,
do hot er for sich in de Bart neißgebrummt:
hätt der e Barriick uf mit Locke,

der kämt uf de Hofnarr am mehrschde noch raus;
die nämliche Gsichter unn Gschdalte.
's sichts freilich verleicht narr im Schloßrock so aus,
sunstcht dhät ich 'n noch d'rvoor halte.

Jetz nimmt d'r Minischder die Urfund in d' Hand
unn lest, dreht se rüwwer unn nüwwer,
unn schreibt aa was drunner, schütt't awwer schdatt Sand
husch! glei 's ganze Dintesaß drüwwer.

Ach! sächt 'r, deß is m'r doch selwer jetz leeb;
's werd awwer nicks üwwerig bleiwe,
als daß d'r Herr Quardjan zum Rorförscht hingehet
unn lost sich e'n annerie schreiw. —

Grad awwer war aach d'r Minischder bei Hof.
Noß! sächt 'r, m'r sollt awwer denke,
mir sinne die Güter nor grad so im Schloß,
for widder de Pässe zu schenke.

Ë Paffesack, der hot kenn Boddem. Ihr Lohn
is am End — mit Erlaabniß zu sage:
Euer Durchlaucht dārfe noch Zep̄ter unn Kron
For die uf de Grömpelmark trage!

O ho! sächt d'r Korförscht, mac's nor nit so fett.
's is wöhr zwar; 's sinn freilich so Sache;
wie d' säckscht awwer, hoscht jo minn Hofnarr geredd't:
do wolle m'r 's aach e so mache

Unn üwwerdemm kummt d'r do reinšchwadroniert
mein Quardjan: Euer Durchlaucht! Heut morge
hot so d'r Minischder mein Urkund verschmiert!
Jez soll ich en annerie bsorge

Gut! sächt do d'r Korförscht; hot's der do gedhan?
— deß is er — do will ich een schreiwē;
war's awwer e'n Ann'rer, do geht's mich nicks an,
do loß ick's for's zwettemol bleiwē.

Ja, sächt der, 's werd freilich e'n Annerer sehn,
— ich kamm'r die Gschicht aa schunn denke —
(dann 's fällt 'm uf eenmol d'r Hofnarr jez ein).
Do läßt er die Fluchel dann henke,

unn hot sich ganz schdill aus 'm Schdaab jez gemacht;
's is annerscht nicks üw'rīg gebliwē.
D'r Hofnarr hot awwer jez gschmunzelt unn gsacht:
Demm hamm'r sein Vache vertriwē.

Deß gschicht so 'me Schlaufopp vum Quardjan ganz
 recht;
 demm haww ich heut nar wolle weise,
 daß mannichmol — wie Dokter Luther schunn sächt —
 die Wölfe aach e gscheut's Hund'l beise!

Gleich unn gleich gstellt sich geern.

Uf's Uneverfedätsgebäu'
 bant 'mol en Schdork sein Nescht
 unn freet sich schunt unn denkt d'rbei:
 Deß Plägel is es bescht.

Wann der gelehrde Raach unn Dunscht
 do aus demm Schornschde geht,
 sinn doch mein Kinner nit umsunscht
 uf Uneverfedät.

Guck, inja! sächt die Schdörkin do,
 uns hot 'n guder Schdern
 dohergeführt; was bin ich so froh
 for die gelehrde Herrn!

Wann die dodrunne dischbedirn
mit ihre gscheute Nase,
do kamm'r Manches profedirn,
sächt Sie. (Sie war vunn Sahse*.)

Sächt Er: M'r is nit grad vunn hent
unn kennt e gut Schdück Welt,
drum geht eem die Gelehrsamkeit
aach iwwer Gut unn Geld.

V'rschdeht m'r 's Geschäft aach uf d'r Wiß,
haww ich doch allsfort ghört,
daß so waß höfchdens prakdisch is
unn lang nonnit gelehrt.

Deß werre bei de Herrn jek do
die Kinner ohne Müh:
die Praxis die lern ick se jo,
unn die die Theorie.

Unn eb se ausgewachse sinn,
do sage schunn die Leut:
Hott's Kreuz, waß sinn die Schdorkelin
so pissig unn so gschent!

*) Großsachsen bei Weinheim an der Bergstraße. Die dortigen Bewohner pflegen statt der sonst im Pfälzischen üblichen Endung „re“ die Endung „rn“ zu gebrauchen, welche Gewohnheit auch die junge Störchin noch nicht abgelegt hat, trotzdem sie schon längere Zeit in der Stadt wohnt.

Unn Mancher denkt: Is des e Kunst?
Die hamwe jo — wie gsacht —
in die Gelehrsamkeit umsunst
ihr Bett nit neigemacht.

Was Ähnlichs hot, scheint's, im Senat
'n Herr dann aa gedenkt;
sächt, 's wär kei'n Zufall, daß 'r grad
die Ehr hätt ihne gschenkt.

's sinn jo noch mehr so Schornschde hier,
— beim Hans noch unn beim Kunz —
der awwer, als e gscheutes Dhier,
macht sich doch gleich an uns.

Dann: „Gleich unn Gleich des gsellt sich geern,“
des is jo ausgemacht,
so hot d'r Deufel schunt, ihr Herrn,
zum Schornschdefeger gsacht.

Drum is mei'n eenz'ger Brascht am End:
Wie macht m'r 's, daß 'r bleibt?
daß denn nit gar noch en Schuldent
aus Dummheit uns vertreibt?

Mach't e Geländer um sei'n Nescht!
Wann's aa was koscht't — was dhut's? —
Sunst, wann 'r fortgeht, glaabt narr fescht,
do hätt m'r nor 's Ge'uz. —

Der Satz war richtig do so weit
unn wie die Sunn so klar,
drum bringe'n aa so gscheute Leut
sein Wort d'rgege vor.

Der muß es wisse, war d'r Schluß,
dann 's is en Mann vum Fach; —
unn schunn de'n ann're Morge muß
d'r Maurer naus uf's Dach.

Der baut dann des Geländer schnell,
unn macht sein Sach recht gut; —
m'r wees jo wie 'n Maurersgfell
so hortig schaffe dhut. —

Unn wie die Herrn jetz uf d'r Gaß
rumschbehne, do unn dort,
do kummt mein Schdork unn — peist 'n' was
unn macht sich widder fort.

Unn baut sein Nescht jetz ganz vergnügt
uf's Nachbershaus sich auf,
unn wann 'r iüwer's alde fliegt,
do guckt 'r schböttisch druf,

unn denkt: Ihr habt doch vil Verdruß
mit eurer Theorie.
Ich bin unn bleib en Praxdiggs —
drum haß' ich zu euch nie!

Nar Gleich unn Gleich gesellt sich gern. —
 In euer Schdorfenecht
 hockt ihr euch selwer neen, ihr Herrn,
 deß is es Allerbescht!

Er unn Sie.

(E Räthsel.)

Ich erschter Dheel bin, wie sich's ghört,
 vunn Lübeck bis uf Donauwörth
 zu gleicher Zeit zu sinne.
 hab awwer ünneraal keen Ruh,
 geh ewe nar so ab unn zu,
 unn dhu mich nergends binne.

Deß is bei mir e Kimmerschbiel.
 Ich bin zu rechter Zeit am Ziel,
 im Winter wie im Summer.
 Unn geh'n ich winters schbäter fort,
 bin ich sogar noch früher dort;
 deß macht mir gar keenummer.

Uun is mein Weg aa noch so weit,
do kuum ich doch zur rechte Zeit,
wie gsacht im mitte Winter;
uun hab doch ganz deselwe Weg,
alls grabaus, iwwer Schdoek uun Schdeeg,
uun geh doch aa nit gschwinder.

So weit wär mir schunt Alles recht;
wie awwer unser Schprüchwort sächt:
Keen Nos is ohne Dorne —
bin ich aa schwarz ball, wie en Krabb,
ball weiß; ball nemm ich zu, ball ab,
vunn hinne'n uun vunn vorne.

Zsammt meiner friedliche Natur,
helf ich — wie fröhers d'r Mektur —
Schbigsbwe, Dieb uun Ränwer.
Uun manchen Mann schunn harw ich bschüßt,
wann er sich schdill hot fertschdiwigt,
zum Ärger vun de Weiner.

Dann ich nemm ohne Gegenß
aa die Verliebde im mein Schutz,
uun habb noch keen verrotthe.
Wanns demm nooch aach schunt annerscht scheint,
do bin ich doch keen Menschefreund
uun Schuld an manchem Dode.

Ich zwerter Dheel geh ewwe drum —
 als Ganzes schunn — im erschte rum,
 um Unglück zu verhüte.
 Ich nemm, mein Vorderdheel zum Truk,
 all die Bererrte im mein Schutz
 unn sorg for Ruh unn Friede.

Die schlechte Kerl verfolg ich all;
 Schitzbume pack ich, Knall u Fall,
 die kleene wie die grose;
 e Päärle atwer, deß m'r kennt,
 do denk ich aa: Waß dich nib brennt,
 deß brauchst d' aa nit zu bloße.

Wann's Feuer, waß ihr bei euch tragt,
 mein erschte Dheel aach alls verjagt,
 hot's wenig zu bedeute;
 's Ärkst is, wann ich vum Feuer hör,
 — wo mir oft grad mit gholse wär —
 kann ich's doch aa nit leide.

Drum hilft m'r der, so lang er kann;
 ja! ich dhät ohne Boddermann
 ganz um mein Poschte kumme.
 Norr demm verdank ich mein Gewalt:
 unn nie noch hot 'r vum mein G'halt
 enn Krenzer angenumme.

Wo der narr alls fort schdecke mag
de ganze, lieve, lange Dag?
Bei meiner Seel! do dhät ich
jo ganz verfoome! Wißt'r's schunn?
Der Kerl, der förcht't sich vor d'r Sunn!
deß wär warrhaft nit nöthig.

Die Sunn hot jo, mein lieber Freund!
kenn Bauer noch zum Land nausgscheint;
grad dich dhut se vertreibe.
's Gewisse drückt dich awwer aach,
du förscht, sie dhut dein Schtreech an 'n Dag;
do kamm'r jo nit bleibe.

's is jo e „Sie“! Jetz fällt m'r 's bei.
Förcht't die sich vor d'r Vollezei,
unn meent, mein Fraa gingt klage?
Deß wär jetz erscht e wahrer Schdaat,
dann ich bin mehrschdens gheurrath't;
ich will's üch nar grad sage.

(Schluß)

Alles Altes, was immer neu is.

(E Räthsel.)

Mein Vorderdheel is immer lieb
de Kaufleut um de Weiw,
de Mädle um de Taschedieb,
um aa de Zeitungsschreiw.

Um schickt's aa schunn in seener Haut,
do hawwe's doch die Menner
gewöhnlich gern beim Sauerkraut
um bei de Wandfaleuner.

Der Holland schdehts in guter Ruh,
um des is ganz erklärlich;
die Groszmächt sijn jo schdill d'rzu —
do is es, scheint's, nig gefährlich.

Im Hinnerdheel gibt's viel zu dhun
for Parre, Werth um Kanne;
wann's aus is awwer, geht's d'rout,
drum kumme nie zwee z'samme.

Uum wann's aa schunn vil Dausend sijn,
m'r werd nie klage höre;
dann do herrscht grosie Ordnung drin,
uum keens därf 's ann're schdöre.

Mein Hinnerdheel schdeht nie nit schdiss.
's is aa nit eens, wie 's ann'er
so gros; uum wer's betrachte will,
noch, mir zu Gefalle kann 'r.

Do find't er, daß es kalt uum naß,
uum waren is uum trude.
's kummt ewe nar druf an, noch was
uum wann 'r grad will gucke.

Jeh Ganzes — daß id's recht verzäh! —
werf Manche in de Grawe,
uum bin e Schdüel vum Hinnerdheel;
des werd nit Jeber glaawe.

's schad't nicks, ich kumm doch grad so oft
zu Herrn, wie Frauenzimmer.
Uum kumm ich aa, nie unverschöfft,
was Neues bin ich immer.

Jeh bring; drum, wann ich öfter kämt,
dhäts aa Nimand verdrieße;
uum doch sijn Leut so unverschämt
uum dhume uf mich schiese.

Ich amwer laaf nit wie en Has,
ich loß se ruhig blöffe
unn schdeh ich 'n aach vor d'r Nas,
nit Gener dhut mich treffe.

Reen telegraphische Depesch
sächt waß vun demm Mirakel,
herngege mache als die Frösch
enn Krimenalschbedakel.

(.190[122])

D'r Schbazirgang.

(E Räthsel.)

D'r Batter sächt: 's is heut so schön,
— unn dhut sein Fingel winke —
m'r wolle 'mol in's Ausland geh'n,
enn grose Schobbe trinke.

Unn wie en innerwegs der Buh
mit Allerlee dhut ploge,
do denkt 'r: Wart ich schaff m'r Ruh;
jek will ich aa 'mol froge.

Frig! sächt 'r, willst de hinnebruf?
Do her; unn langsam gange!
Erstcht krickst de waß zu rothe uf,
hernohet dhu ich dich fange.

Deß bringscht du raus, gebb nor recht Acht,
do kann sich's gar nit fehle.
Noñ, 's war 'mol Jemand, deß hot gsacht:
„Ich will euch waß verzähle.

„Ich wett, 's gibt ohue mich keen Land,
„— unn trau m'r 's zu gewinne —
„bei All demm is doch Keens im Schdand,
„mich nor in cem zu finne.

„Unn doch laaf ich am helle Dag,
„bei Sunneschein unn Rege,
„— wann's Mancher aa nig glaawe mag —
„euch oft noch selbscht enggege.

„Ich geh ball grad, ball widder trumm
„unn zickzack, wie en Voller,
„unn wann ich an e Brück hinkumm,
„do mach ich keen Geboller,

„unn schdolber nit, wie anner Leut,
„grad so d'r Läng noch nütwer;
„neen, do is mir d'r Weg zu weit,
„ich geh d'r Quer nooch drüwwer.

„Heeft's aach in Herbsicht: Hott's, Moore Blij!
„die Wingert sein jo gschlosse;
„do muß mich ewe doch d'r Schütz
„oft mitte durchgeh'n losse.

„Ich geh alleen oft durch de Wald,
„'s darf geh'n aa nachts umm schucke.
„Ich bin ball neu, ball bin ich alt,
„ball naß, ball widder trucke.

„So oft ich aa durch's Wasser geh,
„ich kann keen Bißel schwimme,
„um muß sogar alls durch die See,
„wie's grad mein Weg dhut bschwinne.

„Gehd der schdatt grad aa zickzack fort,
„'s is eens, im Grund genumme,
„ich bin am End doch widder dert,
„vum wo ich her bin summe.

„Um schdatt's m'r meent, die dumme Lent
„die sollte'n eem des' danke,
„war wege mir — wie oft schumm — Schreit
„um Maaferei um Zanke.

„Um ware jehrelang nit münd,
„mit Ripplerei um Ruerre,
„bis daß ich oft am End vum Vied
„noch gar verrückt bin werre.

„So lang ich noch in Ordnung war,
 „is Alles friedlich gange,
 „noht — hawwe se oft Krieg sogar
 „noch wege mir aügsange . . .“

Ach, sächt d'r Freig, deß is zu lang,
 deß is nit rauszubringe.
 Guet, Vadder, 's werd m'r ang'scht um hang.
 Loß mich e Weil jetz schpringe!

Die G'schicht, die is m'r zu verweret. —
 Hoscht's aach in Acht genumme —
 heñ Vadder? — sinmer nit vereret? —
 's will gar keen Werrthshaus kumme!

Bijcht schdill, sächt der, wann ich verzähl!
 Baß uf, for deñ Gebabbel;
 ich kumm jetz an de zwette Dheel.
 Wann d' 's roth'scht, do krid'scht en'n Appel.

„Het der aa noch so gesunde Been,
 „sinn's Baure odder Grase,
 „er kann halt ewe doch alleen
 „gewöhnlich nit laafe.

„Deß het 'n arwer nie noch g'schdört,
 „die Preddig alls zu schwänge,
 „um wamur 'n dann verzähle hört,
 „do kennt 'r gar keen Gränge.

„Gewönlich red't 'r do Latein,
 „— oft leichter wie d'r Parre. —
 „Unn manchmol trügt die Leut d'r Schein,
 „ich wees, es gibt so Narre.

„Eß Ganze is de Mensche gsähr
 „unn guckt als wie en Schberwer
 „noodch denne, wie wann's aügschdelst wär
 „vunn England aus als Werwer.

„Dann die nimmt's immer, Mann für Mann,
 „uf's Korn vunn alle Seite,
 „unn wann's deß nit zu Fus dhun kann,
 „do hilft sich's durch mit Reite.

„Unn wie sich um de heeße Brei
 „die Katz oft rum dhut schleiche,
 „so dhut deß allsfort noch d'rbei
 „um's Vorderdheel runschtreiche. —“

Do sächt d'r Fritz: Is 's jekert aus? —
 Bis an die Hoppefchdange
 — gell Badder? — schpring ich d'r voraus,
 hernoochtert muscht mich fange!

Waart! sächt seiß Badder, gem 'mol Acht!
 Gehsch gleich her! Mit dein Schpringe
 rothscht's doch nit, Kerl! Was harw ich gsacht,
 daß d' krätscht, wann's raus dhäsch bringe?

Non, Frigel! hofcht's dann noch nit haus?
Du meenscht, ich hätt's vergesse?
Wamm'r im Wertrthshaus sinn, is 's aus;
noht is dein Appel gesse.

Do sächt am Dhor noch 's Frikel schnell:
Ätich! ich hab's doch gerothe!
E Räthsel is es! Wadder gell,
ich därf mein Appel brote?

(Erreger.)

D'r Patter.

(G Rätjel.)

So schnell, wie ich — unn ohne Füs —
laaft sicherlich, ihr Leut! keen Ries,
in aller Herre Länder;
unn doch hängt, waß ich binn unn habb,
fascht ganz vunn meine Rinner ab,
als wär ich 'n Verschwender.

Bei all demm bin ich Handelsmann,
treib Alles, was m'r treuwe kann,
unn uf mein breete Buckel
trag icks hauseiere rum im Land,
keen Arweit is bei mir e Schand,
ich helf sogar beim Schnuggel.

Unn weil ich aa zu gleicher Zeit
Gränzwächter bin, do meent ihr Deut:
Geld wär mein Hauptartifel.
Gott! do kummt nit viel raus d'rbei;
hötschtens haww ich mein Trintkes frei;
wo amwer bleibt d'r Wickel?

Ja fröhers war's e'n anner Ding!
Jez lernt mid's, daß ich was erschwing,
mich ehrlich zu ernähre.
's heest ufgebaßt jez — lieber Gott!
zeit m'r die Eisebahne bot,
därf Unserrens sich wehre.

Unn weil ick's bei de'n Amre seh,
hand'l ich halt aa mit Allerlee,
's kann Alles jez nicks batte.
Ich führ jez, was m'r braucht im Land:
Dorf, Bauholz, Backeschdeen unn Sand,
Fisch, Durwak, Vord unn Patte;

um Schidelglas, schön, gros um dick.
 Macht aa 'mol so in d'r Jarwrit;
 ja gelt, deß löst 'r bleiwe;
 Is eners aa durchaus nig grüß,
 so wolfel bringt ihr's halt nit hin
 um keen so grose Scheiwe.

Wann ich die allmännner aach
 vun Schdadt zu Schdadt haufiere trag,
 um dhu aa manchmol falle,
 do dhu ich m'r doch niemols weh,
 um 's bricht keen eenzigie erzwec,
 keen Perl um keen Koralle.

Grad winters hatw ich manchmol Ruh.
 Do mach ich dann mein Krämche zu
 um dent: Geht ihr zum Schinner,
 dann Alter schükt vor Dhorheit nit,
 masgir mich als noch jeltwer mit,
 zsamt meine viele Rinner.

Do gucke mir die Vent alls zu,
 wann ich mich demasgire dhu,
 um kumme gar mit Richter.
 Deß nimm ich freilich manchmol schief,
 um werr alls aach emol massiv,
 um dent: Wart't, deßmol fricht 'r!

Ihr wißt, daß mich so leicht nicks errt,
als wam ma m'r de Weg verschberrt;
deß will ich euch verleede.
Wann ich mit meine Buwe kumm,
ich schmeiß üch die ganz Herberg um;
noht macht euch e Weil bleede.

Herngege laasts ganz gnädig ab,
wann ich mein freie Schielraum habb.
Jez könnt 'r selwer wähle.
's is jo doch aa for euch e Freed
unn besser for uns allebeed;
deß kann sich gar nit fehle.

Wißt 'r jez noch nit: wie unn wann,
do sucht üch Gens, wo's rothe kann,
sunscht is eß for die Raze.
Mach morge früh nar Jeder sich
in 'n Utwerrhein, — do seht 'r mich.
Zu viert koscht's nar 'n Baze.

(Drittes Bild.)

's Schäckel.

(E Räthsel.)

Keen Mädcl, oder gar e Fraa,
unn ewe doch e Sie, —
geht's richtig mit de Mannsleut aa,
mit Weibslcut awwer nie.

's geht mit d'r jedie Schdund d'r Nacht,
do hörscht kenn Fluch, kenn G'schänn;
keen eenzig mol hot's „neen“ noch gsacht,
jo lang ich's habb unn kenn.

Schbielt noch so arg eem 's Schicksal mit,
aach in d'r gröschte Noth
verlooft eem so e Schäckel nit;
's schent nit sein eegne Dod.

Geht nit des Schäckel, treu wie Gold,
mim Bauersmann durch's Feld;
durch Land unn Meer? — wohin d'r wollt —
unn will keen Gut unn Geld!

Unn buzt sich nie; is sanft unn schbill,
 — 's hätt Manchie Ehr d'rvun; —
 wer's doch gebuzt geern sehe will,
 der muß eß selwer dhun.

Die Kerwe amwer bsucht se aa,
 unn dhut mar noch so doll,
 do sächt se nit, wie manchie Fraa:
 Geh heem jek, du bischt voll!

Neen! sie geht mit eem ümveraaf,
 grad odder ümwerzwerch;
 nor in's Thiader, uf ken'n Baal
 unn nit mit in die Kerch.

Wann ganz d'r Mann sein Ehhälft küßt,
 unn schiebt die newenans,
 — wo sunscht e Jedie ärg're müßt, —
 geht die doch höfchtens aus,

vor Langweil, nit vor Eifersucht.
 Mag's geh'n im Haus wie's will,
 unn wann die Fraa aa schännt unn flucht,
 is die doch mäufelschbill,

unn redd't aa nit e Wörtel nein,
 wann's Schreit gibt mit 'em Mann.
 's muß schunt e gscheutie Aigel sehn,
 wo 's Maul so halte kann;

bis daß am End die Fraa, die gut,
gar ihrem Sabberlot
sein Schäßelche noch bringe dhut,
so geern se 'n selwer hot.

Um liebscht' geht's mit Schdudente rum,
mit Offezier unn Räth.
Um Raasleut guckt sich's wennig um;
an denne hot's kein Freed.

Unn manchem Abt unn Erzbischoff
gfallt's Schäßel awwer aa;
ihr nemmt's nit ümwel — wie ich hoff —
die hawwe jo kein Fraa.

Unn is d'r Babscht noch so bigott,
er drückt e Nag doch zu,
wann Gener sunscht nicks uf sich hot,
unn löst 'n geern in Ruh.

Unn wees aa Jeder, wo er's find't
for Geld unn gude Wort,
bei all demm is e ehrbar Kind
mein Schäßel allsefort.

Unn doch guckt's nit uf Schdand unn Ghalt,
ob d' gros bischt odder kleen,
unn ob de jung bischt odder alt,
's guckt nit druf, deß isch schön.

Ihr Weibcher! nemmt e Veischbiel dran,
 seyd aa tren bis zum Dod!
 Unn jetz schtrengt euch e bissel an,
 wer's Schängel is, unn roth't!

(Hochsprung etc.)

Abbes for Jedermann.

(E Räthsel.)

Ich mööcht d'r nar wisse, woran als deß licht,
 deß Ding zahlt keen Zoll unn keen Schdeuer,
 unn is doch so koschtbar; 's isch schunn so e Gschicht,
 daß Keens hier deß Ding noch zu kaase hot fricht:
 mag's wollfel aa seyn odder dheuer.

Unn doch richt't sich ewe e Jeder d'rnooch;
 gar wichtig werd's oft in de Schlachte.
 Ein fleißige Gschäftsmann demm is es keen Plog;
 die Braut unn d'r Bräutigam halte's aa hoch,
 wann's schunn widder Unn're verachte.

Dann 's is aa d'r sicherschte Doster d'rbei
unn kummt unesunscht zu 'me Jede,
zu Reiche wie Arme; unn bleibt m'r emm treu,
do werd m'r vunn all seine Krankheite frei;
der heelt alle Unwel unn Schade.

Unn doch hot's hier aa Leut, die sinn em nig gut
unn sage, 's dhät Alles verfreije.
Die meene, 's macht's aa wie ihr eegenie Brut.
Ich mööcht doch nar wisse, mit was eß deß dhut,
wo's nit emol Zähü hot zum Esse.

's gibt awwer aa Leut noch, die schlage's gar dobt;
unn Annere sage, 's hätt Flüchel,
m'r könnt's gar nit fange. 's leid't awwer keen Roth
bei all demm; wann's kummt, gibt eß Mandhem en Roth.
Wer gscheut is, demm dient's aach als Schbichel.

So, jek will ich schdill seyn, sunscht geh ich zu weit;
— ihr riecht am End jek schunn de Brote, —
dann 's is nit so gfährlich; unn find't 'r's nit hent:
bis Sunndag Middag hatt 'r's sicher, ihr Leut!
Do dhut sichs vunn selwer verrotthe. —

(118 11)

Anhang.

Die Kraniche des — Pissikus.

Wenn Gott e Amt gibt — sächt m'r als gewöhnlich — demm gibt 'r aach de Verschdand d'rzu. Weil awwer keen Regel one Ausnam is, do war's halt aa beim alde Herr gheime Rath selig annerscht. Warum 's jek awwer grad bei demm annerscht war, des ghört nit doher, unn ich wüßt's aach ümwerhaupt gar nit zu sage; forzum! 's war ewe so, unn des is die Hauptsach.

Domit soll awwer jek dorchaus nit gsacht seyn, daß d'r Herr gheime Rath keen Amt ghatt hätt, des beweist jo schunn d'r Titel; odder gar, daß sein Kammerdiener, d'r Fordebach, gscheuter geweest wär wie sein Herr — wann 'r 'm schunt als emol hot aus d'r Brenn helfe müsse. (wie sellmols, wo er die Nachtwächter viffedirt hot) — weit entfernt! — dann: blos weil demm alde Herr sein Amt hot keen hinlänglichie Beschäftigung gewäre könne, do is er als — aus Gesundheitsrückfichte — so hie unn do uf die Nacht gange; unn wann unnerdessa d'r Fordebach ein Lumpeschtreech ausgfürt hot, wie 'n sich nit jeder Kammerdiener gege sein Herr erlaawe därf, do war der nit glei fuchs-dennwels-wild, wie d'r Amtschreimer vun Braßenheim ümwer sein Hannschdoffel, unn

hot sich die Geelsucht an 'n Hals geärgert — Gott bewahr! — do hot 'r de Gscheute gschbielt unn allemol herzlich mitgelacht — nadürlich! alls widder norr aus Gsundheitsrückichte. —

Wer awwer jek glaabt, d'r Herr gheime Rath wär nor uf die Nacht gange, um Böck zu schiese, weil des die Gsundheit am wennischde aügreift, der is doch gross err. O neen! er hot recht geern aach annere Viecher genumme — wann er se fricht hot — unn grad, wie er 's letscht Mol mit 'm Fordebach draus war, wollt d'r Zufall, daß 'r zwee prächtige Kranich gschosse hot. —

De annere Dag — was gschicht? Mein Fordebach geht, so um die Eßeszeit, zufällig an d'r Küch v'rbei, unn wie er dann do die Panne unn die Häffelin all hot broddsle höre, unn d'r Geruch d'rvunn is 'm so einladend unner d'r Nas v'rbei gezogen, do hot's 'n orntlich gezoppt, unn er hot ewe neügemüßt, 's war nicks anerschts zu mache. M'r meent grad, 's hätt so seyn solle; dann — do braucht m'r nit awergläuwisch zu seyn — was gschehe soll, gschicht; do helfe die Flaschderschdeen uf d'r Gäß d'rzu! D'r Koch awwer — was d'r Zufall nit dhut — grad, wie wann's aa hätt so seyn solle — der hot hordig noch wohin gemüßt unn sächt: „Gut, daß d' do bischt; ich muß do gschwind noch wohin; geww e Bissel uf die Kranich do Acht, daß nicks basirt mit!“

„Daß nicks basirt mit?“ sächt d'r Fordebach, „was soll d'un domit basire? Die gehne nimmehr durch.

Erschdens sinn se dobt, unn zwettens is em eene 's Been näschst ganz abgschosse, owwe, an dicke Dheel."

"Ja!" sächt d'r Koch, „ewe derntwege!"

Noû, deß Ding war gut; kaum war der draus, do macht d'r mein Fordebach aa schunn de Deckel uff, unn wie 'm der Schwaddem dann gar zu appetittlich in die Nas gschdiche'n is, daß 'm 's Wasser im Maul zsamme laaft, do hot 'r die Gawwel genumme unn hot draû rungschduppt, ob se aach ball gar sinn, unn hot se gewendt, daß se nit verbrenne solle — meent 'r? Ja, fell mich Ihne! Erscht hot 'm der Zufall widder en'n Vosse gschbielt, dann grad is eß Schduwwemädel reinkumme unn hot gsacht: „Do hinn riecht's arwer e Mol! was hatwe Se dann Gut's, Fordebach? Gewwe Se m'r aa e Bissel!" — Do war's aus. Unn wann 'r schunn gsacht hot: „Waart Laschder! du häsch aach e gudie Eva gewwe; do werd nicks draus!" do hot 'r 'hr doch, zum Beweis, daß 'r die Worheit geredd't hot, weil se'm gar keen Ruh hot gelobt, e Müßfele zukumme losse, dann er hot gedenkt: Noû! wann's dann doch nit anerscht seyn soll! Recht hot se eegentlich: „Müverjucht schmedt nit!" unn hot gsacht: „Geh her! du Schnuckele! du herzgebobbeltes, du bischt m'r aa nonnit feel um so e Schnipfele Kranich; wann d' schunt e Nag uf de Koch hoscht!" Dodrüwwer hot freilich 's Lenche gebhaû, als wann se in Verlegenheit kânt, hot arwer doch deß gute Bröckele genumme unn hot's ferm schnawwliert. Unn so is eß jety ewe rüwwer unn nütwwer gange: er e Schdückele,

sie e Schnitzele, bis d'r Koch kumme'n is unn der Kranich hot kunn verschossene Schelchel mehr ghatt.

Wie awwer jegeret der Koch kumme'n is, do is der glei in die Hitz kumme wie en Rühbauer, unn hot d'r euch glei en'n Heide-Krawall ufgschlage unn gflucht unn g'sackermentirt, daß sich die Balke hätte biege könne, wann's 'n'n grad drum gewest wär: Deswege hätt 'r de Fordebach nit in d'r Küch bleiwe heese — er hätt schunn lang ebbes gemerkt, awwer des wär 'm doch zu bunt — unn er wär jek nit mehr schdill d'rzu; — „ich hab's wol gemerkt, waß vorgange'n is“, hot 'r gsacht, unn so fort unn so weiter, dann: unner d'r Dhiir is es Lenche an 'm v'rbei unn hot sich grad 's Mäulche abgewischt, unn do hot 'r Wunner gemeent, waß basirt wär, verschdanne?

D'r Fordebach awwer hot sich nit err mache losse unn hot gsacht: „Ruhig im Glied! Du hoscht am End noch nie kunn Brote versucht, hein? weil d' so freischt?! — Kreisch nar recht! do werd Er's glei merke, waß d'r Mär is; do brauchst 's 'm gar nit emol mehr zu sage. — Waß is dann jek ganz bod'rbei, wann ich denn eene Kranich sein verschossene Schelchel abgeschnitte habb? hein? Wann d'r 's nit recht is, do schdeck du en'n Schdecke d'rzu! — odder mach 'm en'n Schdügel-fus! Du Dummkopp, daß de bist! —“

Wie d'r jek mein guder Koch gar so waß hört, do war er wie aus de Wolke galle, unn guckt d'r ganz verschdawwert in denn Haffe nein, wo die Kranich drinn ware. Gensdheels war er awwer doch widder froh, daß

sich d'r Fordebach mit demm Kranich abgewwe hot unn nit mit d'r Venche, unn do hot 'r nor en'n diese, diese Seufzer gelöst unn hot gsacht: „Fordebach! Fordebach! deß häsch't m'r nit dhun solle — deß kann m'r böß uffschdöse“.

Der awwer hot norr gsacht: „O mei! du dummer Deuwel, wie kann dann dir ebbes uffschdöse, waß ich gesse habb?“ unn hot 'n ausgelacht; unn sogar 's Venche hot mitgelacht, dann die war forz vorher widder in die Kuch kumme, unn hot's End vunn denne ihrem Dischbedat mit anghört ghatt.

„Ja! ihr hatt gut lache,“ sächt d'r Koch do, „deß geht ümwer mein Buckel, wann's d'r gheime Rath merkt. Ihr habt denn Schlechel miunanner gesse, unn ich werr die Katz durch die Bach schleefe müsse! dann, waß in d'r Kuch vorgeht, deß geht mit mir heem. —“

„Ach!“ sächt d'r Fordebach, „'s werd de Kopp nit loschte, du aldie Greinels! Loß mich nor mache. — W'r schneid't denn annere Kranich aach 'n Schlechel ab, daß eener aussicht wie d'r anner, do weeiß er noht nit weiter. Hot fröhers die halb Welt geglaabt, die Paradiesvöchel hätte gar keen Been, do kann d'r gheime Rath aach emol glaawe, die Kranich hätte nor eens; er hot schunn mehr geglaabt unn is nit dran gichdorne. Ümwigens glaaw ich gar nit, daß 'r Dwaht druf gibt.“

„Nee! nee!“ sächt d'r Koch, „'s hot Alles sein Gränze. Deß dhun ich durchaus nit. Deß muß m'r jo sehe.“

D'r Fordebach awwer hot sich hoch unn dheuer ver-

schwore'n unn verheese, er dhät Alles uf sich nemme. D'r Herr dhät ganz gewiß nicks merke. „Du werstcht sehe,“ hot 'r gsacht, „wann Er ganz aa was merkt, mit Ihm bin ich noch allemol gut zu Schtreech kumme. Er hot's geern, wann'r 'n e Bissel ufzuheitere weech mit eme luschtige Schdückel.“ Unn eb mein guder Koch recht gewüßt hot, wie 'm gschicht, hot aach schunn d'r Fordebach denn annere Kranich in d'r Urweit ghatt, unn hot d'r Lenche e Schdück d'rummy abgschnitte'n unn hot gsacht: „Da Lenche! gewwe Sie's 'hm. Vunn Ihne nimmt er's vielleicht ennder, wie vunn mir.“ —

Was war do jetz zu mache? Ganz weißbrenne konnt 'r sich doch nit mehr, dann er hot jo sein Boschde verlosse ghatt, wo 'm d'r gheime Rath noch hot extra anbefole ghatt, er sollt die Kranich doch jo nit aus de Lage losse, daß nicks basire dhät mit, unn daß er Ehr mit einlege könnt. Uñgschehe war's aa nimmehü zu mache — unn 's Lenche — neen! 's Lenche hot 'm denn Bisse aa gar zu noh unner die Nas ghalte, unn er hätt aach ohne des schunn viel zu gut geroche, als daß er 'n am End nit aach em Fordebach abgenomme hätt. Zudem is er sich uff eem Mol gar zu dobdlich vorkumme, dann 's Lenche hot 'n schunn widder anfangs auszulache, unn des is 'm 's erscht Mol schunn so arg geweest. Do hot 'r dann in Gottsname zugegriffe, unn hot gedenkt wie feller Schwob: Vunn gschehene Sache soll m'r 's Beschde redde, unn war schbill. Gschmeckt hot's 'm nadürlich aa, awwer ganz wol war's 'm doch nit d'rbei.

D'r Fordebach antwer hot gelacht unn hot gsacht:
„Jez geh's, wie's will: Haut odder naut! Merkt Er's,
do is eß gut, do werre m'r uns schunn zu helse wisse.
Merkt Er's nit, do is eß noch besser; wie gsacht, ich glaab
nit, daß er's merkt. Zieg norr die Haut e Bissel drüwer
unn loß eß widder schön brote.“ —

Deßemol antwer hot's d'r gheime Rath doch ge-
merkt; unn wann schunn d'r Koch die Gschicht widder
zsamme gebeschtelt hot, so gut 's erwe hot geh'n wolle:
Er hot's jo gemerkt — in de erschte fünf Minutte schunn,
wo se uf 'm Tisch gschdanne ware, unn hot gleich de
Koch rufe losse. Der antwer hot nadiürlich Alles uf de
Fordebach gschowe: Deß wäre die erschte Kranich, wo er
gebrote hätt im sein Lewe; er wüßt nit, wie viel Been
so Böchel hätte. Er hätt de ganze Morgent Acht gewwe
druf, grad e paar Minutte hätt 'r hordig wohin gemüßt,
unn do wär antwer d'r Fordebach in d'r Küch gewest,
unn wann do was vorgange mit wär, do müßt der's
wisse; bei ihm wär nicks basirt. —

Wie d'r antwer jegeret mein Fordebach kumme'n is,
hot d'r gheime Rath die Gsundheitsrückichte so weit
außer Acht gelöst, daß 'r nit mitgelacht hot. Neen! er
hot sogar 'm Fordebach de Noscht runner gemacht, daß
der's geern besser ghatt hätt, unn hot euch en'n Schbel-
dakel versürt, der war mehr wie arg. Mein Fordebach
antwer hot 'n ruhig ausdome losse — dann er hot 'n
gekennt — unn noht hot 'r ganz ruhig gsacht: „Herr
gheime Rath!“ hot 'r gsacht, „Ihr Wort in Ehre!

awwer wasß Sie do vunn denne Kranich sage, daß die zwee Jüß hätte, deß is emol vornewegg nit wöhr! Deß hot der Eselskopp, der Koch aa behaupt't, umm ich hab schunn de ganze Morgent Dischbut mit 'm ghatt deßwege. Ich kann's 'm eigentlich nit ümwel nemme, dann deß sinn jo die erschede Kranich, wo er brot't, deßwege hawwe se awwer als nit mehr, wie ee ñ Veesñ. So ebbes muß m'r lewenndig, in natura gsehe hawwe, wie mir geschtert Owend; nit wöhr, Herr gheime Rath? Umm derntwege sag ich aach, Herr gheime Rath, daß Sie sich selber widderschbreche dhume, dann Sie hawwe jo geschtert selbstcht gsacht: Fordebach, do guck er emol, wie die uf ihrem eene Veesñ schdehne; deß hätte Sie awwer doch nit sage könne, wann Se ümwerzeugt gewest wäre, daß se zwee hätte, wie Se jek heut behaupte, Herr gheime Rath! Wann ich nor wüßt," hot 'r gsacht, „daß heut widder draus wäre, d'r Weg wär m'r, weß Gott! nit zu weit, eene zu schiese, um Ihne zu ümwerzeuge d'r vunn, Herr gheime Rath!"

Wie d'r deß jek d'r gheime Rath ghört hot, do hot 'r Maul umm Nas ufgeschberrt, umm hot gar nit gewüßt, wasß 'r demm forr e Antwort gewwe soll; dann daß 'r deß zum Fordebach gsacht ghatt hot, deß hot 'r nib bschtreite könne. Um awwer jek nit aus d'r Röll zu falle, hot 'r ewe weiter gschännt in seiner blinde Wuth, umm zwar, wie's gewönlich geht: Kraut umm Rümwe durchnanner, wie's 'm grad vors Maul kumme'n is. „So!" hot 'r gsacht, „Er Simbach Er! — Er will eleen naus=

geh'n, Kranich schiese? — Uz Er sich mit Seinsgleiche, Er Eselskopp! — Do bin ich aa d'rbei; — sunscht werd nicks draus! — Was glaabt dann Er? Er Dummkopp! — So gscheut wie Er is, bin ich aa noch. — Heut Owend, wann ich vum Amt kumm, do will ich's 'm schunn beweise — do kann'r's mit eegene Lage sehe, wann'r's dann doch nit glaawe will! — Also, wann ich vum Amt kumm! Verschdanne?"

„Ja wol!“ hot d'r Fordebach gsacht, „ja wol, Herr gheime Rath! 's hot gar kenn Anschdand. —“

No'n, deß Ding war gut: die Zwee sinn richtig minnanner naus unn hawwe'n aa, glücklicher Weis, widder viel Kranich angetrosse, schier am nämliche Plägel. Die ware all uff eem Kluppert beisamme gschdanne, atwer Feder nar uff eem Bee'n.

„Aha?“ hot d'r Fordebach jetz gsacht, „do gucke Se jetz emol hi'n, Herr gheime Rath! — Wie sicht's dann jetz aus? — Ich meen als, 's wär so, wie Sie geschttert selbscht ganz richtig bemerkt hawwe. — Do gucke Se jetz hi'n unn üwverzeuge Se sich, ob eener vunn denne Kranich mehr als wie een Bee'n hot! — Ja! ja! D'r Fordebach is nit so dumm, daß 'r sich mit Seinesgleiche uzt, wann 'r mit Ihne uf die Nacht geht! — Denn kann'r nit so leicht in de Gänsdreck führe. — Do! gucke Se — — —“

„„Was?““ hot d'r gheime Rath gsacht, „„jetz mach 'r atwer, daß 'r bleede kummt! — Er Eselskopp! Er will sich — glaab — noch mit mir runnarriere! Ich will Em glei zeige, wo Hase laafe; baß 'r nar emol

uf jek!“ — Unn do hot 'r „bft!“ „bft!“ gemacht unn in die Händ geklatst, unn do hawwe die Kranich — wie uff een Schlag — all die Kräge in die Höh gschtreckt, unn sinn fortgepurrt wie d'r Wind, unn ihr zwee lange Been hawwe hinnenauß geguckt wie bei de Schdork.

Do hot d'r gheime Rath gsacht: „Noñ, Fordebach, hot 'r 's jek gsehe? — Wie sieht's dann jek aus? Heññ? Wer hot dann jek Recht?“ — D'r Fordebach atwer hot 'n ganz ruhig angeguckt unn hot gschmunzelt: „Herr gheime Rath“, hot 'r gsacht, „Sie froge mich, wer Recht hot? Demmnoch scheine Sie doch selwer im Zweifel zu seyn. Noñ, ich will Ihne aus d'r Verlegenheit helfe: Ich hab Recht! — Ja, gucke Sie mich nor an! — Sie, ganz alleen, hawwe de Fehler gemacht! Hätte Sie bei denne gebrotene Kranich aa „bft!“ „bft!“ gemacht unn in die Händ geplatscht, eb Se se gschosse hawwe, do hätte die gewiß aach ihr anneres Been nausgschtreckt; deß bin ich fescht ünverzeugt! — Wann Se also in Zukunft widder emol uf die Kranichjacht gehne, do müsse Se erscht „bft!“ „bft!“ mache, eb Se schieße, unn herzaft in die Händ batsche; do werre Se sehe, daß Sie nie mehr — en'n eenbeenige Kranich schieße. Sie werre 's sehe, Herr gheime Rath! — Jek atwer wolle m'r heem gehn, daß Se sich nit verkälte in demm nasse Gras; 's is so schunn ball Nachteßeszeit. — Nor schad, daß Se heut nicks getroffe hawwe! — —“

Uf so 'n Ausgang vunn dere Gschicht war d'r gheime Rath freilich am allerwenigschde gfaßt; weil 'm atwer

em Fordebach sein Gründ eingeleuchtet hawwe — unn namentlich d'r letschte — do sinn se dann in Gott's Name jetz heemgetrollt miinnanner. Unn schunt unnerwegs hot 'r sich allerhand Gedanke gemacht, unn 's is 'm nooch unn nooch immer deutlicher worre, daß d'r Fordebach warscheinlich doch nit so dumm wär, als forr wie er 'n heut morgent noch verzollt hätt, namentlich schunn deßentwege, weil er e Mittel hätt aussinnig gemacht, daß m'r nie mehr 'n eenbeenige Kranich uf de Disch frägt.

Drheem anwer hot 'r sich's düchtig schmecke losse, unn nooch 'm Esse hot 'r seiner Fraa die ganz Gschicht verzählt. Unn wie 'r ferdig war mit, sächt 'r: „Ja, Aldie! so kamm'r sich däuße in seine eegene Leut! Deß hätt ich gar nit hinner demm Fordebach gsucht; ich habb denn die ganz Zeit her for so dumm ghalde; anwer jetz, wo 'r m'r deß Mittel gsacht hot, do seh ich ersicht, daß noch was aus demm Kerl werre kann, wann der so fortmacht. Ich sag d'r, wann ich emol nimmehr sehn sollt: halt m'r 'n jo in Ehre! Der kann d'r aus alle Berlegenheite helfe“ — hot 'r gsacht — „dann Der is nit hinne wie vorne! — Neen! ich hätt mein Lewe gar kenn bessere Kammerdiener friche könne“ — hot 'r gsacht — „als wie Denn. Der macht sein Poschde Ehr, was druf schdeht“ — hot r' gsacht. — „Do sicht m'r halt widder — wie alls d'r Hofkammerad sächt —: Wenn Gott e Amt gibt, demm gibt 'r aach de Verschdand d'rzu!“



